

第三處：入法界

(三會)

一. 舍衛城祇樹給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

| 十 地 | |
|-----|------------|
| 歡喜地 | 婆娑婆陀夜天 |
| 離垢地 | 妙德離垢光明夜天 |
| 發光地 | 喜目觀察眾生夜天 |
| 焰慧地 | 妙德救護眾生夜天 |
| 難勝地 | 寂靜音夜天 |
| 現前地 | 妙德守護諸城夜天 |
| 遠行地 | 開敷樹華夜天 |
| 不動地 | 願勇光明守護眾生夜天 |
| 善慧地 | 妙德圓滿林天 |
| 法雲地 | 釋女瞿夷 |

入法界品善財童子五十三參之第三十一會婆娑婆陀夜天(初地)之一

| | | |
|-----------------|------------------|--|
| 會 處 | | 閻浮提摩竭提國迦毘羅婆城。 |
| 善財童子參訪佛波羅蜜初地善知識 | 聞法信行 | 時，善財童子頭面敬禮安住地神，遶無數匝，辭詣彼城。 |
| | 前法契入 | 爾時，善財童子正念思惟安住天教菩薩不可壞藏法門，修諸三昧，明諸三昧，觀察菩薩諸法律儀，菩薩自在遊戲神通，觀察菩薩一切淨法，深入菩薩甚深智慧，究竟菩薩無壞法門，隨順菩薩無壞法門，深入菩薩諸法門海。 |
| | 見依其善境界思維求覓善知識正報先 | 漸漸遊行至於彼城，從東門入，中城而住。爾時，善財日沒未久，隨順一切菩薩所教，一心欲見婆娑婆陀夜天，於善知識發如來想，普眼境界顯現，諸方智慧悉至，一切境界清淨，法眼普見一切諸法界海。(依佛法僧及智慧成就，起四種由善知識所得思維，此即四智成就入法界智慧生起) |
| | | 大智慧眼觀察十方，見彼夜天於彼城上虛空中住；處寶樓閣香蓮華座，身如真金，目髮紺色，端嚴殊妙，見者無厭。身服朱衣，眾寶莊嚴，頂上結髮，猶如梵王。於其身上現一切星宿，及其光明化度無量世界眾生，遠離惡道。 |
| | | 於一毛孔皆悉觀見所化眾生，或有生天，或得聲聞、緣覺，修菩薩行，種種方便形色、音聲、諸語言法所說，正教化度眾生。隨所經劫，諸菩薩等教化眾生，悉令修習菩薩諸行，勇猛、精進修諸三昧、諸神力門，菩薩自在神力境界，菩薩所住，菩薩光明，菩薩奮迅，菩薩法門，以化眾生。於一毛孔皆悉見聞。 |
| 婆娑婆陀夜天成就初地位 | 發心陳述 | 爾時，善財見聞此已，心大歡喜，頭面敬禮彼夜天足，遶無數匝，恭敬合掌，於一面住，白言：天神！我已先發阿耨多羅三藐三菩提心，信解因善知識得諸佛法，唯願天神開示顯現一切智道，若有菩薩向此道者，得十力地。 |
| | 讚歎發心 | 爾時，夜天告善財言：善哉！善哉！善男子！敬善知識，隨順其教。若有菩薩隨其教者，疾得阿耨多羅三藐三菩提。 |
| | 於惡苦眾生起九種心破癡暗 | 善男子！我已成就菩薩光明，普照諸法，壞散眾生愚癡法門。善男子！我於惡眾生發大慈心，於不善業眾生發大悲心，於修善眾生發歡喜心，於善惡眾生發無二心，於染污眾生發清淨心，於邪道眾生發正道心，於樂不淨眾生發樂淨心，於樂生死眾生發隨順法輪心，於樂聲聞、緣覺眾生發安立一切智道心。善男子！我常如是思惟教化眾生：(起九種起心) |
| | 為十類眾生說法令出 | 惡慧眾生 於夜闍人靜，鬼神、盜賊所遊行時，比丘離威儀時，重雲煙塵昏蔽、日月不見色時，若有眾生在城邑、聚落、山巖、曠野、八方、大海，乃至一切水陸眾生，於此眾生以種種方便，滅其恐怖。 |
| | | 不善業眾生 若有眾生，遭於海難、雲難、山難、大風洄洑，及以波浪迷惑失道，不見邊岸，遭如是等種種海難，我於爾時或作船形，或作馬王、象王、狗王、阿脩羅王、海神王形，作如是等形，方便度脫眾生海難。 |
| | | 夜暗種眾生 為陸地眾生，或作淨月及諸星宿、炬火、電光、諸寶光明、天身光明、菩薩光明，以如是等無量方便，救護眾生。發如是心：我為一切眾生常作歸依，除滅煩惱。令畏死者，得無畏法；令貧窮者，皆得富樂。 |
| | | 歧路眾生 為在山眾生，或作果樹、或作流泉、迦陵頻伽鳥等，出妙音聲；或作山神、或作平地，以如是等無量方便，度脫眾生。發如是心：令諸眾生免此山難，又令一切越生死山。 |
| | | 具恐怖眾生 為曠野眾生，種種方便令其悅樂，入正見道，除滅飢渴，於如是等無量難中，救眾生已，復作是念：願令眾生速滅眾苦，究竟一切安隱智道。 |

入法界品善財童子五十三參之第三十一會婆娑婆陀夜天(初地)之二

| | | | |
|-------------|-------------------|------------|---|
| 婆娑婆陀夜天成就初地位 | 為十類眾生說十波羅蜜相應法令出苦難 | 憂苦眾生 | 見樂著國土眾生受諸苦惱，種種方便滅其樂著，作如是念：願令眾生除五陰著，住一切佛薩婆若境。 |
| | | 貪愛眾生 | 見著聚落眾生受諸苦惱，種種方便而為說法，令其厭離，以法攝之，復作是念：令一切眾生離六入空聚，超出生死，究竟得入一切智城。 |
| | | 無有智慧想見顛倒眾生 | 復次，善男子！若有眾生迷於十方，以東為西，以西為東，乃至以上為下，以下為上，為此眾生，無量方便，斷其迷惑。若欲出者，開示門戶；若失道者，示導正路；若欲度者，示以津濟；無舟楫者，而資給之；不知方域，示其樂土；以如是等無量方便，顯現開道而度脫之。 |
| | | | 發如是心：我已照除長夜昏冥，世間眾事無不宣敘。又令眾生永滅癡闇，得清淨眼，離眾生相及諸邪見，常、樂、我、淨。 |
| | | | 計著眾生及福伽羅陰界諸入，不了因果，行不善道，殺害眾生，乃至邪見、不孝父母，不供養沙門、婆羅門，遠離正道，行不善業，誹謗正道，欲壞法輪，毀菩薩眾，憎惡大乘，不讚菩提，毀賢聖，行惡人法，造五逆業， |
| | | | 如是等類諸惡眾生，我以明淨慧光除其愚闇，令發阿耨多羅三藐三菩提心，究竟普賢菩薩所行，開十力道，遠離生死，現一切智城，諸佛境界，諸佛神通，具足諸力，現法持力，安住諸佛平等正法，現一切佛悉同一身。 |
| | 住邪道眾生 | 纏縛眾生 | 復次，善男子！我見貧、苦、老、病眾生，種種方便而救濟之。復作是念：以無上法攝彼眾生，滅諸煩惱，令得解脫，離生、老、病、死、憂悲、苦惱、惡道諸難。近善知識，深入法界，離諸惡業，淨佛法身，置無老、病、死，常住法界。 |
| | | | 復次，善男子！我見諸惡眾生，遠離正道，趣於邪徑，著諸倒見，虛妄迷惑，具行不善，身、口、意業種種放逸，依止惡法，於非正覺為正覺想，於正覺所非正覺想。近惡知識，受諸苦惱，我見此已，無量方便除其邪惑，安立正見，令於天人最為殊勝。復作是念：令諸眾生得出世間無上正道，不復退轉，於一切智滿足普賢菩薩大願，得一切智，而亦不離菩薩諸地，不壞眾生性。 |
| | 智為先導的十波羅蜜入世間十種相 | | 爾時，夜天欲重宣明此法門義，承佛神力，觀察十方，即為善財以偈頌曰：（二十一偈） |
| | | 勸聞 | 我所成妙法，知時諸門地，照除愚癡闇，普觀一切法。 |
| | | | 無量無數劫，我常修大慈，普覆諸群生，善財應速具。 |
| | | 佛法僧 | 成就大悲海，出生三世佛，除滅一切苦，善財速究竟。 |
| | | | 佛子心歡喜，遠離世間惡，超出三界苦，受諸賢聖樂。 |
| | | 目 | 遠離有為惡，聲聞智解脫，滿足如來力，佛子應究竟。 |
| | | | 我以淨天眼，普觀十方刹，於彼世界中，見佛處道場。 |
| | | | 相好莊嚴身，無量眾圍遶，放大光明海，普照化眾生。 |
| | | 耳 | 觀諸群生類，死此而生彼，迴流五趣中，常受無量苦。 |
| | | | 以淨天耳海，普聞十方音，一切語言海，皆悉能受持。 |
| | | 鼻舌身 | 一切諸如來，無量微妙聲，所轉淨法輪，悉聞能受持。 |
| | | | 我以淨鼻根，法海中無礙，能入諸法門，善財應究竟。 |
| | | | 我成大人相，清淨廣長舌，隨應演妙法，佛子應究竟。 |
| | | | 清淨妙法身，三世如如等，隨其所應化，一切無不現。 |

入法界品善財童子五十三參之第三十一會婆娑婆陀夜天(初地)之三

| | | | |
|-------------|---------------|--------------------|---|
| 婆娑婆陀夜天成就初地位 | 入世間十種相 | 心 | 我心無所染，清淨如虛空，普攝一切佛，而亦無所著。 |
| | | | 了知無量刹，群生諸心海，分別一切根，遠離眾虛妄。 |
| | | 神通 | 我以神通力，遍遊無量刹，普覆一切眾，調伏諸眾生。 |
| | | 福 | 智慧如虛空，無比無盡藏，供養諸如來，饒益一切眾。 |
| | | 智 | 清淨廣智慧，分別諸法海，除滅眾生惑，佛子應究竟。 |
| | | 佛智 | 通達三世法，深入諸佛海，明了一切法，無能測量者。 |
| | | | 一一微塵中，悉見佛刹海，又觀諸如來，此是普力地。 |
| | | | 見盧舍那佛，道場成正覺，十方刹微塵，悉轉正法輪。 |
| | 發心久如 | | 爾時，善財童子白言：天神！發阿耨多羅三藐三菩提心，為幾時耶？得此法門其已久如？乃能如是饒益眾生！ |
| | 初地位自性本體成就因緣本事 | 初地位本事因緣 | 答言：佛子！乃往古世，過如須彌山微塵等劫，有世界名寶德，劫名寂靜。有五百億佛出興於世，時有大城，名蓮華光。有轉輪聖王，名善法度；如聖王法，成就七寶。城東有林，名曰妙德；於此林中有菩提樹，名一切佛自在光明。 |
| | | 於彼佛所發心種善根故不生惡趣(十信) | 爾時，一切法雷王佛坐此樹下，成等正覺，放大光明，普照世界。王玉女，寶名法慧月蓮華光。於彼城內有一夜天，名曰淨月，於中夜時出微妙音告此玉女：汝應當知一切法雷王佛出興于世，稱揚、讚歎彼佛功德，顯現如來自在神力，發阿耨多羅三藐三菩提心，讚歎普賢菩薩一切願行。時，王玉女供養彼佛及諸菩薩、諸聲聞眾。 |
| | | | 善男子！爾時，玉女法慧月蓮華光者，豈異人乎？我身是也。 |
| | | | 善男子！我於彼佛種善根力於須彌山微塵等劫，不墮地獄、餓鬼、畜生、閻羅王處，不生下賤之家，具足諸根，除滅眾苦。常於天人中勝，不離善知識、諸佛菩薩，不生五濁劫中，於彼諸佛菩薩所，增長善根，於八十須彌山微塵等劫，安隱快樂而未滿足菩薩諸根。 |
| | | 見性成就生世界中有五百如來出現(佛) | 復次，善男子！過此須彌山微塵等劫已，復過一萬劫，有劫名離憂，世界名離垢勝；有須彌寂靜眼如來、應供、等正覺等五百如來出興于世。其佛國土或淨、或穢，彼世界中有一四天下，名曰離垢，城名莊嚴。我於爾時為明勝長者女，名勝慧光，端正殊妙。 |
| | | 調伏眾生三世智光明輪(法) | 彼淨月天以本願力生此城中，復作夜天，名清淨眼。時，彼夜天復於中夜來詣我家，顯現妙色，讚歎如來，又勸導我詣彼如來，放大光明在前引導。 |
| | | | 我於爾時與父母俱，及其眷屬往詣須彌寂靜眼如來所，供養、恭敬，聽佛說法，得菩薩三昧，名曰見佛。 |
| | | 成就淨行及其精進(僧) | 教化眾生，明淨慧光，普照三世，得此三昧已，憶念過去須彌山微塵等劫所見諸佛，又聞彼佛所說經法，得光明普照諸法，壞散眾生愚癡法門，放大光明，照十佛刹微塵等世界。見彼刹中，一切如來往詣其所，知彼眾生諸語言法、心根欲性，為彼眾生作善知識，隨其所應，顯現其身。 |
| | | | 於念念中長養此法門，一身充滿世界微塵等世界，乃至充滿世界海微塵等世界海。悉見彼世界海微塵等世界海中，一切如來往詣其所，彼佛說法我悉聞持，分別了知彼諸如來本事願海，彼諸如來嚴淨佛刹，我亦嚴淨。於彼世界中，隨其所應，示現其身，化度眾生，念念長養於此法門，與法界等。 |

入法界品善財童子五十三參之第三十一會婆娑婆陀夜天(初地)之四

| | | | |
|-------------|-------------|----|---|
| 婆娑婆陀夜天成就初地位 | 自法門 | | 善男子！我唯知此光明普照諸法、壞散眾生愚癡法門。 |
| | 自宗門——十波羅蜜精進 | 佛 | 諸大菩薩究竟無量無邊普賢所行深入法界海， |
| | | 法 | 建智慧幢，得諸三昧， |
| | | 僧 | 遊戲神通，大願成滿， |
| | | 精進 | 守護受持十方世界一切佛法。 |
| | | 禪定 | 於念念中悉能嚴淨一切佛刹，滿功德海； |
| | | 般若 | 於念念中教化一切諸群生海，智慧淨日普照三世一切世界， |
| | | 方便 | 教化一切眾生離垢淨月， |
| | | 願 | 除滅一切眾生熱惱、疑惑、癡闇； |
| | | 力 | 於一切有海心無所著，演出清淨圓滿妙音，充滿十方一切法界； |
| | | 智 | 於一一微塵中顯現一切自在神力，明淨慧光普照三世， |
| | | | 我當云何能知、能說彼功德行？ |
| | 推薦精進 | | 善男子！此閻浮提摩竭提國有一夜天，名甚深妙德離垢光明，汝詣彼問云何菩薩學菩薩行、修菩薩道。 |
| | 初地功德十種所見及讚歎 | | 爾時，善財即以偈讚彼夜天曰： |
| | | 佛 | 我見清淨身，相好自莊嚴，如文殊師利，亦如寶山王。 |
| | | 法 | 具足淨法身，三世悉平等，普攝諸群生，其心無所著。 |
| | | 僧 | 放演淨光明，遍照一切趣，於一毛孔中，悉見諸星宿。 |
| | | 精進 | 離垢清淨心，如空滿十方，攝取諸法王，明淨深智慧。 |
| | | 禪定 | 一一毛孔中，悉放無量光，十方諸佛所，普雨功德雲。 |
| | | 般若 | 一一毛孔中，出諸變化身，充滿十方界，方便度眾生。 |
| | | 方便 | 本為菩薩時，淨不思議刹，一一毛孔中，皆悉得顯現。 |
| | | 願 | 若有見聞者，悉獲功德利，專求菩薩道，成就佛菩提。 |
| | | 力 | 若有見聞者，發大歡喜心，遠離惡道難，除滅諸煩惱。 |
| | | 智 | 千刹微塵劫，讚歎其功德，諸劫猶可盡，功德無窮已。 |

入法界品善財童子五十三參之第三十二會妙德離垢光明夜天(二地)之一

| | | |
|---------------------|-------------------|---|
| 會 處 | | 閻浮提摩竭提國菩提場內。 |
| 善財童子 | 聞法信行 | 時，善財童子頭面敬禮彼夜天足，遶無數匝，眷仰觀察，心無厭足，辭退遊行向摩竭國。 |
| | 前法契入 | 爾時，善財童子一心思惟彼夜天神初發道心，圓滿清淨。思惟是已，即得深入諸菩薩藏，出生菩薩諸大願海，淨諸菩薩波羅蜜道，逮得菩薩圓滿諸地，住諸菩薩圓滿行業，窮盡菩薩發趣道海，善能深入一切智海；皆悉救護一切眾生，長養增廣大慈悲雲，於一切剎出生普賢諸大願行。(初地十種菩薩行) |
| | 發心陳述 | 漸漸遊行，至甚深妙德離垢光明夜天所；頭面禮足，遶無數匝，恭敬合掌於一面住，白言：天神！我已先發阿耨多羅三藐三菩提心，而未知菩薩云何修菩薩行、具足諸地？ |
| 甚深妙德離垢光明夜天成就第二地法波羅蜜 | 讚歎發心 | 答言：善哉！善哉！童子乃能發阿耨多羅三藐三菩提心，問菩薩行，具足諸地！ |
| | 成就十種初地法（佛） | 善男子！菩薩成就十法則能具足菩薩所行。何等為十？ |
| | | 佛 一者、得現前三昧，見一切佛。 |
| | | 法 二者、得清淨眼，見一切佛相好嚴身。 |
| | | 僧 三者、分別了知一切諸佛，無量無邊功德大海。 |
| | | 精進 四者、無量無邊佛光明海，悉能普照一切法界。 |
| | | 禪定 五者、於一毛孔放一切眾生數等大光明海，隨其所應，度脫眾生。 |
| | | 般若 六者、於一一毛孔悉見一切寶光焰海。 |
| | | 方便 七者、於念念中出一切佛，變化大海，充滿法界，究竟一切諸佛境界，教化眾生而無障礙。 |
| | | 願 八者、出一切佛妙音聲海，轉三世佛清淨法輪。 |
| | | 力 九者、演說一切修多羅雲，究竟佛音，深入一切諸如來海。 |
| | | 智 十者、現不思議佛自在神力，化度眾生。 |
| | | 善男子！若有菩薩具此十法，則滿足菩薩一切諸行。 |
| | 是解菩薩得一切如來一樂（諸佛如步） | 善男子！我已成就菩薩寂滅、定樂、精進法門，悉見三世嚴淨佛刹一切諸佛及眷屬海、無量無邊佛神力海。分別了知佛名號海，轉法輪海，知彼諸佛壽命無量，音聲微妙，法身清淨充滿法界，亦不著如來一切諸相。何以故？ |
| | | 如來非過去，除滅世間一切取故； |
| | | 如來非未來，無所起故； |
| | | 如來非現在，無生身故； |
| | | 如來非滅，離語言道故； |
| | | 如來非實，現幻法故； |
| | | 如來非虛妄，饒益一切眾生出興世故； |
| | | 如來去無所至，滅死此生彼故； |
| | | 如來不可壞，法性無壞故； |
| | | 如來一性，離語言道故； |
| | | 如來無性，究竟法性故。 |

入法界品善財童子五十三參之第三十二會妙德離垢光明夜天(二地)之二

| | | | |
|---------------------|-----------------------|--|-----------------------------|
| 甚深妙德離垢光明夜天成就第二地法波羅蜜 | 是了解菩薩得寂靜禪定樂普遊步——(淨行等) | 善男子！我如是了知一切如來，開發增廣菩薩寂滅、定樂、精進法門，照明莊嚴，深入隨順、平等、堅固境界；分別了知遠離虛妄，發起大悲，攝取眾生，未曾捨離，一心寂定。 | |
| | | 正受初禪，除滅意業，得寂智力，攝取眾生，歡喜悅樂。入第二禪，捨離生死，寂滅涅槃，觀眾生性。修第三禪，滅一切眾生諸煩惱苦。修第四禪，增長一切智菩提心願，出生菩薩一切三昧海，巧妙方便，究竟菩薩一切法門海，成就菩薩遊戲神通，出生菩薩自在所行，明淨智慧，深入普門法界。 | |
| | | 善男子！我如是修習菩薩寂滅、定樂、精進法門，種種方便，度脫眾生。在家放逸、貪欲眾生，令修不淨想、不樂想、憂惱想、逼迫想、繫縛想、羅刹想、無常想、苦想、無我想、空想、不自在想、老死想， | |
| | | 令彼眾生遠離五欲，常樂正法，信家非家，出家學道，思惟坐禪，為障亂聲，除鬼神怖。若於中夜欲出行時，為開門戶，光明照路，除滅闇冥。讚佛法僧及善知識， | |
| | | 又復讚歎近善知識。令諸眾生未生惡法方便不生，已生惡法方便令滅，未生善法方便令生，已生善法方便增廣。行菩薩行，修波羅蜜，滿足大願，出生一切智；習大慈悲欲令眾生得人天樂，除滅妄想，增長善法，順薩婆若。 | |
| | 自法門 | 善男子！我唯知此菩薩寂滅、定樂、精進法門。 | |
| | 自宗門——十波羅蜜精進 | | 諸大菩薩滿普賢願， |
| | | 佛 | 具足普賢菩薩所行， |
| | | 法 | 究竟得離癡闇法界， |
| | | 僧 | 具諸善根， |
| | | 精進 | 成就如來智力光明， |
| | | 禪定 | 於佛境界無所障礙， |
| | | 般若 | 住生死中，心無所染， |
| | | 方便 | 薩婆若願具足、成滿， |
| | | 願 | 深入一切諸佛刹海， |
| | | 力 | 攝取一切諸佛大海， |
| | | 智 | 受一切佛妙法雲海， |
| | 總說 | | 滅一切眾生生死闇海，(應用成就) |
| | | | 薩婆若光照生死夜；(本體成就) |
| | | | 我當云何能知、能說彼功德行？ |
| | 推薦精進 | 善男子！去此不遠，如來右面有一夜天，名曰喜目觀察眾生。汝詣彼問云何菩薩學菩薩行、修菩薩道。 | |
| | 重宣結會 | | 爾時，甚深妙德離垢光明夜天欲重宣明此法門義，以偈頌曰： |
| | | 佛 | 入於現前定，普見三世佛，離垢清淨眼，分別諸佛海。 |
| | | 法 | 觀察諸佛身，相好自莊嚴，一念無量力，自在滿法界。 |
| | | 僧 | 盧舍那如來，道場成正覺，一切法界中，轉於淨法輪。 |
| | 精進 | | 最勝知法相，寂滅無有二，妙色相莊嚴，顯現一切眾。 |

入法界品善財童子五十三參之第三十二會妙德離垢光明夜天(二地)之三

| | | | |
|--|------------------|----|--------------------------|
| 甚 深 妙 德 離 垢 光 明 夜 天 | 重 宣 結 會 | 禪定 | 佛身難思議，悉滿諸法界，普於十方刹，隨應悉現前。 |
| | | 般若 | 一念放光明，一切刹塵等，無量微妙色，普照諸法界。 |
| | | 方便 | 如來一毛孔，放不思議光，普照諸群生，除滅眾煩惱。 |
| | | 願 | 如來一毛孔，出無盡化海，充滿諸法界，顯現眾生類。 |
| | | 力 | 如來一妙音，充滿諸法界，普雨甘露法，令發菩提心。 |
| | | 智 | 無量劫修行，攝取諸群生，普見諸佛刹，皆悉如電光。 |
| | | 勸進 | 如來出世間，普現群萌類，眾生性境界，悉能分別知。 |
| | | | 一切諸菩薩，所住諸法門，於佛一毛孔，悉能分別知。 |
| | | | 不遠有夜天，名喜目觀察，汝往詣彼問，云何菩薩行？ |

入法界品善財童子五十三參之第三十三會喜目觀察眾生夜天(三地)之一

| | | |
|----------------------|----------------|---|
| 會 處 | | 閻浮提摩竭提國菩提場內菩提場右邊。 |
| 善財童子受善知識加持觀察當位菩薩行法境界 | 聞法信行 | 時，善財童子頭面敬禮彼夜天足，遶無數匝，眷仰辭退，向喜目觀察眾生夜天。 |
| | 前法契入敬善知識教行善知識語 | 爾時，善財童子專求善知識，念因善知識生諸善法；善知識者，難見難遇；見善知識，滅諸亂想；見善知識，除滅一切諸纏障礙；見善知識，得薩婆若智慧光明；見善知識，深入佛海；見善知識，得正念法雲陀羅尼，受持一切佛淨法輪雲；見善知識，具大悲海，救護眾生；見善知識，智慧明淨，悉能普照諸法界海。 |
| | 因緣皆如善知識教 | 時，喜目觀察眾生夜天，以威神力加善財童子，讚善知識，詣善知識，恭敬供養； |
| | | 佛 善知識者，則是菩提； |
| | | 法 善知識者，則是精進； |
| | | 僧 善知識者，難見難遇； |
| | | 精進 善知識者，是不可壞力。 |
| | | 禪定 因善知識，遍遊十方， |
| | | 般若 斷生死流，悉能成辦一切大事； |
| | | 方便 莊嚴正道， |
| | | 願 得普門法門，一切無礙； |
| | | 力 見善知識，不離本處， |
| | | 智 遍至十方一切佛所。 |
| | 成就故方可契入當位法門 | 爾時，善財即時了知， |
| | | 佛 見善知識，成滿無量諸大願海； |
| | | 法 得一切智，饒益眾生； |
| | | 僧 滅除未來無量劫苦， |
| | | 精進 以大莊嚴而自莊嚴。 |
| | | 禪定 一一微塵中，修行一切諸法界法； |
| | | 般若 見十方海，知未來劫諸語言法及菩薩行， |
| | | 方便 究竟一切諸菩薩行； |
| | | 願 於念念中，得一切智， |
| | | 力 神力自在，諸莊嚴道； |
| | | 智 等三世佛淨法界流； |
| | | 不離法界境界，而能往詣充滿法界善知識所。 |
| 喜目觀察神 | 十種法門境界 | 依根本智 爾時，善財往詣喜目觀察眾生夜天，見彼夜天在如來所，於大眾中，處寶蓮華師子之座；正受菩薩普光喜幢法門。 |
| | | 佛(施) 一切毛孔，出眾妙雲，其有見者，欣悅無厭，所謂：智慧行雲，饒益眾生，離於諍訟，不著諸法；以平等心，普攝眾生，顯三世菩薩修行布施，悉捨內外難捨之物，十方眾生，皆悉觀見。 |

入法界品善財童子五十三參之第三十三會喜目觀察眾生夜天(三地)之二

| | | | | |
|-----------------------------------|---------------|--------|-----------------|--|
| 喜目 觀察眾生 夜天成就 第三地 僧波羅蜜 | 依十波羅蜜成就十種法門境界 | 十種勇猛精進 | 法 波羅蜜 (戒) | 又於一切毛孔，出眾生數等菩薩變化身雲，充滿法界，現眾生前；顯示正受不動三昧，覺悟眾生不樂三界。遠離世間，滅除生死，現天人中種種成敗；教諸眾生，修不淨觀，除淨想倒；說有為行，無常變易，苦惱之法；令諸眾生，深入佛戒，未曾暫離，受持諸佛清淨禁戒；現無疑戒，及以香戒戒香，普熏一切眾生。 |
| | | | 僧 波羅蜜 (忍) | 又於一切毛孔，出眾生數等妙色身雲，顯示眾生，截諸肢節，皆悉能忍，堪受眾苦；一切訶責惡罵，皆悉忍受。於彼眾生，不生恚心，恭敬讚歎，不生愛心；於一切眾生，不起我慢，顯現諸法自性之忍，顯現無盡菩提心智；除滅一切眾生煩惱，修習忍法，行菩薩行；顯現清淨金剛之身，顯現如來清淨無上色身，隨其所應，教化眾生。 |
| | | | | 又於一切毛孔，出諸趣種種色身雲， |
| | | | 佛 | 勇猛精進，現一切智； |
| | | | 法 | 勇猛精進，現菩提境界而不退轉； |
| | | | 僧 | 勇猛精進，降伏諸魔； |
| | | | 精進 | 勇猛精進，於生死海，悉能救度一切眾生； |
| | | | 禪定 | 勇猛精進，除滅一切惡道諸難； |
| | | | 般若 | 勇猛精進，壞無智山； |
| | | | 方便 | 勇猛精進，恭敬供養一切如來，心無疲倦； |
| | | | 願 | 勇猛精進，受持守護諸佛法輪； |
| | | | 力 | 勇猛精進，壞散一切諸障礙山； |
| | | | 智 | 勇猛精進，嚴淨一切諸如來刹。 |
| | | | 總說 | 得諸如來清淨精進，教化度脫一切眾生。 |
| | | | 禪定 波羅蜜 | 又於一切毛孔，出種種色身雲，以諸方便，除滅眾生愁憂苦惱，悉令歡喜；厭惡五欲，讚歎慚愧，調伏諸根，修行無上清淨梵行；身、口、意善，顯現世間一切所欲，皆不可樂；建立眾生，令樂正法，出生正受九次第定；除滅眾生一切煩惱，顯現菩薩諸三昧海，通明自在神力境界；令諸眾生，皆悉歡喜，身心柔軟，滅煩惱熱，得清涼樂，長養正法。 |
| | | | 般若 波羅蜜 | 又於一切毛孔，出諸趣種種身雲，詣一切刹諸佛師長，善知識所，恭敬供養，心無疲倦。受持一切諸佛法輪；究竟一切佛海；顯現一切法海；顯現一切諸法實相；顯現一切諸三昧門，清淨智慧；分別一切眾生心海，金剛智慧；壞散一切眾生諸邪見山，出生圓滿明淨慧日。於一念中，悉能除滅一切眾生愚癡闇冥，令諸眾生，皆悉歡喜，得薩婆若。 |
| | | | 方便 波羅蜜 | 又於一切毛孔，出一切眾生數等身雲，現種種色身、不思議身，隨其所應，悉現其前；以無量音，為諸眾生，演說世間功德之藏。世間行業，一切三界，皆不可樂；歎離三界諸惡邪見，遠離邪道，向一切智，超出聲聞、緣覺之地。於有為無為，心無所著；背捨生死，正向涅槃；而亦不捨諸趣往來，不捨發菩提心，成等正覺，教化眾生，得一切智。 |
| | | | 大 願 | 又於一一毛孔，出一切佛刹微塵等變化身雲，普現一切諸眾生前， |
| | | | 佛 | 修普賢行，滿普賢願， |

入法界品善財童子五十三參之第三十三會喜目觀察眾生夜天(三地)之三

| | | | | |
|------------------|---------------|----------|----|--|
| 喜目觀察眾生夜天成第三地僧波羅蜜 | 依十波羅蜜成就十種法門境界 | 十種大願恒無休息 | 法 | 讚歎究竟一切大願。 |
| | | | 僧 | 於念念中，嚴淨一切諸世界海； |
| | | | 精進 | 於念念中，恭敬供養一切諸佛； |
| | | | 禪定 | 於念念中，悉能受持一切法海； |
| | | | 般若 | 於念念中，一一微塵中，出生一切世界海、微塵等法界方便海， |
| | | | 方便 | 住持一切剎、一切劫， |
| | | | 願 | 淨一切智道，未曾休息； |
| | | | 力 | 於念念中，悉入一切諸如來力， |
| | | | 智 | 究竟三世方便海。於一切剎，現自在力， |
| | | | | 令一切眾生，修菩薩行，成滿大願，得一切智。 |
| | | 力波羅蜜 | | 又於一一毛孔，出一切眾生心等身雲，悉現一切諸眾生前， |
| | | | 佛 | 顯現無量一切智力， |
| | | | 法 | 不可窮盡，無能壞者； |
| | | | 僧 | 修不退轉菩薩諸行， |
| | | | 精進 | 於生死法，心無所染， |
| | | | 禪定 | 降伏眾魔，滅煩惱力， |
| | | | 般若 | 壞散一切障礙山力，具大悲力。 |
| | | | 方便 | 於一切劫，修菩薩行，心無疲倦， |
| | | | 願 | 震動一切諸佛世界，令眾生喜， |
| | | | 力 | 轉淨法輪，建立法幢，制諸外道； |
| | | | 智 | 修菩薩行力波羅蜜，得一切智。 |
| | | 智波羅蜜 | | 又於一一毛孔，出一切眾生心等種種色身雲，充滿無量諸眾生界，隨其所應，現菩薩行； |
| | | | 佛 | 智力精進，度眾生海， |
| | | | 法 | 分別了知一切眾生心心所行海、 |
| | | | 僧 | 一切眾生諸根海、 |
| | | | 精進 | 一切眾生行海； |
| | | | 禪定 | 教化眾生，未曾失時， |
| | | | 般若 | 明淨智慧，究竟法性。 |
| | | | 方便 | 於念念中，明淨智慧，充滿法界， |
| | | | 願 | 了知一切世界成敗，及其莊嚴自在神力； |
| | | | 力 | 詣諸佛所，恭敬供養， |
| | | | 智 | 守護受持正法輪雲。 |
| | | | | 如是顯現智波羅蜜，悉令眾生，皆大歡喜，熙怡悅樂，身心柔軟；除滅熱惱，遠離憂感，棄捨眾惡，調伏諸根，心得解脫，於一切智，得不退轉。如顯現諸波羅蜜，化度眾生；顯現菩薩一切功德，化度眾生，亦復如是。 |

入法界品善財童子五十三參之第三十三會喜目觀察眾生夜天(三地)之四

| | | | |
|-------------------|-------------|---------------|---|
| 喜目觀察眾生夜天成就第三地僧波羅蜜 | 說菩薩四位行法成就次第 | 十住位合會理事十波羅蜜次第 | 又於一切毛孔，顯現喜目觀察眾生夜天，從初發心所為功德，求善知識，往詣諸佛，恭敬供養，修習善根。 |
| | | | 行檀波羅蜜，難捨能施； |
| | | | 行尸波羅蜜，棄捐天下宮殿眷屬，出家學道，淨修禁戒； |
| | | | 行羼提波羅蜜，一切眾生，悉加惡言，無量逼切，皆悉能忍； |
| | | | 行毘梨耶波羅蜜，修諸苦行，專求菩提，其心堅固而不退轉； |
| | | | 行禪波羅蜜，諸方便道，滿足清淨禪波羅蜜，於諸三昧而得自在，究竟一切諸三昧海，相續次第，未曾斷絕； |
| | | | 行般若波羅蜜，清淨菩薩圓滿智慧，出明淨慧日無盡慧藏，究竟智海； |
| | | | 行方便波羅蜜，出生一切諸方便身、方便功德、方便清淨、方便本事； |
| | | | 行願波羅蜜，出生一切諸願淨身，成滿諸願，隨應行願，及願波羅蜜本事； |
| | | | 行力波羅蜜、力波羅蜜因緣功德、力波羅蜜方便海，分別演說力波羅蜜本事； |
| | | | 行智波羅蜜、智波羅蜜出生、智波羅蜜淨身、智波羅蜜說、智波羅蜜境界、智波羅蜜所攝、智波羅蜜光明、智波羅蜜本事、智波羅蜜分別行、智波羅蜜深入、智波羅蜜攝取諸法； |
| | | | 隨順知法、知業、知剎、知劫、知三世、知佛出世、知佛智、知菩薩、知菩薩智、知菩薩住、知菩薩功德、知菩薩迴向、知諸大願、知轉法輪、知分別法、知入法海、知方便海、知法旋流、知諸法趣；如是等一切智波羅蜜，於一切毛孔，皆悉顯現，化度眾生。 |
| 無量眾生形相身雲 | 於一切毛孔出法界 | | 又於一切毛孔，出無量身雲，所謂： |
| | | | 阿迦尼吒天身雲、淨居天身雲、善現天身雲、不熱天身雲、果實天身雲、遍淨天身雲、無量淨天身雲、少淨天身雲、淨果天身雲、無量淨果天身雲、少淨果天身雲、光音天身雲、無量光音天身雲、少光音天身雲、大梵天身雲、梵輔天身雲、梵身天身雲；他化自在天王，及他化自在天子、天女身雲；化自在天王，及化自在天子、天女身雲；兜率天王，及兜率天子、天女身雲；夜摩天王，及夜摩天子、天女身雲；三十三天王，及三十三天天子、天女身雲； |
| | | | 提頭賴吒天王，及一切乾闥婆男女身雲；毘樓勒叉天王，及一切鳩槃荼男女身雲；毘樓博叉天王，及一切龍男女身雲；毘沙門天王，及一切夜叉男女身雲；緊那羅王，及一切緊那羅男女身雲；摩睺羅伽王，及一切摩睺羅伽男女身雲；迦樓羅王，及一切迦樓羅男女身雲；阿脩羅王，及一切阿脩羅男女身雲；閻羅王，及一切閻羅王男女身雲；人王身雲；男子、女人、童男、童女身雲；出如是等一切諸趣身雲。 |
| | | | 聲聞、緣覺、仙人身雲；地水火風神、海神、河神、山神、林神、樹神、穀神、味神、藥草神、園觀神、城郭神、道場神、夜神、晝神、虛空神、方神、道路神、身形神、金剛力士神，出如是等一切身雲，充滿十方一切世界法界。 |
| 成就次第 | 現菩薩 | | 為一切眾生，現喜目觀察眾生夜天，從初發心所行功德，積集無量諸波羅蜜，次第受生，死此生彼，及其名號，近善知識，值遇諸佛，聞持正法，行菩薩行，得諸三昧，次第覩見一切佛剎，及諸如來次第諸劫；得淨智慧，深入法界，觀察眾生，知眾生海，死此生彼。得淨天耳，次第悉聞一切音聲；知他心智，次第了知眾生心念；無依神足，次第自在充滿十方；得諸菩薩次第法門，究竟菩薩諸法門海、菩薩自在、菩薩精進、菩薩得證正趣，離生眾生想、菩薩想、菩薩勝妙清淨功德。 |

入法界品善財童子五十三參之第三十三會喜目觀察眾生夜天(三地)之五

| | | |
|----------------|----------------|--|
| 成就第三地僧波羅蜜 | 以眾生類無量音聲演說菩薩成就 | 如是等類一切功德，彼化身雲悉為眾生，以諸音聲分別解說，開示顯現；所謂：風輪音聲、水輪音聲、火焰音聲、大海音聲、大地震動音聲、山王相擊音聲、天城震動音聲、天寶音聲、諸天音聲，龍王音聲，夜叉王、乾闥婆王、阿脩羅王、迦樓羅王、緊那羅王、摩睺羅伽王等音聲，人王音聲、梵王音聲、天女歌頌音聲、天樂音聲、摩尼寶王音聲、如來音聲、菩薩音聲、如來化身音聲；以如是等種種音聲，為諸眾生，分別演說喜目觀察眾生夜天，從初發心一切功德。 |
| | 結會見聞 | 彼一一身雲，說此法時，念念中，於一一方，嚴淨不可說不可說諸佛世界，無量無邊眾生滅惡道苦，無量無邊眾生成就天樂，無量無邊眾生度生死海，無量無邊眾生安立聲聞、辟支佛地，無量無邊眾生得菩薩不可思議喜幢自在法門，於念念中，無量無邊眾生住如來地。 |
| 善財童子契入當位菩薩行法境界 | 契入善知識法門善根因緣 | 爾時，善財童子皆得見聞，如上一切諸奇特事，正念思惟，觀察分別，深入定智，安住平等。何以故？ |
| | | 佛與彼夜天，先同行故， |
| | | 法佛護念故， |
| | | 僧成就不可思議諸善根故， |
| | | 精進具足菩薩根故， |
| | | 禪定生佛家故， |
| | | 般若得善知識力故， |
| | | 方便一切諸佛神力持故， |
| | | 願盧舍那佛本願力故， |
| | | 力善根熟故， |
| | | 智堪受普賢菩薩行故。 |
| | 得此解脫心生歡喜 | 爾時，善財得菩薩歡喜淨光明海，得十方一切諸如來力，得彼夜天離垢喜幢法門，即恭敬合掌，以偈讚歎彼夜天曰： |
| | | 佛無量無數劫，深學最勝法，隨應所受化，顯現妙色身。 |
| | | 法了知諸群生，愚癡顛倒惑，種種身方便，度脫眾生類。 |
| | | 僧清淨妙法身，除滅煩惱熱，非二現有二，為化眾生故。 |
| | | 精進陰入及諸界，皆悉無所著，具行及色身，度脫一切眾。 |
| | | 禪定不著內外法，越度生死海，明淨智慧光，普照於一切。 |
| | | 般若喜目天無著，除滅眾虛妄，眾生樂著世，為現佛法力。 |
| | | 方便無礙三昧力，一一毛孔中，出諸化身雲，供養十方佛。 |
| | | 願念念中出生，諸佛方便力，攝取諸眾生，究竟一切法。 |
| | | 力觀察諸有海，業行莊嚴身，演說無礙法，令眾清淨故。 |
| | | 智相好自莊嚴，猶若普賢身，隨應受化者，顯現無量身。 |
| | 發心久如 | 爾時，善財童子偈讚歎已，白言：天神！發阿耨多羅三藐三菩提心，為幾時耶？得此法門，其已久如？ |

入法界品善財童子五十三參之第三十三會喜目觀察眾生夜天(三地)之六

| | | | | |
|-------------------|-----------|----|---------------------------|--------------------------|
| 喜目觀察眾生夜天成就第三地僧波羅蜜 | | | 爾時，夜天以偈答言：（九十八偈說過去百佛成就本事） | |
| | 世間十波羅蜜因緣 | 佛 | 憶念過去世，無量剎塵劫，爾時有一劫，名曰寂靜音。 | |
| | | 法 | 有都名香水，其王名智慧，十二億百千，那由四天下。 | |
| | | 僧 | 彼聖轉輪王，清淨妙色身，三十二相具，八十好莊嚴。 | |
| | | 精進 | 妙身清淨藏，閻浮檀金色，光明照一切，詳步遊虛空。 | |
| | | 禪定 | 彼王有千子，勇猛身端正，大臣有一億，智慧悉賢明。 | |
| | | 般若 | 采女有十億，端嚴如天后，大慈心柔軟，瞻奉給侍王。 | |
| | | 方便 | 彼聖轉輪王，常以正法治，統領諸山地，一切四天下。 | |
| | | 願 | 我時為寶女，具足淨梵音，身出金色光，周照四萬里。 | |
| | | 力 | 日光既已沒，中夜閑寂然，我當於爾時，神瑞降善夢。 | |
| | | 智 | 見佛出世間，號曰功德海，顯現自在力，充滿十方界。 | |
| | 出世間十波羅蜜因緣 | 佛 | 放大光明海，一切剎塵等，無量自在身，充滿於十方。 | |
| | | 法 | 大地六種動，自然出妙音，如來興出世，天人悉歡喜。 | |
| | | 僧 | 一切毛孔中，出佛化身海，充滿十方界，隨應而說法。 | |
| | | 精進 | 我夢見如是，如來自在力，聞說深妙法，其心大歡喜。 | |
| | | 禪定 | 一萬夜天神，充滿虛空中，讚歎彼如來，聞已即覺悟。 | |
| | | 般若 | 彼天告我言：賢慧女速起，佛已興汝國，劫海難值遇。 | |
| | | 方便 | 聞此音歡喜，即見明淨光，觀察從何來，道場樹王所。 | |
| | | 願 | 時見如來身，猶若寶山王，一切毛孔中，放大光明海。 | |
| | | 力 | 見佛自在力，其心大歡喜，即發弘誓願，令我獲此德。 | |
| | | 智 | 我時覺大王，普及諸眷屬，見彼佛光明，歡喜心無量。 | |
| | 精進力用 | | 我時與彼王，無量那由他，眷屬四種兵，往詣如來所。 | |
| | | | 我於二萬歲，供養彼如來，七寶四天下，一切悉奉施。 | |
| | 本體 | 佛 | 時彼如來說，功德普雲經，大願海莊嚴，隨應度眾生。 | |
| | | 法 | 我發如是願，來世作夜天，諸有放逸者，悉令遠離之。 | |
| | | 僧 | 爾時我初發，無上菩提心，生死有為中，未曾有忘失。 | |
| | 十波羅蜜佛 | | | 從是後供養，十億那由佛，生死海受樂，饒益諸群生。 |
| | | | | 初佛功德海，第二功德燈，第三寶幢佛，第四虛空智， |
| | | | | 第五蓮華藏，六無礙音月，第七法月王，八圓滿智燈， |
| | | | | 第九寶焰佛，無上天人尊，第十化音聲，我已悉供養， |
| | | | | 如是等諸佛，十億那由他，猶未得慧眼，究竟生死海， |
| | 十波羅蜜法 | | | 次第復有劫，名曰天妙勝，世界名寶光，五百佛興世， |
| | | | | 初佛圓滿月，第二明淨日，第三光明佛，四須彌山王， |
| | | | | 第五華焰海，第六智慧海，第七然燈佛，第八天德藏， |
| | | | | 九光明王幢，第十普智王， |
| | | | | 如是等諸佛，我已悉供養，未離樂五陰，非樂生樂想， |

入法界品善財童子五十三參之第三十三會喜目觀察眾生夜天(三地)之七

| | | | |
|------------------|------------------------------|------------|--------------------------|
| 喜目觀察眾生夜天成第三地僧波羅蜜 | 僧波羅蜜成就菩薩說供養十劫百佛修行成就即成僧十波羅蜜本事 | 十波羅蜜 僧 | 次第復有劫，名莊嚴梵音，爾時有世界，名蓮華燈雲， |
| | | | 彼有無量佛，及其大眷屬，我已悉供養，聞受持正法。 |
| | | | 初佛寶須彌，第二功德海，法界須彌幢，第四法須彌， |
| | | | 第五法幢佛，第六法地佛，第七法力佛，第八虛空慧， |
| | | | 第九光焰山，第十照明山， |
| | | | 如是等諸佛，我已悉供養，猶未了真實，究竟諸法海。 |
| | | 十波羅蜜 精進 | 次第復有劫，名曰歡喜德，爾時有世界，名曰功德幢， |
| | | | 彼劫有八十，那由他諸佛，無量供養具，奉彼諸最勝。 |
| | | | 初乾闥婆王，二壽命樹王，三功德須彌，第四寶眼佛， |
| | | | 第五盧舍那，六光明莊嚴，第七法勝佛，第八明淨德， |
| | | | 第九世間主，十一切法王， |
| | | | 如是等諸佛，我已悉供養，猶未得妙智，深入法界海。 |
| | | 十波羅蜜 禪定 | 次第復有劫，名曰寂靜慧，爾時有世界，名普光明雲， |
| | | | 有千佛興世，無量德莊嚴，除滅煩惱垢，一切眾清淨。 |
| | | | 初佛號無諍，第二無礙力，三法界光明，四一切燈王， |
| | | | 五婆樓那天，第六眾生歸，七忍圓滿燈，八法具足燈， |
| | | | 九光明嚴海，第十光明王， |
| | | | 如是等諸佛，我已悉供養，猶未解真法，遊行一切刹。 |
| | | 十波羅蜜 般若 | 次第復有劫。名曰香燈雲，爾時有世界，名曰清淨起， |
| | | | 一億佛興世，嚴淨一切劫，彼佛所說法，我悉聞受持。 |
| | | | 初佛無量稱，第二法海佛，第三勇猛王，四功德法王， |
| | | | 第五勝法雲，第六天冠佛，第七智焰佛，第八虛空音， |
| | | | 第九等勝起，第十妙德光，供彼諸佛已，成就八正道。 |
| | | | 次第復有劫，名明淨堅固，爾時有世界，名曰寶幢王， |
| | | 十波羅蜜 方便 | 五百佛興世，彼諸如來等，我已悉供養，求無礙法門。 |
| | | | 初佛圓滿德，第二寂靜音，第三功德海，第四日王佛， |
| | | | 第五功德王，第六須彌相，第七法王佛，第八功德王， |
| | | | 第九須彌山，第十光明王， |
| | | | 如是等諸佛，我已悉供養，我皆悉嚴淨，一切最勝道， |
| | | | 猶未得具足，究竟深法忍。 |
| | | 十波羅蜜 願 | 次第復有劫，名曰為勝主，爾時有世界，名寂靜音聲， |
| | | | 八十那由他，諸佛興出世，我已悉供養，於彼修正道。 |
| | | | 初佛號華聚，第二海藏佛，第三功德起，第四天周羅， |
| | | | 第五摩尼藏，第六金山佛，第七寶聚佛，第八寂靜幢， |
| | | | 第九法幢佛，第十智王佛， |
| | | | 如是等諸佛，我已悉供養。 |

入法界品善財童子五十三參之第三十三會喜目觀察眾生夜天(三地)之八

| | | | | |
|-------------------|---------------|-----|--|----------------------------------|
| 喜目觀察眾生夜天成就第三地僧波羅蜜 | 十波羅蜜力 | | 次第復有劫，名曰千功德，爾時有世界，名善化幢燈， | |
| | | | 六億那由他，諸佛興出世，我已悉供養，彼一切如來。 | |
| | | | 初佛寂靜幢，第二智慧幢，第三百燈佛，四功德雲王， | |
| | | | 寂靜光明王，第六明淨日，第七法燈佛，第八光焰佛， | |
| | | | 九天功德藏，第十智慧燈， | |
| | | | 如是等諸佛，我已悉供養，未得無生忍，究竟諸法海。 | |
| | 十波羅蜜智 | | 次第復有劫，名無著莊嚴，爾時有世界，名無量勝光， | |
| | | | 時有三十六，那由他佛出，如是等諸佛，我已悉供養。 | |
| | | | 初功德須彌，第二虛空心，第三莊嚴智，第四莊嚴藏， | |
| | | | 五法音聲海，六持法音聲，第七化音聲，第八功德海， | |
| | | | 九功德海燈，第十功德幢， | |
| | | | 彼諸如來等，我皆悉值遇。 | |
| | 十一地十波羅蜜成就 | 願成就 | 功德幢如來，出興於世時，我為功德天，供養彼最勝。 | |
| | | | 時佛為我說，莊嚴大願海，陀羅尼念力，皆悉能受持。 | |
| | | 佛 | 我得明淨眼，三昧陀羅尼，於一一念中，悉見最勝海。 | |
| | | | 法 | 出生大悲藏，深入方便雲，心淨如虛空，悉得諸佛力。 |
| | | 僧 | | 觀察諸眾生，常樂我淨倒，愚癡闇所覆，煩惱起虛妄。 |
| | | | 精進 | 邪見貪欲等，無量諸惡業，一切諸趣中，具受不善報， |
| | | 禪定 | | 一切諸趣中，種種業受身，生老病死患，無量苦逼迫。 |
| | | | 般若 | 我發無上心，安樂彼眾生，令至諸佛所，成滿如來力。 |
| | | 方便 | | 滿足大願雲，常見一切佛，修習於正道，具足諸功德。 |
| | | | 願 | 一向廣專求，無量功德雲，法門波羅蜜，充滿諸法界。 |
| | | 力 | | 佛子我爾時，即得普賢行，分別深法界，攝取一切法。 |
| | | | 智 | 成滿一切地，三世方便海，修習無礙行，一念具佛智。 |
| | | | | (夜天說供養十劫百佛修行本事，即十波羅蜜成就及綜合十波羅蜜成就) |
| | 文殊普賢菩薩覺我令見佛往事 | | 善男子！爾時，智慧轉輪王者，豈異人乎？文殊師利童子是也；紹繼轉輪王姓，諸如來種，使不斷絕。時，王賢慧寶女者，我身是也，爾時，夜天覺悟我者，普賢菩薩所變化也。 | |
| | | | 我於爾時，初發阿耨多羅三藐三菩提心，發道心已，於佛剎微塵等劫，不墮惡道，常生天人，覩見諸佛，乃至功德幢佛所，得此普光喜幢法門，得此法門已，饒益化度無量眾生。 | |
| | 自法門 | | 善男子！我唯知此法門。 | |
| | 自宗門 | | 諸大菩薩於念念中， | |
| | | 佛 | 普詣一切諸如來所，具足成就精進大海； | |
| | | 法 | 於念念中，滿足一切諸大願海； | |
| | | 僧 | 於念念中，出生一切未來劫，菩薩諸行； | |

入法界品善財童子五十三參之第三十三會喜目觀察眾生夜天(三地)之九

| | | | |
|----------------------|-----------------------|----|--|
| 喜目 觀察 眾生 夜天 | 自 宗 門 精 進 | 精進 | 於一一菩薩行中，出生一切佛刹微塵等身，彼一一身，充滿一切諸法界海； |
| | | 禪定 | 於一一法界中，顯現一切佛刹，隨其所應，現菩薩行； |
| | | 般若 | 於一一佛刹中，究竟一切佛刹微塵等諸佛海； |
| | | 方便 | 於一一佛所，究竟一切法界等，如來自在神力， |
| | | 願 | 一一如來所，分別過去諸劫，行菩薩行； |
| | | 力 | 一一如來所，守護受持一切法輪， |
| | | 智 | 究竟三世如來諸方便海。 |
| | | | 我當云何能知、能說彼功德行？ |
| | 推 薦 精 進 | | 善男子！此佛眾中，有一夜天，名曰妙德救護眾生，汝詣彼問云何菩薩學菩薩行，具菩薩行，淨菩薩行。 |

入法界品善財童子五十三參之第三十四會妙德救護眾生夜天(四地)之一

| | | | | |
|-------------------|------------------|-------------------|---|--|
| 會 處 | | | 此閻浮提摩竭提國菩提場內。 | |
| 善財童子受菩薩加持得究竟清淨輪三昧 | 聞法信行 | | 時，善財童子頭面敬禮喜目觀察眾生夜天足，辭退而行。 | |
| | 前法契入信解趣入善知識教 | | 爾時，善財童子正念思惟普光喜幢法門，分別深入，開發顯現。隨順善知識教，一向專求見善知識，身心諸根，普遊方面；求善知識，思念善知識道，勇猛精進，乃得值遇；同善知識一切善根，具足成就深妙方便；因善知識，出生長養一切善根，發諸大願，於一切劫，不離善知識，往詣妙德救護眾生夜天所。 | |
| | 善財童子得清淨輪三昧見善知識成就 | 夜天放光加持善財 | 爾時，夜天為善財童子顯現菩薩教化一切世間法門境界，相好嚴身，眉間白毫相中，放大光明，名曰普慧焰燈淨幢，無量光明，以為眷屬，普照一切世界；照已，入善財頂，充滿其身。爾時，善財即得菩薩離垢圓滿三昧。 | |
| | | 善財得清淨輪三昧 | 得此三昧已，於一切地、水、火、風微塵，眾寶微塵、香微塵、金剛微塵、摩尼微塵、碎末微塵、一切莊嚴具微塵、一切境界微塵，如是等一一微塵中，悉見佛刹微塵等世界成敗。 | |
| | | 見世間差別 | 風輪、水輪、金剛輪、地輪，種種莊嚴，眾山圍遶、無量大海，諸天宮殿，諸雜寶樹，種種莊嚴；諸龍宮殿，夜叉、乾闥婆、阿脩羅、迦樓羅、緊那羅、摩睺羅伽、人、非人等，城郭宮殿，地獄餓鬼，畜生閻羅王處，悉見五道眾生，死此生彼。 | |
| | | 見世界差別 | 分別了知彼諸世界：或有世界淨，或有世界不淨，或有世界趣淨，或有世界趣不淨，或有世界淨不淨，或有世界不淨淨，或有世界一向淨，或有世界其形平正，或有世界其形如伏，或有世界其形四方； | |
| | | 見善知識於一切趣中以方便力隨宜度化 | 如是等一切世界，一切趣中，見彼夜天，於一切時，普現一切諸眾生前，隨其所應而度脫之。為地獄眾生，滅諸楚毒；為諸畜生，滅惱害畏；為餓鬼眾生，除飢渴苦；為諸龍等，滅一切畏；為欲界眾生，除欲界苦，為諸人類，除閻冥畏、不活畏、惡名畏、大眾畏、惡道畏、死畏、失善根畏、失菩提心畏、近惡知識畏、失善知識畏、聲聞緣覺地畏、生死畏、不同意畏、非時受生畏、生惡人家畏、行惡業畏、業障畏、煩惱障畏、報障畏、諸貪著畏、諸繫縛畏，滅如是等一切怖畏。 | |
| | 依二十種大願普現其前 | | | 又復教化四生眾生，所謂：卵生、胎生、濕生、化生、有色、無色、有想、無想、非有想、非無想眾生，常現其前而教化之。（涅槃及菩薩凡二十種大願力，此處缺文，請參考四十華嚴） |
| | | 涅槃十波羅蜜 | 佛 | 滿大願力故， |
| | | | 法 | 菩薩三昧力故， |
| | | | 僧 | 諸通明力故， |
| | | | 精進 | 出生普賢菩薩行力故， |
| | | | 禪定 | 出生長養大悲海故， |
| | | | 般若 | 無礙大慈覆一切眾生故， |
| | | | 方便 | 安樂一切眾生故， |
| | | | 願 | 攝取一切眾生故， |
| | | | 力 | 深入菩薩自在境界法門故， |
| | 智 | 普現一切諸佛刹中為嚴淨故， | | |

入法界品善財童子五十三參之第三十四會妙德救護眾生夜天(四地)之二

| | | | | |
|-------------------|----------------|-------------|---|--------------------------|
| 善財童子受菩薩加持得究竟清淨輪三昧 | 依二十種大願普現其前 | 菩薩十波羅蜜 | 佛 | 在一切法中智慧覺悟故， |
| | | | 法 | 在一切佛所恭敬供養故， |
| | | | 僧 | 在一切佛法中守護正法故， |
| | | | 精進 | |
| | | | 禪定 | |
| | | | 般若 | 在一切眾生心海中度脫眾生故， |
| | | | 方便 | 在一切眾生諸根中調伏諸根故， |
| | | | 願 | 在一切眾生欲海中為除障礙得清淨故， |
| | | | 力 | |
| | | | 智 | 在一切眾生愚癡闇中出生一切智光明故。 |
| | 善財得善知識本來面目 | | 爾時，善財見彼夜天自在神力，不可思議菩薩境界，一切世界，教化眾生，成就菩薩一切法門自在神力，歡喜無量，頭面禮足，恭敬合掌，於一面住，一心觀察。爾時，夜天即捨相好妙莊嚴身，現夜天形，而不捨離自在神力。 | |
| | 讚善財童子依所見十波羅蜜成就 | 善財童子依所見十波羅蜜 | | 爾時，善財以偈頌曰：(二十一偈) |
| | | | 願說 | 善財合掌住，諦觀無厭足，見無量神力，其心大歡喜。 |
| | | | 佛 | 我見尊妙身，相好自莊嚴，清淨如虛空，一切莫能壞。 |
| | | | 法 | 所放殊勝光，無量剎塵等，種種微妙色，普照於十方。 |
| | | | 僧 | 一一毛孔放，眾生等光明，一一光明端，出生寶蓮華。 |
| | | | 精進 | 從華出化身，除滅眾生苦，放諸香光明，普熏十方界。 |
| | | | 禪定 | 雨無量華雲，供養諸最勝， |
| | | | 般若 | 放無量寶光，一如須彌，普照一切眾，除滅愚癡闇。 |
| | | | 方便 | 口放淨光明，猶如無量日，普照盧舍那，無量之境界。 |
| | | | 願 | 眼放淨光明，猶如無量月，普照群生類，除滅愚癡瞋。 |
| | | | 力 | 妙相等眾生，出生化身海，充滿諸法界，度脫三有海。 |
| | | | 智 | 清淨微妙身，一切無不見，遠離水火賊，王等一切難。 |
| | 成就十波羅蜜精進法 | 受善知識教 | 佛 | 喜目觀察天，教我詣尊所，見尊白毫相，演出明淨光。 |
| | | | 法 | 普照十方海，除滅一切闇，顯現自在力，從我頂上入。 |
| | | | 僧 | 光明入身已，舉體柔軟樂，即得離垢定，普見十方佛。 |
| | | | 精進 | 悉能分別知，一切諸微塵，一一微塵中，普見十方剎， |
| | | | 禪定 | 或有淨世界，或有不淨剎，不淨世界中，眾生受諸苦。 |
| | | | 般若 | 不淨世界中，眾生受苦故，示現三乘像，而往救度之。 |
| | | | 方便 | 清淨佛國土，無量寶莊嚴，諸佛大菩薩，常樂於中住。 |
| | | | 願 | 一一微塵中，普見淨剎海，盧舍那積劫，令彼土清淨。 |
| | | | 力 | 一切佛剎中，現坐菩提樹，得成最正覺，而轉淨法輪。 |
| | | | 智 | 我見妙德天，詣彼嚴淨剎，一切如來所，恭敬而供養。 |
| | 法門徵詢 | | 爾時，善財偈讚歎已，白言：天神！甚奇！甚特！此菩薩法門，最為甚深；此法門者，名為何等？得此法門，其已久如？本修何行而致之乎？ | |

入法界品善財童子五十三參之第三十四會妙德救護眾生夜天(四地)之三

| | | | |
|--------------------|-------------------|------------------|---|
| 妙德救護眾生夜天成就第四地精進波羅蜜 | 十波羅蜜法門甚深難知 | | 善男子！此處甚深，一切人天、聲聞、緣覺，所不能知，何以故？ |
| | | 佛 | 滿普賢菩薩行者境界； |
| | | 法 | 大悲菩薩藏境界； |
| | | 僧 | 救護一切眾生菩薩境界； |
| | | 精進 | 除滅一切惡道諸難菩薩境界； |
| | | 禪定 | (此處缺文，請參考四十華嚴，下同) |
| | | 般若 | 一切佛刹中，守護一切佛法，令不斷絕菩薩境界； |
| | | 方便 | |
| | | 願 | 一切劫中，修菩薩行，滿大願海菩薩境界； |
| | | 力 | 具足成就明淨慧光，滅一切眾生愚癡闇障，普照一切菩薩境界； |
| | | 智 | 於一念中，明淨智慧，普照三世諸方便海菩薩境界。 |
| | 善知識依十波羅蜜成就本事第一佛因緣 | | 善男子！諦聽！諦聽！我當承佛神力，為汝解說。 |
| | | 圓滿清淨劫毘盧遮那世界 | 佛子！乃往古世，過世界微塵等劫，有劫名離垢圓滿，世界名明淨妙德幢；有須彌山微塵等如來，出現於世。其佛世界，七寶合成，眾寶莊嚴；其土圓滿，離垢清淨，寶網羅覆，金剛圍山周匝圍遶。 有十萬億那由他四域天下：或有天下清淨，眾生亦淨；或有天下不淨，眾生不淨；或有天下淨不淨雜，眾生亦雜；或有天下清淨，一切眾生，善根具足，無諸疾患；或有天下嚴淨殊勝，但諸菩薩。 |
| | | 寶燈華幢四天下 | 彼世界東際，近金剛山，有四天下，名華燈幢；妙寶樓閣，臺觀宮殿，上味飲食，自然具足。瞻蔔華樹，普覆一切；種種香樹，出妙香雲；諸寶鬘樹，普雨鬘雲，諸雜華樹，雨不思議眾妙華雲；諸末香樹，雨末香雲；諸香王樹，雨妙香雲；摩尼寶樹，雨種種寶；諸音樂樹，微風吹動，出和雅音，充滿虛空；日月明淨，妙寶光明，普照一切。 彼四天下，有百萬億那由他諸王京都。一一王都，有千渠水，微流迴映，眾華普被，自然演出天音樂聲；岸植寶樹，行列莊嚴，眾寶為地。一一水間，有十億千城；彼一一城，有十億百千那由他聚落圍遶；彼一一城及一一聚落，各有無量億那由他妙寶樓閣而莊嚴之。 |
| | | 有一國土名寶華燈有轉輪王於中出現 | 彼閻浮提，有一王都，名寶華燈；安隱豐樂，人民熾盛，此諸眾生，具足修行十善業道。時，彼城中有轉輪王，名曰明淨寶藏妙德；為大法王，治以正法，從蓮華生，具三十二大人之相，七寶成就。王有千子，端正勇猛，有十億大臣。 |
| | | 王有一女名普智焰妙德眼 | 王有寶女，名妙德成滿，端嚴姝妙，目髮紺色，身如天金。梵音清淨，身出光明，照千由旬。彼有一女，名妙德眼，一切諸行，皆悉具足，端正殊特，觀者無厭，有十億百千那由他諸采女眾，皆與聖王同善根行，身真金色，一切毛孔，皆出妙香，眾寶莊嚴，超逾天女。 |
| | | 世間眾生不善夾雜 | 爾時，眾生壽命無量，或有不定，或有中天，形色不同，長短名號，音聲善根，精進方便，亦悉不同，有好有醜，有讚有毀。爾時，有人謂一人言：我色端嚴，汝形鄙陋。共相陵毀，作惡業已，壽命色力，所受快樂，皆悉損減。 |

入法界品善財童子五十三參之第三十四會妙德救護眾生夜天(四地)之四

妙德救護眾生夜天成就第四地精進波羅蜜

善知識依十波羅蜜成就本事第一佛因緣

| | |
|-----------------------------|---|
| 城北菩提樹名普光法雲音幢大蓮華名三世一切如來莊嚴境界雲 | 時，彼城北有道場樹，名普光明妙法音幢，眾寶為根，無能壞者，莖節枝葉，眾寶合成，皆悉齊等，出眾寶雲，普覆一切，放眾寶光，普照十方，演妙音聲，宣揚如來自在神力。 |
| 佛 | 於其樹前，有香水池，名寶華光明真法音雲；眾寶為岸，有十億百千那由他寶樹圍遶。彼一一樹，如菩提樹、寶瓔珞樹，周匝垂下，清淨妙寶，以為莊嚴；眾寶樓閣，無量無數，周遍道場。彼香池中，有一蓮華，名三世一切佛莊嚴境界雲。最初妙德幢佛，於彼華上，成等正覺，化眾生故，放大光明，名曰萬歲；眾生見者，知後萬歲，佛當出世。(第一佛名妙德幢，後說其成佛因緣，此處譯文結構請參考四十華嚴) |
| 法 | 次後放光，名一切眾生離垢歡喜燈；眾生見者，知九千歲，佛當出世。 |
| 僧 | 次後放光，名離垢燈妙德藏；眾生見者，悉觀妙色，知八千歲，佛當出世。 |
| 精進 | 次後放光，名一切眾生業報音聲；眾生見者，分別了知自己業報，知七千歲，佛當出世。 |
| 禪定 | 次後放光，名起一切善根音聲；若有眾生，諸根不具，觸斯光明，皆悉具足，知六千歲，佛當出世。 |
| 般若 | 次後放光，名曰顯現不可思議諸佛境界音聲；眾生見者，悉發明淨自在之心，知五千歲，佛當出世。 |
| 方便 | 次後放光，名曰嚴淨一切佛刹；眾生見者，見一切如來嚴淨佛刹，知四千歲，佛當出世。 |
| 願 | 次後放光，名一切佛不可壞境界明淨燈；眾生見者，知佛自在，無所不至，知三千歲，佛當出世。 |
| 力 | 次後放光，名普照三世一切諸佛本事音聲；眾生見者，知一切如來過去本事，無量大海，知二千歲，佛當出世。 |
| 智 | 次後放光，名離癡瞋智如來淨燈；眾生見者，得平等淨眼，普見一切嚴淨佛刹、一切如來、一切眾生，知一千歲，佛當出世。 |
| 等覺 | 次後放光，名一切眾生見諸如來長養善根；眾生見者，知後七日，佛當出世。 |
| 成就出現 | 次後放光，名一切眾生歡喜音聲；眾生見者，一心歡喜，欲見如來。 |
| 十波羅蜜成就顯示如來出現世間相 | 佛子！彼佛於一萬歲中，放如是等無量光明教化眾生，滿七日已，佛神力故，一切世界，六種震動。爾時，眾生於念念中，見一切佛刹，皆悉清淨，眾寶莊嚴。 |
| | 時，彼世界眾生，悉詣道場；一切金剛圍山須彌山王、一切諸山、一切變化、一切音聲、一切大地、一切城邑垣牆宮殿；如是等一切諸物，出微妙音，歌頌讚佛。 |
| | 又出一切香雲、一切寶光明雲、一切寶形像雲、一切寶衣雲、一切華雲、一切末香雲、一切寶莊嚴雲、一切如來圓滿光雲、一切如來大願聲雲、一切如來妙音聲雲、一切如來諸相好雲、顯現不可思議如來瑞應相雲；出如是等一切妙雲，供養如來。 |
| | 時，彼三世一切佛莊嚴境界雲，蓮華周匝，出生十佛世界微塵等眾寶蓮華；彼一一蓮華鬚上，有寶蓮華藏師子之座；彼師子座上，有十佛世界微塵等菩薩摩訶薩。 |

入法界品善財童子五十三參之第三十四會妙德救護眾生夜天(四地)之五

| | | | | | |
|--------------------|-------------------|-----------------------|--------|--|--|
| 妙德救護眾生夜天成就第四地精進波羅蜜 | 善知識依十波羅蜜成就本事第一佛因緣 | 依根本智成就法界智令無量眾生成就二十種利益 | 涅槃十波羅蜜 | 爾時，妙德幢佛於一切世界，隨其所應，轉淨法輪； | |
| | | | | 令無量眾生，離惡道苦； | |
| | | | | 無量眾生，生人天中； | |
| | | | | 立無量眾生，於聲聞、緣覺之地； | |
| | | | | 立無量眾生，於勇猛精進菩薩之行； | |
| | | | | 立無量眾生，於離垢幢精進菩薩之行； | |
| | | | | 立無量眾生，於法光明菩薩之行； | |
| | | | | 立無量眾生，於清淨根菩薩之行； | |
| | | | | 立無量眾生，於平等諸力菩薩之行； | |
| | | | | 立無量眾生，於一向專求入正法城菩薩之行； | |
| | | | | 立無量眾生，於至一切處，不可破壞神力自在菩薩之行； | |
| | | | 菩薩十波羅蜜 | 立無量眾生，於一切方便菩薩之行； | |
| | | | | 立無量眾生，出生菩薩三昧，安住菩提； | |
| | | | | 立無量眾生，修一切淨行，安住菩提； | |
| | | | | 立無量眾生，發菩提心； | |
| | | | | 立無量眾生，住菩薩道； | |
| | | | | 立無量眾生，清淨諸波羅蜜； | |
| | | | | 立無量眾生，於菩薩初地； | |
| | | | | 乃至立無量眾生，於菩薩十地； | |
| | | | | 立無量眾生，於菩薩大願殊勝之行； | |
| | | | | 立無量眾生，於普賢菩薩清淨願行。 | |
| | | 第一佛成就 | | 何以故？如來轉不可思議自在法輪故；於念念中，隨其所應，以種種身、種種方便、種種說法，度脫無量眾生。 | |
| | | 普賢菩薩因緣 | | 爾時，普賢菩薩知寶華燈城王都眾生，自恃色貌，陵蔑他人；化現妙身，端嚴殊特，往詣彼城，放大光明，普照一切。時，彼聖王身之光明、諸寶光明、寶女光明、寶樹光明、日月星宿光明、皆悉映蔽，猶如聚墨；在真金山，普賢菩薩身色光明，映蔽眾光，亦復如是。 | |
| | | | | 爾時，眾生各作是念：今此光明，悉蔽我等，不復顯現；為是梵天諸天光耶？ | |
| | | 聖王女蓮華妙眼發心因緣 | | 爾時，普賢菩薩在彼聖王寶宮殿上，於虛空中而告之言：大王！當知佛興於世，今在普光明妙法音幢菩提樹下。 | |
| | | | | 時，彼眾生見普賢菩薩相好嚴身，無量光明，聞妙音聲，歡喜無量，發如是願：令我等所作善根，得此妙身，相好莊嚴，威儀無異，神力自在；除滅一切眾生愚闇，覺悟一切；佛興于世，趣趣受生，願常不離此善知識。 | |
| | | 王眾成就 | | 時，彼聖王與其寶女，及諸眷屬、千子、大臣，并四種兵，上昇虛空，放大光明，照四天下，普為眾生，以偈頌曰： | |
| | | 說十偈 | 佛 | 如來出世間，普救諸群生，汝等應速起，往詣導師所。 | |
| | | | 法 | 無量無數劫，或有佛興世，演說深妙法，饒益一切眾。 | |
| | | | 僧 | 普見諸群生，愚癡顛倒惑，流轉生死苦，於彼起大悲。 | |

入法界品善財童子五十三參之第三十四會妙德救護眾生夜天(四地)之六

| | | | | |
|--------------------|----------------------|--|--|--|
| 妙德救護眾生夜天成就第四地精進波羅蜜 | 說十波羅蜜偈 | 精進 | 無量無數劫，修習菩薩行，為化眾生故，發起無上悲。 | |
| | | 禪定 | 頭目手足等，難捨悉能施，無量無數劫，專求佛菩提。 | |
| | | 般若 | 無量無邊劫，如來難值遇，其有見聞者，一切悉不虛。 | |
| | | 方便 | 如來在道場，處佛正法座，降伏一切魔，得成最正覺。 | |
| | | 願 | 觀察如來身，放演無量光，種種微妙色，除滅一切闇。 | |
| | | 力 | 一一毛孔中，放光不思議，除滅愚癡瞋，令眾悉歡喜。 | |
| | | 智 | 各辦眾供具，發大精進心，咸詣如來所，恭敬設供養。 | |
| | 向如來所頂禮如來坐蓮華座 | | 爾時，轉輪聖王讚歎佛已，以轉輪王功德善根，興十種雲，普覆虛空，往詣道場，供養如來；所謂：一切寶雲、一切華雲、一切衣雲、一切寶衣雲、一切寶網金鈴雲、一切堅固香雲、一切如意珠雲、一切妙寶幢雲、一切寶宮殿雲、一切莊嚴雲，普覆一切莊嚴虛空，供養如來，往詣佛所；頭面禮足，遶無數匝，退坐普照寶藏之座。 | |
| | 王女供佛有菩提樹 | | 爾時，妙德眼女即解身上諸莊嚴具，奉散如來。時，莊嚴具於虛空中，變成寶蓋，眾寶莊嚴，悉與一切諸宮殿等，端嚴齊整，十寶莊嚴，金剛圍山周匝圍遶；其形猶如明淨樓閣，眾寶莊嚴，無量龍王悉共執持，寶樹圍遶，妙香普熏。於其蓋中，有菩提樹，枝葉榮茂，普覆法界，以無量莊嚴而莊嚴之。 | |
| | 見初佛毘盧遮那如來坐此樹下為王女說修多羅 | 佛 | 見盧舍那佛坐此樹下，與不可說佛刹微塵等大菩薩俱，皆悉具足普賢菩薩一切所行，住菩薩住，無能壞者。 | |
| | | 法 | 又見一切世界諸王，圍遶如來； | |
| | | 僧 | 又見彼佛神力自在； | |
| | | 精進 | 又見一切諸劫次第，世界成敗； | |
| | | 禪定 | 又見一切諸佛次第出世； | |
| | | 般若 | 又見普賢菩薩在一切佛所，恭敬供養，教化眾生； | |
| | | 方便 | | |
| | | 願 | | |
| | | 力 | | |
| | 智 | 又見彼一一世界中，悉有佛刹微塵等世界，種種安住、種種莊嚴、種種清淨、種種劫、種種如來出興于世、種種三世、種種國土、種種法界、種種諸道、種種入法界、種種虛空、種種道場、種種佛光、種種諸佛莊嚴師子之座、種種如來眷屬、種種如來方便、種種轉法輪、種種如來妙音說、種種音聲海說、種種修多羅雲。（二十種顯現） | | |
| | | 初佛成就 | 時，彼女人見聞如是，歡喜無量。爾時，妙德幢佛於大眾中，說修多羅，名一切如來法輪妙音，十佛世界微塵等修多羅，以為眷屬。 | |
| | | | 時，彼女人聞此經已，即得一萬三昧，身心柔軟，如初受胎，又如眾生初受勝業果報，又如初生堅固吉樹。 | |
| | 王女得十二種三昧（本體） | | 所謂：見現在一切諸佛三昧、普照一切佛刹三昧、深入三世三昧、一切如來妙音轉法輪三昧、知一切佛願海三昧、滅一切眾生生死苦惱三昧、滅一切眾生癡闇滿足莊嚴大願三昧、滅一切眾生諸苦三昧、令一切眾生具足快樂三昧、教化一切眾生心無疲倦三昧、一切菩薩無礙幢三昧、菩薩降神母胎莊嚴三昧。（十二種三昧：十波羅蜜及三自性成就，疑缺文，見四十華嚴） | |

入法界品善財童子五十三參之第三十四會妙德救護眾生夜天(四地)之七

| | | | |
|--------------------|-------------------|------------------|--|
| 妙德救護眾生夜天成就第四地精進波羅蜜 | 善知識依十波羅蜜成就本事第一佛因緣 | 王女得三十四種心(正法心) | 得如是等一萬三昧，復得淨三昧心、不動心、歡喜心、正希望心、廣大心、順善知識教心、甚深薩婆若心、隨順方便海心、一切無著心、捨離一切世間境界心、究竟如來境界心、普照一切色海心、滅瞋恚心、愛念心、平等心、無疲倦心、不退轉心、離懈怠心、觀一切法寂靜心、隨順一切法海心、隨順分別一切法心、分別一切眾生海心、救護一切眾生心、普照一切世界心、滿一切佛大願海心、壞散一切障礙山心、積集無量功德山心、向佛十力心、普照一切菩薩境界心、長養一切菩薩諸功德心、充滿一切十方海心、發平等心、成滿佛刹微塵等諸願海心、願淨一切如來刹心。(三十四種心成就) |
| | | 王女得十種法門(入法界) | 如是等心，出生十佛世界微塵等法門，所謂：教化一切眾生法門；分別一切法界法門；究竟一切法海法門；於一切世界盡未來劫，出生菩薩行法門；於一切世界盡未來劫，住菩薩行法門；往詣一切佛所法門；值遇一切善知識法門；恭敬供養一切佛法門；於念念中，出生一切智，不斷菩薩行法門；出生如是等十佛世界微塵等法門，出生普賢菩薩願行，專求一切智。時，彼女人得諸如來初發心願。 |
| | | 妙眼女往昔因緣 | 善男子！復於是前過十大劫，有世界名日輪光照，佛號因陀羅妙德幢，此妙德眼女，因普賢菩薩善知識故，造蓮華如來像，眾寶莊嚴，發菩提心。 |
| | | 妙德菩薩即妙德眼女發心修行所成就 | 善男子！爾時，明淨寶藏妙德轉輪聖王者，豈異人乎？今彌勒菩薩是也；時，寶女妙德成滿者，今寂靜音夜天是也；妙德眼女者，我身是也。 善男子！我以莊嚴具，供養妙德幢如來故，見佛無量自在神力，聞說正法，聞正法已，即得教化一切眾生法門，恭敬供養須彌山微塵等一切如來，聞彼諸佛所說經法，皆悉受持，於一念中，見彼一切佛刹，一切如來及菩薩眾。 |
| | 善知識依十波羅蜜成就本事十佛因緣 | | (第一佛時成就因緣後) |
| | | 佛 | 善男子！其後有劫，名大光明，世界名種種莊嚴，有五百佛出興于世，我悉恭敬供養。此諸如來，其最初佛，名大悲幢，我為夜天，恭敬供養。 |
| | | 法 | 次後如來，名金剛那羅延幢，時我為轉輪王，恭敬供養；彼佛為我說修多羅，名起一切如來性，十佛世界微塵等修多羅，以為眷屬。 |
| | | 僧 | 次後如來，名無礙妙德住，時我為轉輪王，恭敬供養；彼佛為我說修多羅，名普照一切眾生諸根，須彌山微塵等修多羅，以為眷屬，悉聞受持。 |
| | | 精進 | 次後如來，名明淨焰妙德山莊嚴，時我為長者，恭敬供養；彼佛為我說修多羅，名普照三世藏，閻浮提微塵等修多羅，以為眷屬，悉聞受持。 |
| | | 禪定 | 次後如來，名一切法海起王，時我為阿脩羅，恭敬供養；彼佛為我說經，名分別一切法界，五百修多羅，以為眷屬，悉聞受持。 |
| | | 般若 | 次後如來，名甚深妙法海光，時我為龍女，雨如意摩尼寶雲，恭敬供養；彼佛為我說修多羅，名長養歡喜海，百萬億修多羅，以為眷屬，悉聞受持。 |
| | | 方便 | 次後如來，名寶焰功德山燈，時我為海神，雨眾寶華雲，恭敬供養；彼佛為我說修多羅，名法界方便海，世界微塵等修多羅，以為眷屬，悉聞受持。 |
| | | 願 | 次後如來，名功德海光圓滿妙德，時我為仙人，在雪山住，與六萬仙人俱，往詣彼佛，雨寶華雲，恭敬供養；彼佛為我說修多羅，名法燈無所著，六萬修多羅，以為眷屬，悉聞受持。 |

入法界品善財童子五十三參之第三十四會妙德救護眾生夜天(四地)之八

| | | | |
|--------------------|---------------|----------|---|
| 妙德救護眾生夜天成就第四地精進波羅蜜 | 本事十佛因緣 | 力 | 次後如來，名明淨妙德藏，時我為地天，名夜平等義，與無量天俱，往詣彼佛，雨一切寶、一切寶藏、一切莊嚴雲，恭敬供養；彼佛為我說修多羅，名起一切如來智藏，無量修多羅，以為眷屬，悉聞受持。 |
| | | 智 | 佛子！如是五百如來，次第興世，其最後佛，名法界虛空寶山妙德燈；時，我為妓人，名曰善口；彼佛入城，我在空中，以一千偈讚歎如來。爾時，世尊眉間白毫相，放大光明，名普照法界莊嚴，普照十方；照已，入我身中，即得法界方便不退藏法門。 |
| | 總說成就 | 事佛 | 佛子！如是等世界微塵等劫諸佛興世，我悉恭敬供養；(佛) |
| | | 受持正法 | 彼諸如來所說正法，悉聞受持，未曾忘失一句一味。於一一佛所，得三世甚深法界清淨法身；一切智光，普照一切，攝取普賢菩薩所行。(法) |
| | | 見無量佛 | 於念念中，悉見無量無邊諸佛，得無量無邊淨慧光明，普照一切。先未得未證普賢所行，今悉成滿，何以故？說無量無邊故。(僧) |
| | 次第說百一十佛出興受法因緣 | 此十亦依十波羅蜜 | 爾時，妙德救護眾生夜天欲重明此義，以偈頌曰： |
| | | | 善財應諦聽，甚深難見法，普照於三世，分別深法界。 |
| | | | 如我初發心，專求無上道，隨所得法門，諦聽我今說。 |
| | | | 過去久遠世，佛刹微塵劫，爾時有一劫，名離垢圓滿。 |
| | | | 時有世界名，明淨妙德幢，須彌微塵等，如來出興世。 |
| | | | 初佛妙德幢，二普慧光焰，法幢德須彌，第四師子佛， |
| | | | 第五寂靜王，六號除滅惡，第七功德聚，第八須彌山， |
| | | | 第九妙德佛，第十明淨月，如是十如來，彼劫初出世。 |
| | | 法十波羅蜜 | 次復有十佛，初虛空方便，第二普光明，三安住諸方， |
| | | | 第四功德海，第五高無上，第六最勝雲，第七功德佛， |
| | | | 第八光焰山，第九蓮華佛，第十法界化，是為第二十。 |
| | | 僧十波羅蜜 | 初光明幢王，第二智慧佛，第三心義佛，因陀羅妙德， |
| | | | 第五妙天佛，第六勇猛王，第七智慧德，第八光明幢， |
| | | | 第九如來號，超出一切世，第十蓮華佛，是為第三十。 |
| | | 精進十波羅蜜 | 第一光焰山，第二功德海，第三法光明，第四妙蓮華， |
| | | | 第五眾生眼，第六香光明，七妙德寶山，八乾闥婆王， |
| | | | 第九明淨智，第十寂靜色。 |
| | | 禪定十波羅蜜 | 初佛光智慧，第二寶光明，三虛空妙德，第四妙相佛， |
| | | | 圓滿功德光，第六那羅延，第七妙須彌，八功德轉輪， |
| | | | 九不可壞王，第十寶山佛。 |
| | | 般若十波羅蜜 | 初佛娑羅王，第二妙德藏，第三光明王，第四真實起， |
| | | | 第五光明德，六陀羅尼德，七光明甚深，八法海音佛， |
| | | | 第九須彌幢，光明妙德佛，寶光焰如來，是為第十佛。 |
| | | 方便十波羅蜜 | 初佛梵光焰，第二虛空音，第三法界光，第四圓滿光， |
| | | | 第五分別光，第六光明幢，第七虛空燈，第八樂妙德， |
| | | | 第九明淨光，妙功德如來，十寂靜妙德，大悲雲如來。 |

入法界品善財童子五十三參之第三十四會妙德救護眾生夜天(四地)之九

| | | | |
|--------------------|-----------------|------------|---|
| 妙德救護眾生夜天成就第四地精進波羅蜜 | 夜天次第說百一十佛出興受法因緣 | 願 十波羅蜜 | 初佛力光慧，二眾生現前，第三無上福，第四妙德光， |
| | | | 第五法起佛，六風速妙德，第七淨幢佛，第八寶蓋佛， |
| | | | 第九妙德佛，十普照三世。 |
| | | 力 十波羅蜜 | 初佛號願海，第二光明德，第三金剛身，四須彌妙德， |
| | | | 第五正念佛，六幢王妙德，第七智慧燈，第八無量寶， |
| | | | 第九號方便，明淨法界佛，第十號法海，明淨智妙德。 |
| | | 智 十波羅蜜 | 初佛號法寶，功德轉輪王，第三功德雲，第四忍辱燈， |
| | | | 第五寂靜音，第六寂靜幢，第七眾生燈，第八大願佛， |
| | | | 第九如來號，不可壞幢王，第十號智慧，焰起妙德佛。 |
| | | 等覺 十波羅蜜 | 初佛號法王，第二無礙智，三照語言海，第四妙音聲， |
| | | | 第五妙德音，第六自在佛，七十方一切，眾生現前佛， |
| | | | 第八平等意，九無上如來，第十號自然，賢妙德最勝。 |
| | | 結會 | 如是等一切，須彌塵數佛，彼諸如來等，我已悉供養， |
| | | | 佛刹微塵劫，所出諸如來，悉恭敬供養，逮得此法門， |
| | | | 我於無量劫，修行得法門，善財聞思惟，應當速究竟， |
| | | 自法門 | 善男子！我唯知此教化眾生菩薩法門； |
| | | 自宗門精進 | 諸大菩薩，究竟無量無邊菩薩所行悉從種種性海中起，種種正直身心，滿諸根海，具足一切諸大願門，修行無量諸三昧門，具足成就無量神力，修行無量智慧之行，入種種智，諸法光明，普照一切；我當云何能知、能說彼功德行？（十種成就） |
| | | 推薦精進 | 善男子！於此道場，去我不遠，有一夜天，名寂靜音，處寶幢蓮華藏師子之座，百萬阿僧祇諸天，眷屬圍遶。汝詣彼問云何菩薩學菩薩行、修菩薩道。 |

入法界品善財童子五十三參之第三十五會寂靜音夜天(五地)之一

| | | |
|-----------------|-----------------------|--|
| 會 處 | | 閻浮提摩竭提國菩提場內不遠。 |
| 善財童子 | 聞法信行 | 時，善財童子頭面敬禮妙德救護眾生夜天足，遶無數匝，敬心辭退。 |
| | 法門徵詢 | 爾時，善財童子往詣寂靜音夜天所，頭面禮足，遶無數匝，恭敬合掌，於一面住，白言：天神！我已先發阿耨多羅三藐三菩提心，我依善知識學菩薩行，入菩薩行，入菩薩行地，住菩薩行住；唯願天神，為我解說。 |
| 寂靜音夜天成就第五地禪定波羅蜜 | 讚歎發心 | 爾時，夜天告善財言：善哉！善哉！善男子！乃能依善知識求菩薩道。善男子！我成就菩薩無量歡喜莊嚴法門。 |
| | 依禪定波羅蜜起十種心（佛） | 白言：天神！此法門者，為何所作？境界云何？何等方便？為何等行？ |
| | | 答言：善男子！ |
| | | 我能清淨一切眾生心海； |
| | | 除滅塵垢，不斷清淨莊嚴之心； |
| | | 得不退境界堅固之心、 |
| | | 不可動心； |
| | | 決定了知功德寶山，莊嚴無染著心； |
| | | 常現前護一切眾生心； |
| | | 見一切佛諸菩薩海無厭足心； |
| | | 清淨菩薩正直力心； |
| | | 普照一切智慧海心。 |
| | | |
| | 入法界利益眾生 | 善男子！我為眾生滅除憂惱，無量眾苦，令其永離諸惡色、聲、香、味、觸、意法，除滅眾生愛別離苦、怨憎會苦，及餘一切諸惡因緣，壞敗大苦，住生死苦，生老病死，憂悲惱苦，令得如來無上快樂。一切城邑聚落眾生，我悉救護，令得安樂，廣為說法，教令漸求一切種智。 |
| | 依禪定波羅蜜隨眾生心說三十三種相應法（法） | 若見眾生在家宮殿，心樂著者，為彼說法，令知諸法真實之性； |
| | | 若見眾生與父母兄弟歡娛譙集，為彼說法，令與諸佛菩薩共會； |
| | | 若見眾生妻子歡會，為彼說法，令竭生死愛欲之海，具足大悲，等觀一切； |
| | | 若見眾生處王宮殿，為彼說法，悉令逮得賢聖快樂； |
| | | 若見眾生著境界者，為彼說法，令得如來甚深境界； |
| | | 若見眾生起瞋恚者，為彼說法，令得如來羼提波羅蜜； |
| | | 為懈怠者，演說正法，令得菩薩清淨毘梨耶波羅蜜； |
| | | 為亂心者，演說正法，令得如來禪波羅蜜； |
| | | 為邪癡者，演說正法，令得般若波羅蜜； |
| | | 為著三界者，演說正法，令出三有； |
| | | 為樂小法者，演說正法，令其滿足菩提大願； |
| | | 為自安者，演說正法，令具大願，饒益一切； |
| | | 為心劣者，演說正法，令得菩薩力波羅蜜； |
| | | 為無智者，演說正法，令得菩薩智波羅蜜； |

入法界品善財童子五十三參之第三十五會寂靜音夜天(五地)之二

| | | |
|-----------------|---------------------------|--|
| 寂靜音夜天成就第五地禪定波羅蜜 | (四) 依禪定波羅蜜嚴此隨處眾生心說三十三種相應法 | 為無色者，演說正法，令得如來清淨色身； |
| | | 為危脆身者，演說正法，令得無上清淨法身； |
| | | 為惡色者，演說正法，令得如來清淨妙色； |
| | | 為苦惱者，演說正法，令得如來無上快樂； |
| | | 為貧窮者，演說正法，令得菩薩諸清淨藏； |
| | | 為園觀者，演說正法，令一向求諸佛妙法； |
| | | 為在路者，演說正法，令得一切智道； |
| | | 為聚落者，演說正法，令出三界； |
| | | 為國土者，演說正法，令過聲聞、緣覺及菩薩地，住如來地； |
| | | 為在城郭者，演說正法，令入法王城，普照一切； |
| | | 為在隅者，演說正法，令得三世平等智慧； |
| | | 為在方者，演說正法，令一切智，常現在前，觀一切法； |
| | | 為貪欲多者，演說正法，令觀不淨，滅生死愛； |
| | | 為瞋恚多者，演說正法，令得究竟大慈之海； |
| | | 為愚癡多者，演說正法，令得智慧，觀諸法海； |
| | | 為等分者，演說正法，令其分別諸勝願海，離生死樂，滅生死苦，顯佛正法，不著五陰，常行妙法； |
| | | 為懈怠者，演說正法，令得莊嚴勝道； |
| | | 為憍慢者，演說正法，令觀一切諸法平等； |
| | | 為諂曲者，演說正法，令得菩薩清淨直心。 |
| | | 善男子！我以如是等無量法施，攝取眾生，滅惡道苦，處天人樂，永離三界，具諸功德種種方便而化度之，歡喜無量。 |
| | 起觀無量菩薩大，海種種願行 | 復次，善男子！我常觀察菩薩大海種種願行、 |
| | | 種種淨身、種種淨光、種種光焰、 |
| | | 種種諸道，趣薩婆若，入種種三昧海； |
| | | 顯現種種自在神力； |
| | | 出生種種妙音聲海、種種妙莊嚴身、種種方便入如來海； |
| | | 往詣種種諸佛刹海； |
| | | 究竟種種諸如來海； |
| | | 深入種種諸辯才海； |
| | | 普照種種如來境界； |
| | | 成就種種諸智慧海； |
| | | 超度種種三昧印海； |
| | | 安住種種遊戲法門；以種種門趣薩婆若；種種莊嚴虛空法界； |
| | | 種種莊嚴雲普覆虛空；觀察種種諸大眾海； |
| | | 十方世界一切刹中，諸如來所，菩薩眷屬，普雨種種妙莊嚴雲，皆悉來會， |
| | | 安處種種莊嚴之座，深入如來方便大海，行諸法海，度種種智海。 |
| | | 我見此已，起無量歡喜，與佛力等。 |

入法界品善財童子五十三參之第三十五會寂靜音夜天(五地)之三

| | | | | |
|-----------------|----------------|-------|--|-------------------------|
| 寂靜音夜天成就第五地禪定波羅蜜 | 觀察道場知佛神力生十種大歡喜 | 佛 | 又，善男子！盧舍那佛不可思議清淨色身，相好莊嚴；我見此已，起無量歡喜。 | |
| | | 法 | 盧舍那佛於念念中，放法界等光，普照一切諸法界海；我見是已，起無量歡喜。 | |
| | | 僧 | 盧舍那佛於念念中，一一毛孔，放無量佛刹微塵等光，一一光明，有無量佛刹微塵等光以為眷屬，普照一切，充滿法界，除滅眾生一切苦惱；我見是已，起無量歡喜。 | |
| | | 精進 | 盧舍那佛於念念中，從頂上、兩肩上，放一切佛刹微塵等寶光山雲，普照一切，充滿法界；我見是已，起無量歡喜。 | |
| | | 禪定 | 盧舍那佛一一毛孔，放一切佛刹微塵等香雲，普熏十方一切佛刹；我見是已，起無量歡喜。 | |
| | | 般若 | 盧舍那佛一一相中，出一切佛刹微塵等相，充滿一切諸世界海；我見是已，起無量歡喜。 | |
| | | 方便 | 盧舍那佛一一毛孔，出一切佛刹微塵等自在力雲，初發心等清淨波羅蜜，莊嚴菩薩諸地；我見是已，起無量歡喜。 | |
| | | 願 | 盧舍那佛一一毛孔，念念出生不可說不可說佛刹微塵等諸龍王身，為見龍身而受化故；又出不可說不可說佛刹微塵等諸夜叉身，乾闥婆、阿脩羅、迦樓羅、緊那羅、摩睺羅伽等身，為見彼身而受化故；我見是已，起無量歡喜。 | |
| | | 力 | 盧舍那佛一一毛孔，出不可說不可說佛刹微塵等轉輪王身雲，七寶成就，神力自在，充滿法界，為見彼身而受化故；我見是已，起無量歡喜。 | |
| | | 智 | 盧舍那佛一一毛孔，出不可說不可說佛刹微塵等梵王身雲，出淨梵音，為眾生說法，為見聞彼而受化故；我見是已，於念念中，起無量歡喜，悉與法界薩婆若等，起者非起，得者非得，見者非見，入者非入，度者非度，滿者非滿，聞者非聞。何以故？分別了知法界性故，解三世法悉一性故。 | |
| | 無盡解脫 | | 佛子！此菩薩無量歡喜莊嚴法門，有如是等無量境界。 | |
| | 入法界三十二種無盡解脫（僧） | 佛十波羅蜜 | 佛 | 佛子！此法門者，無量無邊，究竟方便諸法海故； |
| | | | 法 | 此法門者，不可損減薩婆若，心不可壞故； |
| | | | 僧 | 此法門者，不可窮盡眾生妄想，不可盡故； |
| | | | 精進 | 此法門者，最為甚深寂靜智境界故； |
| | | | 禪定 | 此法門者，最為廣大一切佛境界故； |
| | | | 般若 | 此法門者，不可破壞菩薩智所知故； |
| | | | 方便 | 此法門者，不可稱量，不可破壞，滿法界故； |
| | | | 願 | 此法門者，即是普門於一相中，攝取一切自在力故； |
| | | | 力 | 此法門者，是第一法，一切法無身，行無二故； |
| | | | 智 | 此法門者，非生一切諸法，悉如幻故； |
| | | 法波羅蜜 | 佛 | 此法門者，如電，攝薩婆若諸大願故； |
| | | | 法 | 此法門者，如化，善能變化菩薩行故； |
| | | | 僧 | 此法門者，如大地輪，饒益一切諸眾生故； |
| | | | 精進 | 此法門者，如大水輪，以廣大悲潤眾生故； |
| | | | 禪定 | 此法門者，如火輪，消竭眾生諸貪愛故； |

入法界品善財童子五十三參之第三十五會寂靜音夜天(五地)之四

| | | | | |
|-----------------|------------------|---|---|------------------------------|
| 寂靜音夜天成就第五地禪定波羅蜜 | 成就入法界三十二種無盡解脫(僧) | 法十波羅蜜 | 般若 | 此法門者，如大風輪，立一切眾生薩婆若故； |
| | | | 方便 | 此法門者，猶如大海，功德莊嚴一切眾生故； |
| | | | 願 | 此法門者，如須彌山，一切功德海中起故； |
| | | | 力 | 此法門者，如大城郭，一切法街巷而莊嚴故； |
| | | | 智 | 此法門者，猶如虛空，三世諸佛自在，最無上故； |
| | | 僧十波羅蜜 | 佛 | 此法門者，猶如慶雲，普雨眾生甘露法故； |
| | | | 法 | 此法門者，猶如白日，普照一切，滅癡闇故； |
| | | | 僧 | 此法門者，猶如滿月，滿足眾生功德海故； |
| | | | 精進 | 此法門者，如如，至一切故； |
| | | | 禪定 | 此法門者，如影，善能應化諸業報故； |
| | | | 般若 | 此法門者，如響，隨其所應，為說法故； |
| | | | 方便 | 此法門者，猶如電光，隨其所應，悉照知故； |
| | | | 願 | 此法門者，猶如樹王，一切諸佛功德妙華，成就一切智果實故； |
| | | | 力 | 此法門者，猶如金剛，一切世間無能壞故； |
| | | | 智 | 此法門者，如隨意寶王，出生無量自在力故； |
| | | 總說 | 本體 | 此法門者，如離垢寶，悉分別知三世佛故； |
| | | | 力用 | 此法門者，猶如寶幢，出一切佛平等法輪妙音聲故。 |
| | | 佛子！如此諸諭，非諭為諭。 | | |
| | 修十波羅蜜法藏三十二解脫 | | | 爾時，善財白寂靜音夜天言：菩薩修何等法，得此法門？ |
| | | | | 答言：佛子！菩薩修行十妙法故，得此法門。何等為十？所謂： |
| | | | 布施 | 菩薩修行布施，令一切眾生海，皆悉歡喜； |
| | | | 淨戒 | 修行淨戒，成滿諸佛功德大海； |
| | | | 堪忍 | 修行忍辱，了知一切諸法真性； |
| | | | 精進 | 修行精進，於薩婆若堅固不退； |
| | | | 禪定 | 修行禪定，除滅一切眾生煩惱； |
| | | | 般若 | 修行智慧，分別了知一切法海； |
| | | | 方便 | 修行方便教化，成熟一切眾生海； |
| | | | 願 | 修行大願，於一切佛剎海，盡未來劫，修菩薩行； |
| | | | 力 | 修行諸力，於念念中，現一切剎，成等正覺； |
| | | | 智 | 修行無盡智，了三世法，無所障礙。 |
| | | 佛子！是為十妙法；菩薩摩訶薩修行此法、起此法門、得此法門、淨此法門、成此法門，長養增廣，不可沮壞。 | | |
| | 成就本事 | 善財白言：天神！發阿耨多羅三藐三菩提心為久如耶？ | | |
| | | 一切如來願光明音世界種 | 答言：佛子！乃往古世，過二佛剎微塵等劫，有劫名普照幢；於此蓮華藏莊嚴世界海東，過十世界海，有一世界海，名曰離垢眾寶莊嚴；彼世界海中，有世界性，名一切佛光明願音；彼世界性中，有一世界，名離垢光。金色莊嚴，一切寶雲而莊嚴之，眾寶為地，堅固不動，形如一切香妙德王，莊嚴樓閣皆悉清淨，諸天宮殿充滿其中。 | |

入法界品善財童子五十三參之第三十五會寂靜音夜天(五地)之五

| | | | |
|-----------------|-----------|--------------------------------|---|
| 寂靜音夜天成就第五地禪定波羅蜜 | 於十佛所成就本事 | 佛 | 彼有王都，名曰普滿妙德藏王，彼有道場，名一切眾寶莊嚴藏月光明，其佛號不退法界妙音，於此道場，得阿耨多羅三藐三菩提。我於爾時，為菩提樹神，名功德燈無邊光幢，我見彼佛，成等正覺，顯現無量自在神力；我於爾時，發阿耨多羅三藐三菩提心，於彼佛所，逮得三昧，名普照佛功德海。 |
| | | 法 | 彼道場上，次有如來出興于世，號法樹功德山；彼菩提樹神，命終之後，還生此處，為菩提樹夜天，名妙德慧功德光明，聞彼如來轉正法輪，復得無量歡喜，普照一切境界三昧。 |
| | | 僧 | 彼道場上，次有如來出興于世，號一切法海妙音聲王；值彼如來，復得三昧，名成就一切法地。 |
| | | 精進 | 彼道場上，次有如來出興于世，號寶光焰燈幢王；值彼如來，復得三昧，名分別一切普照雲。 |
| | | 禪定 | 彼道場上，次有如來出興于世，號功德須彌光王；值彼如來，復得三昧，名照諸佛海。 |
| | | 般若 | 彼道場上，次有如來出興于世，號法雲妙音聲王；值彼如來，復得三昧，名一切法海燈。 |
| | | 方便 | 彼道場上，次有如來出興于世，號智慧炬明淨燈王；時我為天女，值彼如來，復得三昧，名明淨燈，滅眾生苦。 |
| | | 願 | 彼道場上，次有如來出興于世，號法勇幢妙德；值彼如來，復得三昧，名三世佛普照藏。 |
| | | 力 | 彼道場上，次有如來出興于世，號法燈勇猛智慧師子；值彼如來，復得三昧，名明淨智，普照一切，無所障礙。 |
| | | 智 | 彼道場上，次有如來出興于世，號智力山王；值彼如來，復得三昧，名普照三世眾生根行。 |
| | 十波羅蜜成就入法界 | 依自性禪定入於一切眾生中 | 佛子！彼普照幢劫離垢光金色莊嚴世界，如是次第，有十佛世界微塵等如來，出興于世。我於爾時，或為天王、龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王；或為人王、梵王、男子、女人、童男、童女皆悉值彼一切如來，恭敬供養；彼佛說法，悉聞受持。 |
| | | 獲得廣大喜莊嚴解脫能入十不可說佛刹微塵數世界海聽聞妙法現神力 | 於彼佛刹二佛世界微塵等劫，修菩薩行，經佛刹微塵等受生，最後命終，生此蓮華藏莊嚴世界海，娑婆世界中，作道場夜神，值拘樓孫如來，得三昧眼，名離垢一切香王光明；次值拘那含牟尼如來，復得三昧，名隨順普照一切刹海；次值迦葉如來，復得三昧，名妙音聲海，分別一切眾生音海； |
| | | | 今復值見盧舍那佛，坐於道場菩提樹下，成等正覺，於念念中，顯現無量自在力海，（值遇四佛各得成就，盧舍那佛坐於道場菩提樹下） |
| | | | 復得菩薩無量歡喜莊嚴法門。得法門已，深入十不可說不可說世界海微塵等法界方便海。以此法界方便海，於一切佛刹微塵，一一微塵中，悉見十不可說不可說佛刹微塵等世界，及彼諸佛，彼諸如來所說正法，悉聞受持。 |
| | | | 又見盧舍那佛，於念念中一切世界，坐於道場，成等正覺，出生無量自在神力，一一神力，滿法界海，我悉詣彼所說正法，悉聞受持。又復見彼一切諸佛，一一毛孔，出化身海，滿法界海，顯現種種自在神力，於一切佛刹海、一切世界性、一切世界、一切諸趣、一切眾生中，隨其所應，轉正法輪。（四智成就入法界海） |

入法界品善財童子五十三參之第三十五會寂靜音夜天(五地)之六

| | | | |
|-----------------|---------------|----------------------|---|
| 寂靜音夜天成就第五地禪定波羅蜜 | 入法界禪定門 | 得速疾陀羅尼門受持一切文義悟解一切修多羅 | 我以精進聞持陀羅尼故，悉能受持，正念思惟，知味知義，明智慧藏，圓滿清淨，分別了知一切法海，觀察三世諸佛平等，出生一切方便法門； |
| | | | 於一一方便，出生一切修多羅雲；一一修多羅雲，成就一切諸正法海；一一法海，攝取一切諸迴轉法；一一迴轉法，普出一切諸妙法雲；一一法雲，出生一切諸法波浪；一一波浪，逮得一切歡喜法海；一一歡喜法海，出生一切諸功德地；一一功德地，出生一切諸三昧海；一一三昧海，見一切佛海；一一佛所，得一切光明海；一一光明海，普照三世，得圓滿智地，普照十方，(十種成就) |
| | 三十二種念念知無量如來 | 佛十波羅蜜 | 知無量佛過去行海，照一切佛無量本事海；難捨能施，持無量淨戒，行無量忍，長養清淨菩薩精進，清淨無量諸禪定海；了知如來般若波羅蜜海，普照如來無量方便海；了知如來長養功德智慧力波羅蜜，分別如來無量智波羅蜜海。 |
| | | 法十波羅蜜 | 普照如來過去無量菩薩諸地，無量佛地，神力自在；無量劫中，所修習起，淨無量佛過去菩薩地，修無量佛過去智地，照無量佛諸智慧地。知無量佛為菩薩時，相續善根，知無量佛為菩薩時，於一切劫海中，一切佛海，所修菩薩行； |
| | | 僧十波羅蜜 | 知無量佛為菩薩時，出生佛刹海，無量菩薩行充滿法界，種種方便門教化眾生。普照十方諸世界海，為諸眾生，現自在力；普照如來一切智地，轉淨法輪，悉聞受持一切法雲，顯現無量菩薩自在神力；普照諸佛相海、行海、力海，於念念中，知彼諸佛，從初發心，乃至無餘涅槃，遺法滅盡。 |
| | 離垢光金色莊嚴世界今猶現在 | | 善男子！汝所問我發心已來為幾時者，如上所說，乃至來生此刹，供養盧舍那佛，如此世界，供養拘樓孫佛，乃至盧舍那佛，供養賢劫未來諸佛，亦復如是；如供養賢劫諸佛，供養一切世界未來諸佛，亦復如是；而彼離垢光金色莊嚴世界，今猶現在。是故，善男子！汝當一心修此法門。 |
| | 禪定十波羅蜜入法界 | | 爾時，寂靜音夜天欲重明此法門義，以偈頌曰： |
| | | 佛 | 善財應諦聽，我說此法門，應生歡喜心，勤修令究竟。 |
| | | 法 | 無量諸劫海，修習菩薩行，心淨如虛空，入一切智城。 |
| | | 僧 | 聞三世佛法，一心樂專求，於彼如來所，修習諸功德。 |
| | | 精進 | 我見過去佛，恭敬悉供養，聞佛說正法，歡喜心無量。 |
| | | 禪定 | 亦已悉恭敬，供養於父母，一心樂專求，究竟此法門。 |
| | | 般若 | 老病貧窮等，諸根不具者，除滅彼苦惱，悉令得安樂。 |
| | | 方便 | 水火官賊難，怨敵諸恐怖，及海中諸難，我皆救濟之。 |
| | | 願力智 | 眾生煩惱業，種種受報苦，摧破生死山，救護諸群生。 一切諸惡道，無量楚毒苦，生老病死痛，我當悉除滅。 我願無量劫，安隱一切眾，常見一切佛，滅除生死苦。 |
| | 自法門 | | 善男子！我唯成就此無量歡喜莊嚴法門； |
| | 自宗門 | | 諸大菩薩，深入法海，分別一切劫，善知一切諸世界海成敗之事，我當云何能知、能說彼功德行？ |
| | 推薦精進 | | 善男子！此道場上，如來眾中，有一夜天，名曰妙德守護諸城；汝詣彼問云何菩薩學菩薩行、修菩薩道。 |

入法界品善財童子五十三參之第三十五會寂靜音夜天(五地)之七

| | | | |
|--------------|-------------|----|--------------------------|
| 寂靜音夜天成就禪定波羅蜜 | 依禪定十波羅蜜說偈結會 | | 爾時，善財讚歎寂靜音夜天，以偈頌曰： |
| | | 佛 | 我受知識教，來詣天神所，見無量淨身，安處天寶座。 |
| | | 法 | 虛妄取諸相，染著一切法，無智眾生等，不能知境界。 |
| | | 僧 | 清淨妙色身，一切諸天眾，無量劫諦觀，其心無厭足。 |
| | | 精進 | 遠離於五陰，一切無所著，超出世疑惑，顯現自在力。 |
| | | 禪定 | 不染內外法，無礙心不動，明淨智慧眼，見佛自在力。 |
| | | 般若 | 身為正法藏，心是無礙智，成佛智慧光，普照諸群生。 |
| | | 方便 | 分別說心業，莊飾諸世間，知心業自性，現身等眾生。 |
| | | 願 | 知世悉如夢，了佛如電光，一切法如響，令眾無所著。 |
| | | 力 | 念念悉除滅，三世眾生惑，不取三世相，而能演說法。 |
| | | 智 | 一切佛刹海，一切諸佛海，無量眾生海，無著修法門。 |

入法界品善財童子五十三參之第三十六會妙德守護諸城夜天(六地)之一

| | | |
|-----------------|-----------------|--|
| 會 處 | | 菩提場如來會中。 |
| 善財童子參訪第六地位 | 聞法信行 | 時，善財童子頭面敬禮彼夜天足，遶無數匝，敬心辭退。 |
| | 前法契入 | 爾時，善財童子正念思惟智慧分別隨順正趣修廣身證無量歡喜莊嚴法門，往詣妙德守護諸城夜天所。 |
| | 依善知識教見善知識相 | 見彼夜天處普照一切宮殿寶師子座，不可說諸天眷屬圍遶，隨方面身、一切眾生色身，普現一切眾生前身、一切眾生無所著身、一切眾生身身、一切眾生無上身、隨順教化一切眾生身；遊十方身、至一切十方身、究竟佛身、究竟教化一切眾生身。(坐師子座現十種身) |
| | 徵詢發心 | 善財見此身已，歡喜無量，頭面禮足，遶無數匝，恭敬合掌，於一面住，白言：天神！我已先發阿耨多羅三藐三菩提心，而未知菩薩云何學菩薩道，饒益眾生；以無上攝法，攝取眾生，順如來業，親近法王。 |
| 妙德守護諸城夜天成就般若波羅蜜 | 般若行法依十波羅蜜發心 | 時，彼夜天告善財言：善哉！善哉！佛子！ |
| | | 佛 為救護一切眾生故，問菩薩行； |
| | | 法 為嚴淨一切佛刹、 |
| | | 僧 供養一切佛、 |
| | | 精進 住一切劫、 |
| | | 禪定 救護一切眾生、 |
| | | 般若 守護一切如來種姓、 |
| | | 方便 究竟十方一切法界海， |
| | | 願 平等之心，充滿一切； |
| | | 力 悉聞受持一切諸佛所轉法輪， |
| | | 智 隨其所應，雨甘露法故， |
| | 甚深自在妙音解脫法施眾生(東) | 問菩薩行。 |
| | | 善男子！我已成就甚深妙德自在音聲法門；是故，佛子！ |
| | | 佛 我為勝大法師，無所罣礙；於一切法，心無所著、分別如來一切法藏， |
| | | 法 安住如來大慈大悲。建立眾生， |
| | | 僧 於菩提心，得一切利，不捨菩提心，長養一切善根。 |
| | | 精進 為一切眾生，調御大師，安立眾生一切智道故。 |
| | | 禪定 於一切世界，為明淨日，照一切眾生無量善根故。 |
| | | 般若 等心觀察一切眾生，不捨一切眾生，出生長養一切善根， |
| | | 方便 甚深智慧，觀淨爾焰，斷一切不善業，行諸善業， |
| | | 願 救護眾生，顯現一切諸佛世界， |
| | | 力 修行嚴淨諸本事業，立一切眾生清淨善根， |
| | | 智 令值一切諸善知識，無能壞者，立一切眾生佛正教故。 |
| | | 佛子！我常以法施為首，出生長養諸白淨法，一切智心，堅固不動，如金剛藏，不可沮壞；心常依止佛力、魔力、善知識力，心壞一切諸結業山，心能專求一切智，因滿白淨法無礙法門一切種智。佛子！我以如是智慧光明，淨諸眾生無量善法，饒益一切。 |

入法界品善財童子五十三參之第三十六會妙德守護諸城夜天(六地)之二

| | | | |
|-----------------|-------------|----|------------------------------------|
| 妙德守護諸城夜天成就般若波羅蜜 | 十種觀察法界(南) | | 復次，佛子！我以十行觀察法界，隨順法界，攝取法界。何等為十？所謂： |
| | | 佛 | 知法界無量，智慧無量故； |
| | | 法 | 知法界無量無邊，悉見一切諸如來故； |
| | | 僧 | 知佛法界無量無邊，詣一切刹，恭敬供養一切佛故； |
| | | 精進 | 知法界無分齊，於一切世界海，行菩薩行故； |
| | | 禪定 | 知法界不可壞，究竟如來不可沮壞圓滿智故； |
| | | 般若 | 知法界一如來妙音，一切眾生無不聞故； |
| | | 方便 | 知法界自然清淨，教化一切眾生，滿佛願故； |
| | | 願 | 知法界遍至眾生，深入普賢菩薩行故； |
| | | 力 | 知法界一切莊嚴普賢菩薩行，自在莊嚴故； |
| | | 智 | 知法界不可滅一切智善根，充滿法界，令諸眾生悉清淨故。 |
| | 得十種陀羅尼輪(西) | | 佛子！我以此十行，觀察法界，增長善根，知佛奇特境界，不可思議。 |
| | | | 佛子！我如是正念思惟，以一萬陀羅尼，為眾生說法；所謂： |
| | | 佛 | 攝取一切諸法圓滿陀羅尼， |
| | | 法 | 持一切法圓滿陀羅尼， |
| | | 僧 | 一切法雲雷震圓滿陀羅尼， |
| | | 精進 | 諸佛起住圓滿陀羅尼， |
| | | 禪定 | 轉一切佛名號輪圓滿陀羅尼， |
| | | 般若 | 分別演說三世諸佛大願海圓滿陀羅尼， |
| | | 方便 | 攝一切乘海圓滿陀羅尼， |
| | | 願 | 照一切眾生業海燈藏圓滿陀羅尼， |
| | | 力 | 一切法現前旋流勇猛圓滿陀羅尼， |
| | | 智 | 一切智勇猛圓滿陀羅尼； |
| | 恒為眾生演說妙法(北) | | 以如是等萬陀羅尼，為一切眾生分別說法。 |
| | | | 復次，佛子！我或為眾生說聞慧法、或為眾生說思慧法、或為眾生說修慧法、 |
| | | 佛 | 或說一有、或說一切有海、 |
| | | 法 | 或說一佛海、或說一切佛名號海、 |
| | | 僧 | 或說一世界、或說一切世界海、 |
| | | 精進 | 或說授一記、或說授一切記海、 |
| | | 禪定 | 或說一佛眷屬海、或說一切佛眷屬海、 |
| | | 般若 | 或說一佛法輪、或說一切佛法輪海、 |
| | | 方便 | 或說一修多羅、或說一切佛修多羅海、 |
| | | 願 | 或說一會、或說一切會海、 |
| | | 力 | 或說一薩婆若心、或說一切菩提心海、 |
| | | 智 | 或說一乘、或說一切乘海。 |
| | | | 佛子！以如是等無量方便，為諸眾生，敷演不可說不可說法。 |

入法界品善財童子五十三參之第三十六會妙德守護諸城夜天(六地)之三

| | | | |
|-----------------|-----------------|-----------------------|--|
| 妙德守護諸城夜天成就般若波羅蜜 | 如來無差別法界門海發心久如 | | 佛子！我深入此無壞法界，皆悉究竟如來正法，以無上法施，攝取眾生，盡未來劫，修習普賢菩薩所行。佛子！我已成就此甚深妙德自在音聲法門，於念念中，悉能長養一切法門，充滿法界。 |
| | | | 爾時，善財白夜天言：妙哉！天神！如此法門，最為甚深，得此法門，其已久如？ |
| | 第六地般若十波羅蜜百佛圓滿成就 | 離垢光明劫法界功德雲世界 | 答言：佛子！乃往古世，過轉世界微塵等劫，有劫名離垢光明，時有世界，名法界妙德雲，有四天下微塵等香須彌山莊嚴。於蓮華中，出一切佛妙願音聲，一切眾生淨業所起，眾寶合成，形如蓮華，清淨無垢，有須彌山微塵等眾妙寶樹，周匝圍遶，有須彌山微塵等眾妙寶香，以為莊嚴；有須彌山微塵等諸四天下莊嚴世界，一一四天下，各有不可說不可說城。 |
| | | 妙幢四天下普寶華光王都，佛名法海雷音光明王 | 彼世界中，有四天下，名莊嚴幢；彼四天下，有王都城，名普寶華光；於彼城外，有道場名法王宮殿光明；其道場上，有須彌山微塵等佛，出興于世；其最初佛，號法海雷音光明王。 |
| | | | 時，有轉輪王名離垢光明，於彼佛所，守護正法，聞持正法修多羅海。佛滅度後，出家學道。正法欲滅，於大劫中，有惡劫起，煩惱熾盛，眾生恚怒，忿毒交諍，諸比丘眾，背功德利，心樂放逸，常好王論、賊論、女論、國論、海論、世間之論，樂如是等種種諸論。 |
| | | | 時，王比丘作如是念：如來無量阿僧祇劫，修集妙法，云何此諸比丘而共毀滅？彼王比丘即昇虛空，放大光明雲，無量種色，普照十方一切世界，除滅一切眾生煩惱，立無量眾生無上菩提，復令正法，於六萬五千歲而得興盛。 |
| | | 法輪化光比丘尼得三昧 | 時，有比丘尼名法輪化光，是彼轉輪王女，十萬比丘尼以為眷屬。見父王比丘光明神變，即發阿耨多羅三藐三菩提心，得一切佛燈明三昧，甚深妙德自在音聲法門；得已，身心柔軟，法海雷音光明王佛神力自在，一切功德，悉現在前。 |
| | | | 佛子！時，轉輪王隨彼如來，轉正法輪，興隆法者，豈異人乎？今普賢菩薩摩訶薩是也；法輪化光比丘尼者，我身是也。我於爾時，守護佛法，建立十萬比丘尼眾，得不退轉地；又令攝取一切如來法門三昧，法輪光明三昧，又復建立入一切法海，方便般若波羅蜜。 |
| | | 佛十波羅蜜 | 佛子！次有如來出興于世，名離垢法山，我得值遇；次有如來，名法圓滿光明周羅；次有如來，名法日妙德雲；次有如來，名法海分別妙音聲王；次有如來，名法日圓滿燈；次有如來，名法化幢雲；次有如來，名法焰山幢王；次有如來，名甚深法妙德月；次有如來，名法智普光明藏；（與前共成十佛） |
| | | 法十波羅蜜 | 次有如來，名普智境界覺悟眾生；次有如來，名妙德山王；次有如來，名普門普賢須彌山；次有如來，名一切法精進幢；次有如來，名寶華妙德雲；次有如來，名寂靜甚深光明周羅；次有如來，名法焰大慈光明月；次有如來，名光焰妙德海；次有如來，名智慧日普照一切；次有如來，名圓滿普智； |
| | | 僧十波羅蜜 | 次有如來，名無上智覺明王；次有如來，名功德焰華燈；次有如來，名智慧師子幢王；次有如來，名普日光明王；次有如來，名須彌相莊嚴；次有如來，名勇猛日普光明；次有如來，名法網覺妙德月；次有如來，名法蓮華敷善德妙音；次有如來，名相日普光明；次有如來，名普光妙德正法音聲； |

入法界品善財童子五十三參之第三十六會妙德守護諸城夜天(六地)之四

| | | | |
|-----------------|-----------------|---------|---|
| 妙德守護諸城夜天成就般若波羅蜜 | 第六地般若十波羅蜜百佛圓滿成就 | 精進十波羅蜜 | 次有如來，名無畏妙德那羅延師子；次有如來，名普智健幢；次有如來，名敷法蓮華身；次有如來，名功德華妙法海；次有如來，名道場覺妙德月；次有如來，名法炬妙德月；次有如來，名普照光明周羅；（此處以下缺文，結構依四十華嚴） |
| | | 禪定十波羅蜜 | 次有如來，名法幢燈；次有如來，名妙德海幢雲；次有如來，名名稱山妙德雲；次有如來，名栴檀妙德月；次有如來，名明淨普妙德華；次有如來，名普照眾生光明王；次有如來，名鉢頭摩華妙功德藏；次有如來，名香焰光明王；次有如來，名鉢頭摩因；次有如來，名明淨相山； |
| | | 般若十波羅蜜 | 次有如來，名普稱功德幢；次有如來，名普門光明須彌山；次有如來，名妙德法城光明；次有如來，名明淨功德山；次有如來，名勝相妙德；次有如來，名法力勇猛幢； |
| | | 方便十波羅蜜 | 次有如來，名法輪光明妙音；次有如來，名功德光焰樓閣智光；次有如來，名無上妙法輪月；次有如來，名明淨法鉢頭摩覺幢；次有如來，名寶鉢頭摩光藏；次有如來，名寶尸棄雲燈；次有如來，名智覺華；次有如來，名種種焰妙德須彌山藏；次有如來，名圓滿焰妙德王；次有如來，名功德雲莊嚴光明； |
| | | 願十波羅蜜 | 次有如來，名法山雲幢；次有如來，名普明淨功德山；次有如來，名法日雲燈王；次有如來，名法雲名聲自在王；次有如來，名法圓滿雲；次有如來，名善覺明淨智幢；次有如來，名法圓滿善覺妙德月；次有如來，名金色山賢；次有如來，名明淨賢妙德須彌山； |
| | | 力十波羅蜜 | 次有如來，名普智慧雲妙聲；次有如來，名法力妙德樓閣；次有如來，名香焰妙德王；次有如來，名金色摩尼山妙聲；次有如來，名白毫藏一切法圓滿光明；次有如來，名明淨法輪；次有如來，名無上清淨尸羅山；次有如來，名普精進炬光照雲；次有如來，名廣三昧海天冠光明；次有如來，名寶焰妙德王； |
| | | 智十波羅蜜 | 次有如來，名法炬寶帳妙聲；次有如來，名法雲空光明師子；次有如來，名相好莊嚴幢月；次有如來，名光明焰山電雲；次有如來，名無礙虛空法光；次有如來，名樂智華敷；次有如來，名世間主光明妙聲；次有如來，名法三昧光明妙音；次有如來，名法音真寶藏；次有如來，名法光明焰妙聲海； |
| | | 入法界十波羅蜜 | 次有如來，名普照三世相幢；次有如來，名法圓滿山光明；次有如來，名法界師子光明；次有如來，名法界師子焰；次有如來，名明淨妙德須彌山；次有如來，名一切三昧海師子；次有如來，名普智光明燈。 |
| | | | 佛子！於離垢光明劫中，如是等須彌山微塵等如來，出興于世，其最後佛，名法界城明淨智燈。 |
| | | | 彼諸如來，我悉恭敬供養，聞法受持，出家學道，守護佛法；於彼諸佛所，種種方便，入此甚深妙德自在音聲法門，以種種方便，化眾生海。 |
| | | 結會成就本事 | 復次，佛子！復有佛刹微塵等劫中，諸佛出世，我亦皆悉恭敬供養。是故，佛子！一切眾生長寢生死，唯我獨覺，復能覺悟一切眾生，守護心城，離三界城，入一切智無上法城。（四十華嚴具百八佛名，增十一地，見附D6-1） |
| | | 自法門 | 善男子！我唯成就此甚深妙德自在音聲法門，除滅眾生兩舌口過，令淨實語。 |

入法界品善財童子五十三參之第三十六會妙德守護諸城夜天(六地)之五

| | | |
|-----------------|-------------------|---|
| 妙德守護諸城夜天成就般若波羅蜜 | 十波羅蜜 自宗門 精進 | 諸大菩薩，決了眾生諸語言道，於一念中，覺悟一切眾生之心，深入眾生語言音海， |
| | | 善知眾生施設語法，分別了知一切法海，深入攝取一切諸法陀羅尼海； |
| | | 善巧方便，為眾生出一切法雲，究竟度脫一切眾生， |
| | | 攝取眾生，立無上業，隨順淨智，分別業藏，能師子吼，法施一切，得諸法地，圓滿陀羅尼。 |
| | | 我當云何能知、能說彼功德行？ |
| | 推薦精進 | 善男子！此佛眾中，有一夜天，名開敷樹華。汝詣彼問云何菩薩學一切智，安立眾生於薩婆若。 |
| | 依般若十波羅蜜說偈重宣 | 爾時，妙德守護諸城夜天欲重明此法門義，以偈頌曰：(十五偈) |
| | | 佛子深法門，虛空如如性，分別三世佛，無量諸法界。 |
| | | 出生無量門，不思議諸法，長養無礙智，了達三世法。 |
| | | 過轉剎塵劫，劫名離垢光，世界妙德雲，城名寶華光。 |
| | | 彼劫次第有，須彌塵等佛，初佛號法海，雷音光明王。 |
| | | 後佛法界城，明淨智慧燈，我皆悉供養，聞法大歡喜。 |
| | | 見法海雷音，光明王如來，眾妙相莊嚴，猶如須彌山。 |
| | | 見佛即發心，專求一切智，心大如虛空，其性同如如。 |
| | | 充滿於三世，諸佛菩薩眾，大悲心普覆，一切剎眾生。 |
| | | 清淨妙法身，充滿諸佛剎，隨其所應化，悉為顯現身。 |
| | | 我初發心時，震動一切剎，教化諸群生，悉令大歡喜。 |
| | | 次值第二佛，聞法而供養，即時得親見，十剎海塵佛。 |
| | | 如是次第值，須彌塵等佛，恭敬供養彼，一切諸如來。 |
| | | 聞法悉受持，逮得此法門，廣度一切眾，究竟到彼岸。 |
| | | 轉剎塵等劫，諸佛興出世，我亦悉詣彼，恭敬而供養， |
| | | 聞法悉受持，清淨此法門。 |
| | 善財童子說偈讚歎 | 爾時，善財得此甚深妙德自在音聲法門，入菩薩無量無邊諸三昧海，出生無量無邊陀羅尼海，得菩薩神通諸明光耀，入諸辯海，長養一切甚深法海；欲讚歎彼妙德守護諸城夜天，以偈頌曰： |
| | | 智慧海成滿，永度生死海，長壽智慧藏，普照於十方。 |
| | | 了達內外法，皆悉如虛空，無礙清淨慧，究竟於三世。 |
| | | 念念能分別，無量無有邊，一切諸境界，而心無所著。 |
| | | 無量大悲心，度脫眾生海，明淨智慧眼，了眾生無性。 |
| | | 深入佛法海，窮盡其原底，種種巧方便，化度諸群生。 |
| | | 普於一切法，了達其真性，修習薩婆若，令眾悉清淨。 |
| | | 天是調御師，究盡一切智，充滿諸法界，說法化眾生。 |
| | | 順盧舍那願，無礙度眾生，安住至處道，普見十方佛。 |
| | | 天心甚深妙，除滅煩惱熱，清淨如虛空，離垢無染著。 |
| | | 攝取於三世，佛剎諸如來，一切菩薩眾，一切群生類。 |

入法界品善財童子五十三參之第三十六會妙德守護諸城夜天(六地)之六

| | | | |
|--------|--------|---|--------------------------------|
| 守護諸城夜天 | 善財童子說偈 | 願 | 一念分別知，剎那及羅婆，晝夜月半月，乃至無量劫， |
| | | 力 | 十方諸群生，有色及無色，有想無想等，知死此生彼。 |
| | | 智 | 除滅一切眾，虛妄顛倒想，善知語言法，顯現菩提道。 |
| | | | 出盧舍那願，一切佛法海，無礙法身心，隨應現眾生。 |
| | | | 時，善財童子以偈讚歎彼夜天已，頭面禮足，遶無數匝，敬心辭退。 |

附D6-1：入法界品善財童子之第三十六會妙德守護諸城夜天百佛成就之一

| 卷本 | | 六十華嚴 | 四十華嚴 |
|--------|----|-----------|------------|
| 佛十波羅蜜 | 佛 | 法海雷音光明王 | 一切法海大聲光明王 |
| | 法 | 離垢法山 | 無垢法山頂智光明 |
| | 僧 | 法圓滿光明周羅 | 法輪圓滿光明髻 |
| | 精進 | 法日妙德雲 | 法日吉祥雲 |
| | 禪定 | 法海分別妙音聲王 | 法海門妙聲王 |
| | 般若 | 法日圓滿燈 | 法日智輪燈 |
| | 方便 | 法化幢雲 | 法拘蘇摩幢雲 |
| | 願 | 法焰山幢王 | 法焰光山幢王 |
| | 力 | 甚深法妙德月 | 甚深吉祥圓滿月 |
| | 智 | 法智普光明藏 | 法智出生普光明藏 |
| 法十波羅蜜 | 佛 | 普智境界覺悟眾生 | 出生根本智藏 |
| | 法 | 妙德山王 | 吉祥藏山王 |
| | 僧 | 普門普賢須彌山 | 普門智須彌賢 |
| | 精進 | 一切法精進幢 | 速疾精進幢 |
| | 禪定 | 寶華妙德雲 | 法寶拘蘇摩吉祥雲 |
| | 般若 | 寂靜甚深光明周羅 | 甚深寂靜山光明髻 |
| | 方便 | 法焰大慈光明月 | 法焰光明影像月 |
| | 願 | 光焰妙德海 | 智焰光吉祥海 |
| | 力 | 智慧日普照一切 | |
| | 智 | 圓滿普智 | 普賢圓滿智 |
| 僧十波羅蜜 | 佛 | 無上智覺明王 | 無上神通智光明王 |
| | 法 | 功德焰華燈 | 福德焰光開敷拘蘇摩燈 |
| | 僧 | 智慧師子幢王 | 智師子幢王 |
| | 精進 | 普日光明王 | 普日光明王 |
| | 禪定 | 須彌相莊嚴 | 須彌相寶莊嚴王 |
| | 般若 | 勇猛日普光明 | 日光勇猛普照影像 |
| | 方便 | 法網覺妙德月 | 法網覺勝月 |
| | 願 | 法蓮華敷善德妙音 | 法蓮華開敷吉祥雲 |
| | 力 | 相日普光明 | 日輪普光明 |
| | 智 | 普光妙德正法音聲 | 普光吉祥大聲 |
| 精進十波羅蜜 | 佛 | 無畏妙德那羅延師子 | 師子無畏金剛那羅延 |
| | 法 | 普智健幢 | 普智勇猛幢 |
| | 僧 | 敷法蓮華身 | 普法開敷蓮華身 |
| | 精進 | 功德華妙法海 | 功德拘蘇摩吉祥海 |
| | 禪定 | | 高山法門光明藏 |
| | 般若 | | 高山智焰光明雲 |
| | 方便 | | 普法高山面門光明 |

附D6-1：入法界品善財童子之第三十六會妙德守護諸城夜天百佛成就之二

| 卷本 | | 六十華嚴 | 四十華嚴 |
|--------|----|-----------|-----------|
| 精進 | 願 | 道場覺妙德月 | 道場吉祥月 |
| | 力 | 法炬妙德月 | 熾然法炬吉祥月 |
| | 智 | 普照光明周羅 | 普影像光明髻 |
| 禪定十波羅蜜 | 佛 | 法幢燈 | 法速疾燈幢 |
| | 法 | 妙德海幢雲 | 金剛海幢雲 |
| | 僧 | 名稱山妙德雲 | 名稱山吉祥雲 |
| | 精進 | 栴檀妙德月 | 栴檀吉祥月 |
| | 禪定 | 明淨普妙德華 | 普吉祥拘蘇摩威德光 |
| | 般若 | 普照眾生光明王 | 照一切眾生光明王 |
| | 方便 | 鉢頭摩華妙功德藏 | 功德蓮華吉祥藏 |
| | 願 | 香焰光明王 | 香焰普光明王 |
| | 力 | 鉢頭摩因 | 波頭摩華因 |
| | 智 | 明淨相山 | 眾相山毘盧遮那 |
| 般若十波羅蜜 | 佛 | 普稱功德幢 | 普音聲名稱幢 |
| | 法 | 普門光明須彌山 | 須彌山普門光明 |
| | 僧 | 妙德法城光明 | 法城吉祥光明 |
| | 精進 | 明淨功德山 | 大樹山威德 |
| | 禪定 | 勝相妙德 | 普吉祥毘盧遮那幢 |
| | 般若 | | 吼法海大音聲光 |
| | 方便 | | 出生威德一切法宮殿 |
| | 願 | | 普智最勝光 |
| | 力 | | 最勝吉祥相 |
| | 智 | 法力勇猛幢 | 法力勇猛幢 |
| 方便十波羅蜜 | 佛 | 法輪光明妙音 | 轉法輪妙音聲 |
| | 法 | 功德光焰樓閣智光 | 功德焰冠智慧光 |
| | 僧 | 無上妙法輪月 | 出生吉祥法輪月 |
| | 精進 | 明淨法鉢頭摩覺幢 | 法輪蓮華毘盧遮那幢 |
| | 禪定 | 寶鉢頭摩光藏 | 寶蓮華光明藏 |
| | 般若 | 寶尸棄雲燈 | 寶吉祥雲山燈 |
| | 方便 | 智覺華 | 普清淨拘蘇摩 |
| | 願 | 種種焰妙德須彌山藏 | 種種吉祥焰須彌藏 |
| | 力 | 圓滿焰妙德王 | 焰輪圓滿山王 |
| | 智 | 功德雲莊嚴光明 | 福德雲種種色 |
| 願波羅蜜 | 佛 | 法山雲幢 | 法山雲幢王 |
| | 法 | 普明淨功德山 | 功德山王光明 |
| | 僧 | 法日雲燈王 | 法日雲燈王 |
| | 精進 | 法雲名聲自在王 | 法雲名稱遍滿王 |

附D6-1：入法界品善財童子之第三十六會妙德守護諸城夜天百佛成就之三

| 卷本 | | 六十華嚴 | 四十華嚴 |
|------------|----|------------|--------------|
| 願十波羅蜜 | 禪定 | 法圓滿雲 | 法輪雲 |
| | 般若 | 善覺明淨智幢 | 開悟菩提智威德幢 |
| | 方便 | 法圓滿善覺妙德月 | 普照法輪吉祥月 |
| | 願 | 金色山賢 | 摩尼金山威德賢 |
| | 力 | | 妙高吉祥威德賢 |
| | 智 | 明淨賢妙德須彌山 | 賢德廣大光 |
| 力十波羅蜜 | 佛 | 普智慧雲妙聲 | 普智慧妙聲雲 |
| | 法 | 法力妙德樓閣 | 法力吉祥功德山 |
| | 僧 | 香焰妙德王 | 吉祥雲香焰王 |
| | 精進 | 金色摩尼山妙聲 | 金色摩尼山妙音聲 |
| | 禪定 | 白毫藏一切法圓滿光明 | 頂髻藏出一切法圓滿光明雲 |
| | 般若 | 明淨法輪 | 法輪熾盛威德王 |
| | 方便 | 無上清淨尸羅山 | 無上出生威德 |
| | 願 | 普精進炬光照雲 | 普精進炬光明雲 |
| | 力 | 廣三昧海天冠光明 | 三昧印廣大智慧海光明冠 |
| | 智 | 寶焰妙德王 | 妙寶吉祥威德王 |
| 智十波羅蜜 | 佛 | 法炬寶帳妙聲 | 法炬寶帳妙音聲 |
| | 法 | 法雲空光明師子 | 普照虛空界無畏法光明 |
| | 僧 | 相好莊嚴幢月 | 相好莊嚴幢 |
| | 精進 | 光明焰山電雲 | 種種色光明焰山雲 |
| | 禪定 | 無礙虛空法光 | 照無障礙法虛空光明 |
| | 般若 | 樂智華敷 | 妙相華開敷身 |
| | 方便 | 世間主光明妙聲 | 最勝世主妙光明音 |
| | 願 | 法三昧光明妙音 | 一切法三昧妙光明音 |
| | 力 | 法音真寶藏 | 妙辯才法音功德藏 |
| | 智 | 法光明焰妙聲海 | 熾然光明法海妙音雲 |
| (法界成就十波羅蜜) | | 普照三世相幢 | 普照三世大光明相威德王 |
| | | 法圓滿山光明 | 普照法輪吉祥山廣大光明 |
| | | 法界師子光明 | 法界師子光 |
| | | 法界師子焰 | |
| | | 明淨妙德須彌山 | 毘盧遮那吉祥妙高 |
| | | 一切三昧海師子 | 一切三昧海普遍光焰師子王 |
| | | 普智光明燈。 | 普智光明燈 |
| | | | 普智慧光明法城燈 |
| | | 法界城明淨智燈 | 法界城智慧燈光王 |

(返回第662頁)

入法界品善財童子五十三參之第三十七會開敷樹華夜天(七地)之一

| | | |
|---------------|---|---|
| 會 處 | | 菩提場如來會中。 |
| 善財童子 | 前法契入精勤修行 | <p>時，善財童子以偈讚歎彼夜天已，頭面禮足，遶無數匝，敬心辭退。</p> <p>爾時，善財童子正念思惟增廣甚深妙德自在音聲法門，往詣開敷樹華夜天所；見彼夜天在眾寶香樹樓閣之內，處寶樹芽師子法座，百萬諸天眷屬圍遶。</p> |
| | 徵詢發心 | <p>爾時，善財頭面敬禮彼夜天足，遶無數匝恭敬合掌，於一面住，白言：天神！我已先發阿耨多羅三藐三菩提心，云何菩薩學菩薩行，修菩薩道，趣薩婆若？唯願天神為我解說。</p> |
| 開敷樹華夜天成就第七遠行地 | <p>菩薩出生無量歡喜 光明解脫門成就</p> | |
| | <p>答言：善男子！我於日沒優鉢羅鉢曇摩華，皆悉還合；若諸人眾，遊園觀者，廢捨縱逸，歸其家時，為放光明；在險徑者，照示平路，令彼專求一切智道；若於山巖、深水、曠野，在如是等種種難處，悉放光照，令免眾苦，得安隱樂。</p> | |
| | <p>又，善男子！若諸眾生，放逸五欲，為其顯現老病死苦，悉令觀見捨離放逸，修習善根；為慳貪者，讚歎布施；若犯戒者，安立淨戒；為瞋恚者，讚歎大慈，安立忍辱；若懈怠者，教令修行菩薩精進；若亂心者，教令修習諸禪三昧；若愚癡者，令其深入般若波羅蜜；樂小法者，教以大乘；著三界者，令住菩薩圓滿無著諸波羅蜜；若諸眾生，功德羸弱，為眾結業之所逼迫，令住菩薩力波羅蜜；順無智者，令住菩薩智波羅蜜，捨離癡闇。</p> | |
| | <p>善男子！我已成就無量歡喜知足光明法門。</p> | |
| | <p>法門境界隨順觀察能知如來普攝眾生巧方便智</p> | |
| | <p>善財白言：天神！此法門者，境界云何？</p> | |
| | <p>答言：善男子！如來方便光明，攝取眾生。佛子！若有眾生，受快樂者，悉蒙佛力諸光明力，隨如來教，佛威神力；隨順佛道，聞佛正法，入佛善根；如來圓滿，明淨智日，如來性淨業力，普照一切，悉蒙如是功德力故，普令眾生，受諸快樂。</p> | |
| | <p>佛子！我入此法門時，正念思惟，深入盧舍那如來、應供、等正覺過去所行菩薩行海。</p> | |
| | 眾生因緣(惡緣) | <p>善男子！我知菩薩本發菩薩地心時，見諸眾生，著我、我所，無明覆蔽，入諸邪見，隨順貪愛，欲恚所縛，心亂顛倒，慳嫉所纏，貧窮逼切，於生死中，受眾苦惱，不值諸佛。</p> |
| | <p>所見如來往昔修行因緣本事</p> <p>涅槃十波羅蜜心</p> | <p>佛</p> <p>見如是已，發大悲心，攝取眾生，除諸苦患，普饒益之，令得一切無染著心；於諸施物，不求果報，分別了知一切因緣，諸法實相；</p> |
| | | <p>法</p> <p>具足成就大慈大悲，圓滿法蓋，普覆眾生。以知足法，養智慧象，摧散一切諸煩惱山，安樂眾生，隨所應化，雨甘露法；</p> |
| | | <p>僧</p> <p>以聖法利，等施眾生，得十力果無上快樂，成就菩薩通力自在，充滿法界。悉現一切諸眾生前，雨一切物，悉令歡喜，充足其意，救護眾生，滅生死苦，不求恩報，</p> |
| | | <p>精進</p> <p>嚴淨一切眾生心寶，悉同一切諸佛善根，增長薩婆若，教化成熟一切眾生，以無上淨法，淨諸佛刹。</p> |
| | | <p>禪定</p> <p>於念念中，滿一切法界；以明淨智，分別三世，充滿虛空；</p> |
| | | <p>般若</p> <p>於一切時，轉淨法輪，教化眾生，令諸眾生，生一切智，清淨諸持，覺悟一切諸佛菩提，分別一切未來諸劫；</p> |

入法界品善財童子五十三參之第三十七會開敷樹華夜天(七地)之二

| | | | | | |
|---------------|--------------|--------------|--|--|--|
| 開敷樹華夜天成就第七遠行地 | 所見如來往昔修行因緣本事 | 涅槃 | 方便 | 於一切劫，行菩薩行，心無有二；悉能遍遊一切世界，其身容受一切剎海， | |
| | | | 願 | 悉皆攝取一切世界。分別解說一切世界，種種形色、種種莊嚴、種種依住； | |
| | | | 力 | 或不淨淨、或淨不淨，或純清淨、或純垢穢，或廣、或狹，或大、或小，或覆、或仰；如是等諸世界海中，生菩薩行，證菩薩行。 | |
| | | | 智 | 於念念中，出生菩薩諸自在行，於念念中，為眾生現三世諸佛清淨法身。 | |
| | | 眾生因緣（惡慧） | | 佛子！盧舍那佛於過去世，行菩薩行時，見諸群生無智功德，愚癡所覆，著我、我所；無明瞋障，不正思惟；入諸邪見，不識因果；順煩惱業，不修聖道；得無作法，常於生死險道流轉，受種種苦。發起大悲，令諸眾生出生菩薩無量諸行，修習一切諸波羅蜜；安立堅固勝妙善根，除滅眾苦，長功德藏；了知因果，不違業報，知法真實；悉分別知眾生欲樂及一切剎，守護、受持一切佛法，令不斷絕，滅不善法，滿薩婆若。 | |
| | 起大悲心令諸眾生勤修福智 | | 佛子！以如是等無量法施，攝取眾生，令一向求薩婆若法，修行菩薩諸波羅蜜；具賢聖利，長薩婆若，滿善根海，顯現如來無量自在；以如是等種種方便，攝取眾生，顯現如來無量功德，安立眾生於菩薩諸攝智慧。 | | |
| | 唯具大乘心者所能知 | 發心久如 | | 善財白言：天神！發阿耨多羅三藐三菩提心，其已久如？ | |
| | | 其甚深法難知難信難入難得 | 答言：佛子！此事難知、難信、難入、難說、難得；一切諸天、聲聞、緣覺所不能知，除佛神力。 | | |
| | | | 依善知識，成滿善根，淨正直心，遠離諂曲，滅諸染污；逮得普照智慧光明，哀愍眾生，降伏諸魔，拔煩惱樹，必欲成就一切種智，除滅生死憂悲惱海，得如來樂，入佛功德精進之海，安住佛地，滿足如來一切智力，究竟十力。 | | |
| | | | 如此人者，乃能信解，能知、能入、能說、能得。 | | |
| | | 如來智慧境界 | | 何以故？此佛境界，一切眾生及諸菩薩所不能知，我當承佛神力，為調伏眾生，直心清淨，廣修善根，得甚深心，樂聞此法，為如此等，隨其所應，分別解說。 | |
| | 依方便波羅蜜所成就甚深法 | 十波羅蜜 | | 爾時，夜天欲重明此義，觀察三世諸佛境界，以偈頌曰： | |
| | | | 佛 | 佛子此法門，甚深佛境界，不思剎塵劫，說之無窮盡。 | |
| | | | 法 | 貪欲瞋恚癡，高慢眾生等，皆悉不能知，最勝寂靜法。 | |
| | | | 僧 | 慳嫉心諂曲，煩惱業覆者，一切不能知，甚深佛境界。 | |
| | | | 精進 | 著諸陰入界，及起吾我見，心想見顛倒，不知佛境法。 | |
| | | | 禪定 | 清淨離虛妄，如來深境界，依住生死者，皆悉不能知。 | |
| | | | 般若 | 出生如來家，諸佛常守護，奉持佛法藏，慧眼之境界。 | |
| | | | 方便 | 親近善知識，滿足白淨法，究竟諸佛力，聞此法歡喜。 | |
| | | | 願 | 心淨離虛妄，猶如虛空性，慧燈除癡闇，是彼之境界。 | |
| | | | 力 | 以大慈悲心，普覆諸眾生，等心觀一切，是彼之境界。 | |
| | | 智 | 其心大歡喜，等觀眾生類，捨離於一切，離垢之境界。 | | |
| | | 入自性成就地 | | 淨心離諸惡，乃至畏微罪，隨順諸佛法，離垢之境界。 | |
| | | | | 安住忍辱法，其心不可動，如實不違業，無盡心境界。 | |
| | | | | 勇猛勤精進，安住不退心，究竟薩婆若，調伏之境界。 | |

入法界品善財童子五十三參之第三十七會開敷樹華夜天(七地)之三

| | | | |
|---------------|------------------|--------------------------|--|
| 開敷樹華夜天成就第七遠行地 | 依十波羅蜜之方便波羅蜜成就遠行地 | 證圓入滿七地地 | 入於寂定心，除滅煩惱熱，深入智慧海，寂靜起境界。 |
| | | | 了達群生類，諸法真實相，深法之境界，是慧燈法門。 |
| | | | 覺悟眾生性，不著諸有海，普照一切心，是導師法門。 |
| | | | 悉從三世佛，清淨願性生，普於一切刹，窮盡未來劫， |
| | | | 修習菩薩行，是普賢法門。入諸方便海，遍觀諸刹海， |
| | | | 無礙深智慧，悉知刹成敗。一一塵中見，諸佛坐道場， |
| | | | 成佛化眾生，無礙眼法門。 |
| | | 勸進 | 善財至我所，親近善知識，聞此甚深法，精進勤修習。 |
| | | | 此盧舍那境，甚深難思議，我承佛神力，為汝分別說。 |
| | | 世界海中有佛出現 | 佛子！乃往古世，過世界海微塵等劫，有一世界海，名明淨山；彼有如來，出興于世，號智慧法界山；諸方寂靜，普照王如來、應供、等正覺。彼佛為菩薩時，淨彼世界海；彼世界海中，有佛刹微塵等世界性；彼一一世界性中，有世界微塵等佛，出興于世；一一如來，說世界微塵等修多羅；一一修多羅中，授佛刹微塵等諸菩薩記，顯現如來種種神力，無量方便；種種諸乘，教化眾生。 |
| | | 世界海中有世界種 | 佛子！彼世界海中，有一世界性，名普門莊嚴；彼世界性中，有一世界，名曰一切寶色妙德，普照一切寶華海，以為莊嚴；眾寶為體，狀若天城，清淨嚴飾，普照一切諸佛道場，顯現諸佛變化光明。 |
| | | 四天下 | 彼世界中，有須彌山微塵等四天下；彼四天下中，有一四天下，名寶山幢；彼四天下，有閻浮提，縱廣十萬由旬；彼閻浮提內，有十萬大城； |
| | | 一切法音圓滿蓋大王 | 彼諸城中，有一王都，名堅固寶莊嚴雲燈，有一萬城，周匝圍遶，人壽萬歲。時，有大王名一切法師子吼圓蓋妙音，有五百大臣，六萬采女，七百王子，端正勇健。爾時，彼王威德普被一閻浮提，無有怨敵。 |
| | | 五濁起時眾苦興盛觀於大王仁慈智慧於大王所得十種想 | 彼大劫中，有惡劫起，五濁熾然。爾時，人民行十惡業，遠離十善，死入惡道，壽命短促，形色鄙陋，貧窮下賤，多苦少樂，更相諍訟，互相謗毀，離他眷屬，深入邪見；以諸貪著行非法故，風雨不時，卉木叢林，百穀苗稼，皆悉枯槁。彼時，人民飢饉病瘦，悉詣王都，高聲大呼。 |
| | | | 時，諸人眾無量無數，圍遶王城，或舉兩手、或復合掌、或號天扣地、或舉身自撲、或右膝著地、或著弊衣，眼無光色，悲聲大叫，咸言：大王！我等今者，大苦！大苦！飢渴寒凍，疾病危困，無所歸依，無救濟者；如在牢獄，種種苦逼，轉趣死路。作如是等無量楚毒，悲聲上訴，求自全濟，安隱快樂。大王則是眾生寶藏清涼之池，善正治法，大智大乘，為大寶洲，真實利益，能與眾生天人之樂。 |
| | | 起十種大悲語 | 時，彼大王聞此悲苦楚毒音聲，即得百萬阿僧祇大悲法門，一心思惟，即發十大悲語。何等為十？所謂： |
| | | | 佛 嗚呼痛哉！一切眾生，墜於無底生死深院，無所歸依，我當為彼，作歸依者，悉令逮得如來之地； |
| | | | 法 哀哉眾生，為煩惱亂，無有救濟，我當為彼，作救護者，悉令安立一切善業； |
| | | | 僧 哀哉眾生，生老病死，無有救護，我當為彼，作救護者，除滅一切身心苦痛； |
| | | | 精進 哀哉眾生，有諸恐怖，無有救護，我當為彼，作救護者，令住一切智安隱之處； |

入法界品善財童子五十三參之第三十七會開敷樹華夜天(七地)之四

| | | | | |
|---------------|------------------|--------------|---|------------------------------------|
| 開敷樹華夜天成就第七遠行地 | 依十波羅蜜之方便波羅蜜成就遠行地 | 起十種大悲語 | 禪定 | 哀哉眾生，為身見疑之所覆蔽，我當為彼，作明淨燈，普照一切，現明淨智； |
| | | | 般若 | 哀哉眾生，為愚癡覆，我當為彼，作大明炬，現一切智正法之城； |
| | | | 方便 | 哀哉眾生，為諸慳嫉諂曲幻偽，濁亂其心，我當令彼，悉得無上清淨法身； |
| | | | 願 | 哀哉眾生，為生死長流之所漂溺，我當令彼，度生死海，到佛彼岸； |
| | | | 力 | 哀哉眾生，從生盲瞽，我當令彼，見真實義，同一切佛； |
| | | | 智 | 哀哉眾生，根不調伏，我當令彼，調伏諸根，除滅障礙，得一切智。 |
| | | 擊鼓宣令 | 時，彼大王發如是等十大悲語，擊鼓宣令一切眾生，安隱勿怖，隨汝所須，我皆資給。即時頒下閻浮提內大小諸城、都邑聚落，悉開庫藏： | |
| | | 擊鼓宣令廣行布施 | 金銀、珍寶、衣服、肴膳、香華、瓔珞、床席、被褥、宮殿、宅舍；諸妙寶幢、夜光寶幢、摩尼寶幢；醫師湯藥，種種諸器，盛眾雜寶；諸金剛器，盛眾妙香；種種香器，盛諸衣服；種種車乘，幡綵幢蓋。又復擊鼓，宣令天下一切諸城、都邑聚落，今施汝等國土、城邑、聚落、妻子、頭、目、齒、舌、心、肝、血、肉、腸、胃、手足，一切肢節。 | |
| | | 王城東門於其門外有施會處 | 時，城東門外，有大會處，名曰明淨摩尼妙德。其地平正，廣博清淨，無諸雜穢；眾寶為地，散雜寶華，熏以眾香，一切香雲，充滿虛空；寶樹圍遶，無量華網及諸寶網，羅覆其上，自然演出無量億那由他娛樂音聲；有如是等無量珍妙而莊嚴之，皆是菩薩淨業果報。 | |
| | | 於施會中置師子座 | 於彼會中，王所住處，十寶為地、十寶欄楯，十種寶樹，周匝圍遶；形色金剛，不可沮壞；眾寶莊嚴，懸諸寶幡，白淨寶網、金鈴寶網、眾華寶網、摩尼寶網、雜衣寶網，羅覆其上；熏以名香，自然演出無量微妙歌頌音聲。 | |

大王處座智慧明達

無量眾生觀察彼王

時彼大王見來求者心大歡喜

彼大王信心清淨歡喜圓滿因緣

爾時，閻浮提內無量阿僧祇眾生，悉來歸命，讚言大王：王是智人，天下第一；功德須彌，功德明淨，猶如滿月；得菩薩心，等觀眾生，普施一切。時，王見已，歡喜無量，於彼大眾，發大悲心、善知識心，隨所求者，悉令充足而攝取之。

時，王即得無量快樂，釋提桓因乃至化自在天王，無量百億那由他劫，受諸快樂，所不能及；他化自在天王，不思議劫，受諸快樂，亦所不及；大梵天王，不可說劫，住梵住樂，亦所不及；乃至淨居天，無分齊劫，住寂靜樂，亦所不及。

復次，善男子！譬如有人，仁慈至孝，遭世事難，違離父母，經歷年歲，後忽遇會；瞻奉親顏，欣慰踊悅，不能自勝。時彼大王，見來求者，心大歡喜，亦復如是；信心堅固，長養菩提。

何以故？此菩薩專求一切智，饒益安樂一切眾生；成滿大願，遠不善法，修行諸善；救護眾生，開薩婆若門；攝一切智，滿眾生願；入一切佛諸功德海，壞一切煩惱魔業障山，隨順一切諸如來教；入深智流，不違正道，出諸法流，成滿大願；住大人法，滿足普門善根之藏；離一切惡，心無所染，了達諸法猶如虛空。

入法界品善財童子五十三參之第三十七會開敷樹華夜天(七地)之五

| | | | | |
|---------------|------------------|------------|--------------------------|---|
| 開敷樹華夜天成就第七遠行地 | 依十波羅蜜之方便波羅蜜成就遠行地 | 大悲施與平等無礙 | | 復次，佛子！時，彼大王見諸眾生，發一子想、父母想、福田想、難報恩想、師想、佛想，大慈悲心悉普覆之；隨其所須，衣服、飲食、華香、末香、塗香、鬘蓋、幢幡，諸莊嚴具，床座、被褥、舍宅、宮殿、園觀、浴池、車乘、輦輿、象馬、眾寶、所住宮殿及其眷屬、內諸庫藏、城邑聚落；如是一切，悉施眾生，普令充足。 |
| | | 寶光明長者女勝妙圓滿 | | 時，彼會中有一童女，名寶光明；端正姝妙，顏容無倫，身如真金，目髮紺色，口演妙音，身出名香，眾寶莊嚴，常懷慚愧，正念無亂，威儀庠序，於諸師長，恭敬尊重。諸根寂定，念慧現前，所聞諸法，能持能解；宿世長養無量善根，諸妙善法，潤澤其身，近善知識，好樂大乘，心如虛空，自安安彼，常樂見佛，求薩婆若。 |
| | | 去王不遠發願隨行 | | 與六十童女俱，去王不遠，一心恭敬，合掌而住，作如是念：我得善利，見善知識，遇善知識。於彼王所，起大師想、善知識想、慈悲人想。生此念時，歡喜無量，脫莊嚴具，置彼王前，發如是願：今此大王，安隱無量無邊眾生，願我來世亦復如是；大王智慧、大王正道、大王所乘、大王相好、大王財寶，無能壞者，願我來世亦復如是。隨所生處，我亦隨生。 |
| | | | | 時，彼大王告此女言：我今悉捨內外所珍，恣汝取之。時，彼女人倍增歡喜，以偈頌曰：（寶光明女說五十二偈讚歎大王往昔所行） |
| | 世間缺少十波羅蜜法 | 佛 | 大王未興世，堅固莊嚴都，一切不可樂，猶如餓鬼處。 | |
| | | 法 | 眾生相殘害，竊盜縱姪佚，兩舌不實語，無義麁惡言。 | |
| | | 僧 | 貪利他財物，瞋恚懷害心，邪見不善行，命終墮惡道。 | |
| | | 精進 | 如是眾生等，愚癡所覆蔽，種種行諸惡，天旱不降澤。 | |
| | | 禪定 | 以無時雨故，百穀悉不生，草木皆枯槁，泉流亦乾竭。 | |
| | | 般若 | 大王未興世，一切諸河池，皆悉乾枯涸，猶如大曠野。 | |
| | | 方便 | 大王初生時，天興慶重雲，降雨普流澤，河池悉盈溢。 | |
| | | 願 | 除滅一切惡，遠離諸恐怖，人民皆歡喜，大王生世故。 | |
| | | 力 | 往昔諸群生，各各相殘害，飲食人血肉，今悉修慈心。 | |
| | | 智 | 百穀昔不生，卉木皆枯燥，飢渴所逼迫，種種受苦惱。 | |
| | 僧十波羅蜜成就 | 佛 | 大王既興世，秔米自然生，樹出妙衣服，王世所歸故。 | |
| | | 法 | 昔日競微利，強弱相陵奪，今種種莊嚴，如釋難陀園。 | |
| | | 僧 | 昔人貪欲重，種種放逸行，侵犯他妻色，而共相危害。 | |
| | | 精進 | 今日諸人民，眾寶妙莊嚴，貞潔無邪姪，猶如兜率天。 | |
| | | 禪定 | 昔日諸眾生，妄言非法語，縱口無義言，諂曲取人意。 | |
| | | 般若 | 今日群生類，遠離諸惡語，愛眼視眾生，口發柔和音。 | |
| | | 方便 | 昔日諸眾生，種種行邪見，合掌恭敬禮，牛羊犬豕類。 | |
| | | 願 | 今聞王正法，遠離諸邪見，善知苦樂法，悉從因緣起。 | |
| | | 力 | 大王演妙音，無不愛樂者，梵釋等音聲，皆悉不能及。 | |
| | | 智 | 大王眾寶蓋，懸處虛空中，覆以諸寶網，普出妙香熏。 | |

入法界品善財童子五十三參之第三十七會開敷樹華夜天(七地)之六

| | | | | |
|---------------|------------------|-----------|----|--|
| 開敷樹華夜天成就第七遠行地 | 依十波羅蜜之方便波羅蜜成就遠行地 | 法十波羅蜜成就 | 佛 | 金鈴自然出，如來和雅音，宣揚甚深法，除滅眾煩惱。 |
| | | | 法 | 次復廣演說，十方諸佛刹，一切諸劫中，如來及眷屬。 |
| | | | 僧 | 又復次第說，過去十方刹，一切諸劫中，如來及眷屬。 |
| | | | 精進 | 又出微妙音，充滿於天下，梵王諸群生，悉聞業果報。 |
| | | | 禪定 | 眾生聞音已，自知諸業藏，離惡修眾善，專求無上道。 |
| | | | 般若 | 王父名淨光，母曰蓮華光，父於五濁世，正法治天下。 |
| | | | 方便 | 五百蓮華池，寶樹悉圍遶，底布以金沙，寶華悉敷茂。 |
| | | | 願 | 於彼池岸上，有諸妙法堂，眾寶為欄楯，種種寶莊嚴。 |
| | | | 力 | 末世惡法起，積年不降雨，池流皆枯涸，卉木悉焦然。 |
| | | | 智 | 七日王當生，先降靈瑞相，諸人見歡喜，救護出世間。 |
| | | 佛十波羅蜜成就 | 佛 | 彼時於中夜，大地六種動，自然演妙光，猶如明淨日。 |
| | | | 法 | 浴池有五百，功德水充滿，一切諸寶樹，如本悉榮茂。 |
| | | | 僧 | 河流諸泉原，一切皆盈滿，靈澤普津液，霑洽閻浮提。 |
| | | | 精進 | 樹木諸叢林，雜卉眾藥草，百穀苗稼等，生長普滋茂。 |
| | | | 禪定 | 巖嶠諸高山，幽邃深險谷，普及一切地，自然悉平正。 |
| | | | 般若 | 山陵諸卉木，沙礫雜穢等，悉於一念中，變成眾寶玉。 |
| | | | 方便 | 人見此奇特，歡喜而發言，快哉大善利，我得清涼池。 |
| | | | 願 | 時彼淨光王，與內眷屬俱，一切大臣等，歡喜遊園觀。 |
| | | | 力 | 五百浴池中，有池名歡喜，池上妙法堂，王眷屬遊止。 |
| | | | 智 | 時王語夫人，我願悉成滿，國土還豐樂，人民普安隱。 |
| | | 十波羅蜜本體成就 | 佛 | 時彼浴池中，千葉寶華生，普放清淨光，明耀須彌頂。 |
| | | | 法 | 明淨金剛莖，眾寶為華葉，閻浮檀金臺，諸妙香為鬚。 |
| | | | 僧 | 於彼蓮華中，出生一童子，相好莊嚴身，諸天悉敬禮。 |
| | | | 精進 | 王見大歡喜，入池撫掬之，安置后膝上，汝子應欣慶。 |
| | | | 禪定 | 寶藏普涌出，寶樹生妙衣，天樂奏妙聲，充滿虛空中。 |
| | | | 般若 | 時彼諸人民，合掌恭敬禮，歡喜如是言，此是世歸依。 |
| | | | 方便 | 身放大光明，普照於一切，若有遇斯光，諸漏悉除滅。 |
| | | | 願 | 一切惡鬼神，毒害眾生類，悉捨不善心，自然生慈愍。 |
| | | | 力 | 惡名失善利，疾病鬼所持，如是眾苦滅，一切皆歡喜。 |
| | | | 智 | 天下諸群生，相視如父母，離惡修慈心，專求一切智。 |
| | | 總說體用成就 | | 遠離諸惡趣，廣開天人路，顯現無上道，度脫諸群生。 |
| | | | | 我等得善利，遇斯大施主，眾生失正路，導師今出世。 |
| | | 大王勸童女精進成就 | | 爾時，寶光明童女偈讚王已，頭面禮足，遶無數匝，恭敬合掌，於一面住。王讚女言：善哉！善哉！乃能信知他人功德，是為希有；若有愚癡，不知報恩，無有智慧，濁心邪見；具如是等非法眾生，不知不信，諸佛菩薩清淨功德，一切智境。汝今專求無上菩提，修菩薩行，攝取安隱，饒益眾生。 |

入法界品善財童子五十三參之第三十七會開敷樹華夜天(七地)之七

| | | | |
|---------------|----------|----------|--|
| 開敷樹華夜天成就第七遠行地 | 成就本事 | 授灌頂記和合智悲 | 王讚女已，以無價衣，手自授與，而告之曰：汝自著之。時，彼女人以膝著地，敬禮合掌，頂受而著。時，王復與六十女衣，彼著衣已，與眷屬俱，遶畢辭退。諸女衣中，普出一切星宿光明，眾人見已，咸歎之曰：此諸女等，皆悉端正，如淨夜天，星宿莊嚴。 |
| | | 本事因緣 | 善男子！爾時，一切法師子吼圓蓋妙音王者，豈異人乎？今盧舍那如來、應供、等正覺是也；淨光王者，今淨飯王是也；蓮華光夫人者，摩耶夫人是也；時國人者，今大眾是也。悉於阿耨多羅三藐三菩提，得不退轉；或住初地，乃至十地；大願成就，住諸法門，修方便道，求一切智，住諸解脫。 |
| | 十波羅蜜方便神通 | | 爾時，開敷樹華夜天欲重明此義，以偈頌曰： |
| | | 佛 | 我有清淨眼，悉見世界海，生死五趣中，眾生常流轉。 |
| | | 法 | 見諸佛菩薩，往詣菩提樹，得道轉法輪，化度諸群生。 |
| | | 僧 | 我以淨天耳，境界一切音，諸佛所說法，悉聞歡喜持。 |
| | | 精進 | 我有無二智，一切無等等，能於一念中，了眾生心海。 |
| | | 禪定 | 我得宿命智，念一切劫海，自身及他人，分別悉了達。 |
| | | 般若 | 我於一念知，諸剎海塵劫，諸佛及菩薩，五道眾生類。 |
| | | 方便 | 彼佛初發願，專求佛菩提，究竟悉滿足，無量菩薩行。 |
| | | 願 | 覺了等正覺，種種巧方便，轉淨妙法輪，顯現諸乘海。 |
| | | 力 | 為眾演說法，度脫於一切，乃至遺法住，我悉一念知。 |
| | | 智 | 我於無量劫，修習此法門，真佛子應速，究竟此法門。 |
| | 自法門 | | 佛子！我唯知此菩薩無量歡喜知足光明法門； |
| | 自宗門精進 | | 諸大菩薩，於一切佛所，修行一切諸佛行海；求一切智，清淨滿足一切大願；於一菩薩地，修行一切菩薩地海；於一菩薩行，攝取一切菩薩行海；於一法門，自在修攝一切法門。我當云何能知、能說彼功德行？ |
| | 推薦精進 | | 佛子！於此道場，有一夜天，名願勇光明守護眾生。汝詣彼問云何菩薩學菩薩行、修菩薩道；成就眾生無上菩提，淨諸佛刹；值一切佛，修習一切如來正法。 |

入法界品善財童子五十三參之第三十八會願勇光明夜天(八地)之一

| | | |
|-----------------------|--|---|
| 會 處 | | 菩提場如來會中。 |
| 善財童子見善知識起十種心得與善知識無量同行 | 聞法信行 | 時，善財童子頭面敬禮彼夜天足，遶畢辭退。 |
| | 網彌覆其上現二十五種無邊身 見善知識坐普現一切宮殿摩尼寶藏師子之座普現法界國土摩尼寶 | 爾時，善財童子往詣願勇光明守護眾生夜天所，見彼夜天在大眾中，處於普照摩尼王藏師子之座，摩尼王網羅覆其身，光明普照一切法界，（寶網彌覆者表入無功用地報得成就，四十華嚴現二十五身，此處疑缺文，結構見四十華嚴） |
| | | 一切日月星宿光明以為其身， |
| | | 受持一切佛正法雲不忘失身， |
| | | 一切眾生形類色像，悉於中現； |
| | | 滿足一切菩薩願身， |
| | | 又現一切諸色海身， |
| | | 普照一切諸世界身， |
| | | 諸威儀身， |
| | | 除滅癡闇普照一切明淨燈身， |
| | | 諸方面身， |
| | | 知法如幻離垢深慧了諸法身， |
| | | 應現一切眾生前身， |
| | | 覺悟一切普現意身， |
| | | 遊行十方自在力身， |
| | | 離熾然身， |
| | | 於一切時現眾生前不失時身， |
| | | 不可壞身， |
| | | 詣諸佛所敬禮之身， |
| | | 無所依住佛行持身， |
| | | 長養一切諸善根身， |
| | | 無有染污清淨法身。 |
| | 於善知識生十種心 佛 法 僧 精進 禪定 般若 方便 願 力 智 | 善財見已，五體投地，起佛世界微塵等念，念彼天身；良久乃起，恭敬合掌，一心諦觀，於善知識得十種心。何等為十？所謂： |
| | | 得自己心，勇猛精進求薩婆若，能受持故； |
| | | |
| | | 得具一切智法心，隨順一切正教道故； |
| | | |
| | | 得自受生心，安住無上正法門故； |
| | | 得同行心，共普賢菩薩諸行願故； |
| | | 得具一切功德藏心，長養一切白淨法故； |
| | | 得勇猛心，長養諸佛大精進故； |
| | | 得具一切諸善根心，成滿一切諸大願故； |
| | | 得辦一切大利益心，具足菩薩自在力故。 |
| | | 是為於善知識得十種心。 |
| | 善財童子發心故得與善知識無量同行 | 爾時，善財一心觀察彼夜天已，得世界微塵等菩薩共法；所謂：正念共法，念十方三世一切佛故；大慧共法，分別了知一切法海故；諸趣共法，一切佛法輪不可壞故；覺悟共法，智如虛空，普照三世一切方便海故；…（八十四種同行，發心而得者，無功用故。人法無二得與一切法界同，因果無二得與一切諸佛同，自他無二得與諸一切菩薩同，染淨無二得與一切眾生同。四十華嚴具八十八種同行，疑缺文，依法義當具百種，總依十波羅蜜成就故，見附C38-1） |
| | | … 得如是等佛刹微塵等菩薩共法。 |
| | 獲此同行說偈讚歎 | 爾時，善財入如是等菩薩共法，於善知識得無量無邊淨正直心，偏袒右肩，恭敬合掌，以偈讚歎彼夜天曰： |

入法界品善財童子五十三參之第三十八會願勇光明夜天(八地)之二

| | | | |
|----------------|---------------------------|---|--------------------------|
| 善財童子得善知識法門 | 善財童子說偈讚歎 | 佛 | 我以無上心，專求佛菩提，今於善知識，而起自己心。 |
| | | 法 | 遠離諸惡業，成就清淨行，由見善知識，得無盡白法。 |
| | | 僧 | 我見知識已，功德莊嚴心，盡未來剎劫，修行菩薩道。 |
| | | 精進 | 唯願善知識，哀愍攝取我，為我悉顯現，正教真實法。 |
| | | 禪定 | 閉塞諸惡趣，廣開天人路，佛一切智道，為我悉顯現。 |
| | | 般若 | 念彼善知識，一切功德藏，我於念念得，虛空功德海。 |
| | | 方便 | 授我波羅蜜，不思議功德，長養諸善福，智增速冠頂。 |
| | | 願 | 我念善知識，一切種智道，依止善知識，滿足白淨法。 |
| | | 力 | 具足眾善利，功德普成滿，究竟一切法，成就薩婆若。 |
| | | 智 | 知識為大師，安立無上法，無量無數劫，不能報其恩。 |
| | | 爾時，善財說偈讚已，白言：天神向所顯現不思議法，此法門者名為何等？發道心來為幾時耶？久如當成無上菩提？ | |
| 善知識得大願精進境界自在成就 | 解脫名教化眾生令生善根，由菩薩大願力故一切智力故。 | 答言：善男子！此法門者名隨應化覺悟眾生生長養善根。善男子！我入此法門，覺悟一切諸法平等，知一切法真實之相，遠離世間，無所染著，解一切色非一、非異，了色非色，而能顯現無量諸色；（六十華嚴現九十八種色身，四十華嚴現百二種色身，見附C38-2） | |
| | | 於念念中現如是等色，充滿十方教化眾生。或見、或念、而得度脫；或現轉法輪；或現隨時應；或現親近；或現覺悟；或現自在神力；或現種種變化；或現不可思議自在神力變化，度脫眾生，滅不善法，安立善法，滿足大願，一切智勢力，菩薩法門勢力，具足成就大慈大悲。 | |
| | 入此解脫了知法性無有差別 | 佛子！我住此法門，現無量色身，分別了達一切色海，放無量無邊法雲，普照一切諸佛世界，現無量無邊諸佛，現無量無邊自在神力，覺悟眾生生長養善根，於念念中，令不可思議眾生，於阿耨多羅三藐三菩提，得不退轉。 | |
| | | 佛子！如汝所問，得此法門為幾時者？我今承佛神力，為汝解說。 | |
| | 出菩薩智輪遠離一切分別染著界 | 佛子！菩薩圓滿智慧，離一切虛妄，本性清淨，一切種智，超一切諸障礙山，隨所應化，皆悉普照。 | |
| | | 佛子！譬如日性，無有暗冥；但日沒已，天下則闇，出則大明；菩薩圓滿明淨智日亦復如是，離一切虛妄，普照一切，教化眾生。 | |
| | | 佛子！譬如淨日，出閻浮提，普照天下眾寶山樹，影現一切；大海、河、池、眾生之類，莫不對見，日亦不來入此池流，菩薩智日亦復如是，出三有海，於佛實法虛空中行，住於寂滅，應現一切趣趣生處，同眾生身而化度之，實不生死，無所染著，離一切虛妄，無脩短想。何以故？佛子！菩薩摩訶薩離諸顛倒，了一切世，悉如夢幻，解真實法，無有眾生，圓滿大悲，皆悉對現一切眾生而教化之。 | |
| | | 佛子！譬如大船不依此岸，不樂彼岸，不著中流，於大海中，濟度眾生；菩薩摩訶薩亦復如是，以波羅蜜力船，於生死海，濟度眾生，不依此岸，不樂彼岸，而度眾生，於一切劫，修菩薩行，不起劫想，亦不見劫有脩短相。 | |
| | | 佛子！譬如虛空出過法界一切世界，有成、有敗，而彼虛空，本性清淨，無所染污，不可沮壞，遠離恐怖一切障礙，而能普持未來諸劫一切佛刹；菩薩摩訶薩心亦復如是，以虛空等圓滿智慧，莊嚴其心，發起一切大願風輪，持一切眾生，令滅惡道生諸善趣，心無憂喜，安立眾生一切智道，除滅煩惱生死過患。 | |
| | | | |

入法界品善財童子五十三參之第三十八會願勇光明夜天(八地)之三

| | | |
|----------------|---|--|
| 善知識得大願精進境界自在成就 | 菩薩智輪住佛實法無所染著 | 佛子！譬如化人，無有實形，生、老、病、死、飢渴等苦，菩薩出生如化智慧，不可沮壞，妙色法身亦復如是，於一切劫諸生死中，化度眾生，而無所著，亦無恐怖、無貪、無恚，除滅一切熾然煩惱，心不貪樂一切趣生。 |
| | 智慧難測 | 佛子！菩薩智慧雖復如是甚深難測，我當承佛神力，為汝解說，令未來世諸菩薩等滿足大願，成就諸力。 |
| | 劫名善光，世界名寶光，初佛名法輪音虛空燈王如來。彼閻浮提，有一王都，名寶莊嚴，東有大林名妙光，道場名寶華。國王名勝光，太子名善伏。 | 佛子！乃往古世過世界海微塵等劫，復過是數有劫名善光，彼有世界名曰寶光。於彼劫中，有萬如來出興于世，最初如來號法輪音聲虛空燈，彼閻浮提中，有寶莊嚴王都，彼有大林名善光明。於此林中有一道場名曰善華；彼道場上，有寶蓮花師子之座，時，彼如來於此座上，成阿耨多羅三藐三菩提。 |
| | | 爾時，人民壽十千歲，殺盜、婬佚、妄言、兩舌、惡口、綺語、貪恚、邪見，行如是等十不善道；時，彼如來於百歲中，坐於道場，為諸菩薩及諸天王并閻浮提宿植德者，而為說法，其餘眾生，待善根熟。（光者總表無功用行自果現前） |
| | | 爾時，國王名曰勝光，時，彼人民行十不善，貪著五欲，作種種惡，遠離善法，不孝父母，不敬沙門、婆羅門，有無量眾生犯王治法，囚執囹圄，受諸楚毒。 |
| | | 爾時，彼王有一太子名曰善伏，端正殊特，成就妙色，具二十八大人之相，處在中宮，采女圍遶，聞彼獄人楚毒音聲，聞已憂惱，起大悲心。入彼獄中，見諸罪人，裸形亂髮，繫縛榜笞，悲號流淚，苦毒無量，太子見已，發大悲心，慰諭之言：莫恐！莫怖！我今能令汝等解脫。於是太子往詣王所，白言：大王！獄中罪人願施無畏，大王哀愍，幸垂矜救。（說過去成就本事因緣） |
| | | 時，彼大王召諸群臣，而共參議此事云何？群臣答言：彼諸罪人，竊盜官物，謀弑大王，侵犯宮人，有如是罪，必應刑戮，若救彼者，罪應至死。 |
| | | 時，彼太子大悲深至救護彼故，作如是言：我代獄囚受諸楚毒，願苦治我，我為救彼，不惜身命，欲令罪囚，悉得解脫，所以者何？若我不救此眾生者，云何能濟三界牢獄？諸在生死牢獄眾生，悉為貪愛之所纏縛，愚癡所蔽，受種種苦，身形鄙陋，心常放逸，而不能知出要之道，無智慧光，著諸法界，無有福慧，遠離實智，染縛結垢，幽閉苦獄，隨順惡魔，生、老、病、死常為憂惱之所逼迫，我當云何令彼解脫？我今應當捨自身命而救拔之。 |
| | 王子慈悲出於世間 | 爾時，五百大臣咸發聲言：大王！當知如太子意，放獄囚者，毀壞王法，危及我等，不治太子，國不久立！王聞此言，即發威怒，令誅太子。 |
| | 為求一切智及以利眾生而生大願堅定 | 王后聞之，毀容降服，與千采女馳詣王所，頭面禮足，如是請言：大王！當知太子有罪，願垂慈恕賜其壽命！時，彼大王即召太子，太子既至，復白王言：願垂哀赦獄囚苦人，若不矜恕，我代受苦。王言：隨意！ |
| | | 爾時，太子即入獄中，放諸罪人，代受楚毒，曾無中悔，一向正念，一切種智，大悲為首，饒益眾生。夫人白王：願聽太子在外，半月布施修福，然後隨王如法苦治。王即聽許。 |
| | 城北捨一切世間有為功德 | 時，彼都城北，有一大林名曰日光，太子詣彼，設大施會，須食與食、須衣與衣，乃至車乘、華鬘、塗香、末香、幢幡、繒蓋，及餘一切寶莊嚴具，期限既滿。爾時，國王及諸群臣、長者、居士、男女、大小、并諸外道，皆悉雲集。 |

入法界品善財童子五十三參之第三十八會願勇光明夜天(八地)之四

| | | |
|----------------------|-------------------|---|
| 善知識得大願精進境界自在成就 | 初佛合會 | 爾時，法輪音聲虛空燈如來，知諸眾生應化時至，與大眾俱，天王圍遶，龍王供養；夜叉王守護；乾闥婆王讚歎；阿修羅王禮侍；迦樓羅王以清淨心散諸雜寶；緊那羅王歡喜讚歎，供養過去諸佛；摩睺羅伽王悲泣正觀；與如是等無量大眾前後圍遶，來詣彼會。 |
| | | 爾時，太子及諸大眾，遙見佛來，端嚴殊特，諸根寂定，如大象王神心澄明淨；若淵海，顯現如來自在境界，勝妙功德，相好嚴身，圓滿光明，普照一切，震動十方無量世界。一切毛孔，普出如來微妙香雲，普雨種種諸莊嚴雲，行佛威儀，除滅一切眾生煩惱。 |
| | 王子見佛成就合會出世間智 | 爾時，太子既見如來，歡喜無量，五體投地，合掌白言：善來世尊！念哀取我，唯願世尊處摩尼座。諸菩薩眾皆就寶座，周匝圍遶。時，佛坐已，除滅一切眾生苦患，離諸障蓋堪聖法器。 |
| | 太子得菩薩教化眾生令生善根解脫門 | 爾時，如來知諸眾生應受化者，而為演說圓滿因緣修多羅。時，彼大眾聞正法已，八十那由他眾生皆起離垢清淨法眼，得無學地，一萬眾生得大乘道，滿足普賢菩薩行願，見十方佛轉正法輪，現自在力，百佛世界微塵等眾生，具摩訶衍，滅十方世界無量眾生惡道苦難，生天人趣。時，彼太子得隨應化覺悟眾生長養善根法門。 |
| | 過去因緣所有隨眾得菩薩授記皆當成就 | 佛子！爾時，太子豈異人乎？我身是也！我於一切眾生，起大悲心，普饒益之；不著三界，又亦不求名譽果報，捨離憍慢，不輕他人，不加彼惡，不貪財利，遠離三有，莊嚴大乘，開一切智門，普行菩薩無量諸行。 |
| 所救之人於初佛所出家學道，大願通五位行法 | | 佛子！我於爾時，得此法門。時諸大臣今五百惡人調達眷屬是也。彼諸人等，佛皆教化，令發阿耨多羅三藐三菩提心，過未來世須彌山微塵等劫，成等正覺；所住世界同名寶光；國界莊嚴、父母種姓、受胎、出生、棄家學道、往詣道場、轉正法輪、說修多羅、語言、音聲、光明、眷屬、壽命、法住、及其名號，皆悉不同。 |
| | | 其最初佛，號饒益月；第二佛號大悲師子；第三佛號救護眾生；最後如來號大醫王。 |
| | | 佛子！當知本諸罪人我所救者，即拘樓孫等賢劫千佛，及百萬阿僧祇諸大菩薩，於無量精進妙德慧佛所，發阿耨多羅三藐三菩提心，今悉現在十方國土，行菩薩行，修習增廣，此隨應化覺悟眾生，長養善根法門者是也；佛子！時，王勝光者，今薩遮尼犍子大論師是也；時，王宮人諸眷屬者，即彼尼犍六萬弟子與師俱來共佛論義，悉降伏之，授阿耨多羅三藐三菩提記者是也。此諸人等，當成正覺，世界劫號，皆悉不同。 |
| | | 佛子！我於爾時，救罪人已，父母聽我捨離國土、妻子、眷屬，於法輪音聲虛空燈佛所，出家學道。 |
| | | 五百歲中，淨修梵行，於此中間得一萬三昧、一萬陀羅尼門、一萬諸明、一萬法藏、一萬薩婆若勇猛精進、一萬清淨忍門、一萬寂滅禪定、一萬方便般若波羅蜜，各於十方現前；對見一萬如來、出生一萬菩薩大願，長養菩薩一萬諸力； |
| | | 又得菩薩一萬神通，於念念中，各遊十方一萬佛剎；於念念中，各憶十方一萬佛海；見彼如來一萬化海，普遊十方，教化眾生；於念念中，見十佛世界眾生，於諸趣中，死此生彼，或好、或醜、或之善處、或入惡道，知彼眾生諸心，心法、心意所行，及諸根海行業善根，皆悉明達。 |

入法界品善財童子五十三參之第三十八會願勇光明夜天(八地)之五

| | | | |
|-------------|--------------------------------------|------------|--|
| 大願精進力夜神成就本事 | 為世間王供養諸佛恒不捨離(凡親近十九佛表不離根本智，和自成就總成二十佛) | | 佛子！我於爾時命終之後，即復於彼閻浮提中王宮，受生作轉輪王。彼法輪音聲虛空燈如來滅度之後，我於爾時，守護正法；次值法虛空妙德王佛； |
| | | | 次為釋王，即彼道場值天藏佛； |
| | | | 次為焰摩天王，即彼世界值大地功德山佛； |
| | | | 復值法輪光音聲王佛； |
| | | | 次為化樂天王，即彼世界值虛空燈智王佛； |
| | | | 次為阿脩羅王，即彼世界值一切法雷震王佛； |
| | | | 次為他化自在天王，即彼世界值不可壞力幢佛； |
| | | | 次為梵王，即彼世界值法輪化普光音佛。 |
| | | | 佛子！於彼寶光世界善光劫中，一萬如來出興于世，我悉值遇。 |
| | 依智起行即諸供養 | 佛 | 次復有劫名曰日光，六十億佛出興于世。時，我為王名大智慧；值最初相好功德山佛， |
| | | 法 | 復值妙音聲佛， |
| | | 僧 | 次為大臣值離垢童子佛， |
| | | 精進 | 次為阿脩羅王值勇猛精進佛， |
| | | 禪定 | (依四十華嚴，缺妙光佛) |
| | | 般若 | 復值究竟相好佛， |
| | | 方便 | 次為商人值離垢臂佛， |
| | | 願 | 次為城天值師子行佛， |
| | | 力 | 次為毘沙門天王值天周羅佛， |
| | | 智 | 次為乾闥婆王值法上名稱佛， |
| | | 成就 | 次為鳩槃荼王值光明天冠佛，恭敬供養。 |
| | 寶光世界六十億如來出興于世我皆親近 | | 佛子！我諸趣受身供養如是等六十億佛；於一一佛所，教化無量無邊眾生；我於一一佛所，得種種三昧門，種種陀羅尼門，具足諸辯，種種智慧，種種法光，照十方海，諸佛剎海，見諸佛海如一劫中；值遇諸佛，恭敬供養；於世界微塵等劫一切世界中，諸佛興世，我悉值遇恭敬供養，聞法受持，守護正法，亦復如是，於諸佛所，修此法門。 |
| | 往昔成就本事 | | 爾時，願勇光明守護眾生夜天欲重明此義，以偈頌曰：(三十六偈) |
| | | 勸聞 | 歡喜恭敬心，能問甚深法，我當承佛力，為汝分別說。 |
| | | 世間善根十波羅蜜因緣 | 過於不思議，世界海塵劫，爾時有一劫，名曰為善光。 |
| | | | 彼時有世界，名曰為寶光，於彼世界中，十千佛興世。 |
| | | | 我值彼諸佛，恭敬悉供養，於彼如來所，修習此法門。 |
| | | | 爾時有王都，名曰可愛樂，廣博悉平正，種種妙莊嚴。 |
| | | | 眾生雜行起，世界有淨穢，時彼諸眾生，多行不善法。 |
| | | | 爾時有大王，號曰為勝光，正法治天下，等心於一切。 |
| | | | 彼王有太子，號名曰善伏，端嚴甚姝妙，相好莊嚴身。 |
| | | | 時彼諸人民，有犯王法者，幽閉在牢獄，太子悉救之。 |
| | | | 爾時諸臣等，俱白大王言，太子欲危王，宜應加苦治。 |
| | | | 時王用臣言，如法治太子，諸臣送太子，至彼刑戮處。 |

入法界品善財童子五十三參之第三十八會願勇光明夜天(八地)之六

| | | | | | |
|--|---|--------------------------------------|--|--------------------------|--|
| 願 勇 光 明 夜 天 說 偈 重 宣 成 就 本 事 | 成 就 本 事 | 世間善根 十波羅蜜 因緣 | | 王后聞此已，來白大王言，願聽十五日，布施修功德。 | |
| | | | | 時王即聽許，令其修福業，肴膳車乘等，隨欲悉給之。 | |
| | | | | 所期日已盡，將至刑戮處，彼時一切眾，悲感悉號泣。 | |
| | 起 信 | 顯相 | 時法輪音聲，虛空燈如來，知眾生根熟，往詣大眾所。 | | |
| | | 本體 | 顯現自在力，演說圓滿經，無量諸眾生，悉授菩提記。 | | |
| | 以 往 昔 供 養 諸 佛 救 護 眾 生 故 得 無 功 用 地 成 就 | 涅 槃 十 波 羅 蜜 因 緣 | 佛 | 爾時王太子，即發菩提心，願我悉度脫，一切諸群萌。 | |
| | | | 法 | 供養彼如來，即隨佛出家，勇猛精進力，專求無上道。 | |
| | | | 僧 | 具足此法門，大悲念眾生，知法真實相，劫海修菩提。 | |
| | | | 精進 | 一切諸導師，次第興出世，我皆悉恭敬，供養護持法。 | |
| | | | 禪定 | 刹海微塵等，一切諸劫中，如來出興世，恭敬悉供養。 | |
| | | | 般若 | 善伏我身是，修習大悲心，不惜身壽命，救護彼苦人。 | |
| | | | 方便 | 逮得此法門，劫海常修習，念念悉增長，無量諸功德。 | |
| | | | 願 | 所見諸最勝，方便為我說，聞已即修習，此寂滅法門。 | |
| | | | 力 | 無量劫修此，不思議法門，佛雨甘露海，我已悉飲之。 | |
| | | | 智 | 依止此法門，普遊十方界，一念悉分別，三世諸佛刹。 | |
| | | 菩 薩 十 波 羅 蜜 因 緣 | 佛 | 依此法門故，見三世佛海，於諸最勝所，現身如電光。 | |
| | | | 法 | 依此法門故，遍詣十方佛，各現大神力，勝妙威儀法。 | |
| | | | 僧 | 依此法門故，能為問難海，不思議諸佛，所說聞受持。 | |
| | | | 精進 | 依此法門故，於十方世界，諸佛大眾中，自在顯神變。 | |
| | | | 禪定 | 依此法門故，種種現色身，能於一身中，顯現諸佛身。 | |
| | | | 般若 | 依此法門故，一一毛孔中，放大光明海，除眾生煩惱。 | |
| | | | 方便 | 依此法門故，一一毛孔中，出化無量身，法雨濟眾生。 | |
| | | | 願 | 此法難思議，菩薩所修學，依住此法門，盡來劫修行。 | |
| | | | 力 | 除滅諸邪見，隨應化眾生，悉令得安住，一切種智地。 | |
| | | | 智 | 不可思議趣，顯現種種身，隨其所應化，而為演說法。 | |
| | 自法門 | | 佛子！我唯成就此法門。 | | |
| | 自宗門 精進 | | 諸大菩薩超出世間，普照諸趣，悉能究竟一切境界，壞障礙山，了達法相，善巧方便，分別諸法，解法無我，攝取教化，度脫眾生，皆悉了知三世法界，善知一切語言道海，我當云何能入如是大智慧海、大智境界三昧解脫法門自在？ | | |
| | 推薦精進 | | 善男子！此閻浮提，有一園林名流彌尼，彼有天名妙德圓滿。汝詣彼問云何菩薩行菩薩行？生如來家？為世間燈？盡未來劫，修菩薩行，心無疲倦？ | | |

附C38-1：入法界品善財童子第三十八參得與願勇光明夜天無量同行之一

| 六十華嚴 | 四十華嚴 |
|----------------------|----------------------|
| 正念共法，念十方三世一切佛故 | 同念，心常憶念十方三世一切佛故 |
| 大慧共法，分別了知一切法海故 | 同慧，分別決了一切法海差別門故 |
| 諸趣共法，一切佛法輪不可壞故 | 同趣，善巧開示一切如來妙法輪故 |
| 覺悟共法，智如虛空普照三世一切方便海故 | 同覺，以等空智，覺悟一切三世教故 |
| 諸根共法，以明淨慧普照眾生一切根海故 | 同根，成就菩薩淨智光明，普照眾生諸根海故 |
| 淨心共法，修菩薩道得一切智無礙功德莊嚴故 | 同心，善能修習無礙功德，莊嚴一切菩薩道故 |
| 境界共法，明淨智慧照佛境故 | 同境，智光普照一切如來所行境故 |
| 隨順方便共法，究竟一切智方便海普照一切故 | 同教，獲一切智，照諸教海一切相故 |
| 知義共法，知一切法真實性故 | 同義，能以智慧，覺悟一切法自性故 |
| | 同法住，深入一切法界海故 |
| 法無畏共法，壞散一切諸怨敵故 | 同勇猛，得不共法，摧滅一切障礙山故 |
| 清淨色身共法，隨其所應現淨身故 | 同色身，隨眾生心，示現種種相好身故 |
| 諸力共法，於薩婆若不退轉故 | 同諸力，勤求成就一切智力不退轉故 |
| 無畏共法，淨正直心如虛空故 | 同無畏，其心清淨，猶如虛空無障礙故 |
| 精進共法，於一切劫，行菩薩行不退轉故 | 同精進，於無量劫行菩薩行無懈倦故 |
| 辯才共法，明淨智慧，深入諸法，照一切故 | 同辯才，得一切法無障礙智普光明故 |
| 無比共法，一切眾生無能勝故 | 同無等，身相清淨，一切世間無能勝故 |
| 語言共法，於大眾中，說淨妙法無所畏故 | 同愛語，凡所語言，令諸眾生皆歡喜故 |
| 妙聲共法，能師子吼出微妙聲，滿一切法海故 | 同妙音，能師子吼，普演一切法門海故 |
| 淨音共法，一切眾生悉樂聞故 | 同滿音，以圓滿音，令諸眾生隨類解故 |
| 淨德共法，令一切眾生悉清淨故 | 同淨德，隨順修習一切如來淨功德故 |
| | 同淨業，成就清淨一切菩薩諸善業故 |
| 智地共法，於一切佛受法輪故 | 同智地，受一切佛所轉法輪為眾生故 |
| 梵行共法，安住一切佛境界故 | 同梵行，安住一切如來所行智境界故 |
| 大慈共法，於念念中，普覆一切眾生海故 | 同大慈，念念普覆一切國土眾生海故 |
| 大悲共法，雨甘露法，救一切眾生故 | 同大悲，興大法雲普降法雨潤澤一切諸眾生故 |
| 身業共法，於一切眾生隨所作故 | 同身業，以方便行，教化成熟諸眾生故 |
| 口業共法，分別一切語言法故 | 同語業，以隨類音，演說一切諸法門故 |
| 意業共法，立一切眾生薩婆若心故 | 同意業，普攝眾生，置一切智境界中故 |
| 莊嚴共法，嚴淨一切諸佛刹故 | 同莊嚴，清淨莊嚴一切十方諸佛刹故 |
| 詣一切佛共法，見一切佛出興世故 | 同親近，見一切佛出興于世，皆親近故 |
| 勸請共法，請諸如來轉法輪故 | 同勸請，請一切佛為諸眾生，轉法輪故 |
| 供養共法，供養一切諸如來故 | 同供養，常樂供養承事一切諸如來故 |
| 教化共法，度脫一切諸眾生故 | 同教化，調伏成熟一切世間諸眾生故 |
| 光明共法，照一切法故 | 同光明，普能自在照了一切諸法門故 |

附C38-1：入法界品善財童子第三十八參得與願勇光明夜天無量同行之二

| 六十華嚴 | 四十華嚴 |
|---------------------|----------------------|
| 三昧共法，於一切眾生心海得不動故 | 同三昧，普知一切十方世界眾生心故 |
| 充滿共法，諸菩薩等自在神力滿諸佛刹故 | 同充滿，以自在力遍一切刹修諸行故 |
| 菩薩法門共法，出生菩薩自在力故 | 同住處，住諸菩薩神通海故 |
| 眷屬共法，樂與菩薩共同止故 | 同眷屬，一切菩薩共止住故 |
| 深入共法，分別一切諸世界故 | 同趣入，普入世界微細處故 |
| 了心共法，廣淨佛刹故 | 同心慮，普知廣大諸佛刹故 |
| 隨順共法，入一切佛世界海故 | 同往詣，隨順往詣普入一切佛刹海故 |
| 充滿方便共法，分別了知一切世界故 | 同方便，悉能示現遍滿一切諸佛刹故 |
| 無上共法，普現一切諸佛刹故 | 同超勝，遍於一切諸佛刹中無與等故 |
| 不退共法，遊行十方無障礙故 | 同不退，普入十方，威德平等無障礙故 |
| 除滅一切愚癡共法，得一切佛圓滿智故 | 同破闇，得一切佛成菩提智普光明故 |
| 不生共法，與一切佛為眷屬故 | 同無生忍，入一切佛道場眾海無染著故 |
| 滿一切佛刹網共法，恭敬供養一切佛故 | 同普遍，承事供養不可說刹諸如來故 |
| 決定智共法，分別了知諸法海故 | 同智證，隨順了知諸法門海，常相續故 |
| 如說修行共法，順入一切諸法門故 | 同修行，現前勤求，順行一切諸法門故 |
| 專求共法，欲求一切諸淨法故 | 同希求，於清淨法周遍勤求，深樂欲故 |
| 清淨共法，諸佛功德莊嚴身、口、意故 | 同清淨，集佛功德，而以莊嚴身口意故 |
| 淨意共法，於一切法智滿淨故 | 同妙意，於一切法，正分別智，能明了故 |
| 勇猛共法，究竟一切事滿善根故 | 同精進，勤求成就一切如來諸善根故 |
| 淨行共法，滿足一切菩薩行故 | 同淨行，成就滿足一切菩薩所行行故 |
| 無礙共法，分別了知諸法相故 | 同無礙，覺悟了知一切諸法皆無相故 |
| 方便共法，具足自在智法門故 | 同善巧，能於如來一切法中，智自在故 |
| 淨入共法，隨其所應現境界故 | 同隨樂，隨諸眾生心之所樂，現境界故 |
| 菩薩門共法，修行一切諸佛法故 | 同方便，善巧修習一切法門所應習故 |
| 護持共法，一切諸佛所護持故 | 同護念，得一切佛自在威力所護念故 |
| 離生共法，次第逮得菩薩地故 | 同入地，得入一切諸佛菩薩所住地故 |
| 安住共法，安住一切菩薩住故 | 同所住，安住一切諸佛菩薩所證位故 |
| 演說共法，了知諸佛授記法故 | 同記別，普為一切諸佛如來授記別故 |
| 禪定共法，於一念中，悉入一切諸三昧故 | 同三昧，於一念中普入一切三昧海故 |
| 三昧起共法，一切佛事種種相故 | 同建立，於剎那中示現種種諸佛事故 |
| 淨念共法，知一切念故 | 同正念，正念隨順一切如來境界門故 |
| 菩薩行共法，盡未來劫，行菩薩行不斷絕故 | 同修行，盡未來劫勇猛精進勤修一切菩薩行故 |
| 淨信共法，歡喜增長佛智慧故 | 同淨信，於諸如來無量智慧速疾愛敬極欣樂故 |
| 長養共法，除滅一切諸障礙故 | 同捨離，滅除一切諸障礙故 |
| 不退智共法，與一切佛智慧等故 | 同不退智，與諸如來智慧等故 |

附C38-1：入法界品善財童子第三十八參得與願勇光明夜天無量同行之三

| 六十華嚴 | 四十華嚴 |
|----------------------|-----------------------------|
| 受生共法，隨時應化一切眾生故 | 同受生，應現成熟諸眾生故 |
| 住共法，住一切智故 | 同所住，安住如來一切種智方便門故 |
| 境界共法，法界境界故 | 同境界，能於甚深法性境界得自在故 |
| 無著共法，心不染著一切有故 | 同無依，永滅一切諸有染著所依心故 |
| 善知法相共法，等心觀察一切法故 | 同說法，已甚深入種種法門平等智故 |
| 容受共法，於己身內，受持一切諸佛法故 | 同勤修，於己身內受持佛法自體威德所護念故 |
| 通明共法，分別了知一切世間故 | 同神通，開悟眾生，令修一切菩薩行故 |
| | 同無行，不動深入一切十方諸刹海故 |
| 神力共法，以少方便，遊行一切佛刹海故 | 同神力，一念遍遊十方一切世界海故 |
| 陀羅尼共法，普照一切陀羅尼海故 | 同總持，已得一切陀羅尼海普照門故 |
| 持一切佛法輪共法，悉能受持一切修多羅法故 | 同祕密，了知一切修多羅中妙法門故 |
| 深入共法，解一切法如虛空故 | 同甚深，解一切法離相清淨如虛空故 |
| 淨光共法，普照一切諸世界故 | 同光明，放大光明，普照十方諸世界故 |
| 明淨共法，隨其所應現眾生故 | 同智光，普照顯示一切眾生心體性故 |
| 震動共法，動諸佛刹，為諸眾生現自在故 | 同震動，為諸眾生現神通力威德自在，普震十方諸佛刹故 |
| 不虛共法，見聞念者，悉不虛故 | 同不虛，一切眾生，種種方所，見聞憶念，皆悉令其心調伏故 |
| 聖道共法，滿一切願十力智故 | 同出離，普為滿足一切菩薩諸大願海，成就如來十力智故 |
| | 同欣樂，隨眾生心而為開示令歡喜故 |

(返回第675頁)

附C38-2：入法界品善財童子第三十八參願勇光明夜天現無量色身之一

| | 六十華嚴(九十八種) | 四十華嚴(百另二種) |
|-------|------------|----------------|
| 總說 | 所謂：種種色 | 所謂：種種色身非一色身 |
| 佛十波羅蜜 | 清淨色 | 無邊色身 |
| | 莊嚴色 | 清淨色身 |
| | 放一切莊嚴色 | 一切莊嚴色身 |
| | 普現色 | 普見色身 |
| | 同一切眾生色 | 等一切眾生形相色身 |
| | 一切世間現前色 | 普現一切眾生前色身 |
| | 普照色 | 光明普照色身 |
| | | 眾所樂見色身 |
| | 見無厭色 | 見無厭足色身 |
| | 相好淨色 | 相好清淨色身 |
| 法十波羅蜜 | 離惡色 | 離一切惡淨光普照色身 |
| | 現勇猛色 | 大力勇猛平等示現色身 |
| | 甚深色 | 一切世間甚深難得色身 |
| | 一切世間無能盡色 | 一切世間無能映蔽色身 |
| | 歎無盡色 | 一切眾生稱歎無盡色身 |
| | 種種雲色 | 念念觀察種種莊嚴色身 |
| | 諸形像色 | 示現種種諸形像雲色身 |
| | 顯現無量自在力色 | 出現種種形色顯色色身 |
| | 可愛樂色 | 普現無量神力色身 |
| | 一切善起色 | 普放一切眾妙光明色身 |
| 僧十波羅蜜 | 隨應現前色 | 一切淨妙莊嚴色身 |
| | 隨應度眾生色 | 隨順成熟一切眾生色身 |
| | 普照無礙色 | 隨其心樂現前調伏色身 |
| | | 隨所應度成就善根色身 |
| | 離垢色 | 現無障礙普光明照色身 |
| | 不壞淨身色 | 淨無濁穢廣大光明色身 |
| | | 可愛端正增長不壞色身 |
| | 不思議法方便光明色 | 具足莊嚴清淨堅固色身 |
| | 非比非無比妙絕色 | 方便開示不思議法微妙光明色身 |
| | 非明闇色 | 一切無能映奪色身 |
| 精進波羅蜜 | | 能映奪一切色身 |
| | 滅一切闇色 | 無諸暗障色身能破諸闇色身 |
| | 積集一切白淨法色 | 普集一切諸白淨法色身 |
| | 功德大海之所生色 | 具足勢力大功德海色身 |
| | 過去修行恭敬生色 | 從於過去尊重恭敬為因所生色身 |

附C38-2：入法界品善財童子第三十八參願勇光明夜天現無量色身之二

| | 六十華嚴(九十八種) | 四十華嚴(百另二種) |
|--------|---------------|-----------------------|
| 精進波羅蜜 | 淨直心生如虛空色 | 如虛空清淨心所起色身 |
| | 勝廣大色 | 最勝廣大超過妙寶色身 |
| | 無斷無盡色 | 無斷無盡大功德海色身 |
| | 海光明色 | 普遍出現大光明海色身 |
| | 一切世間無所依止不可壞色 | 一切世間無依無別平等色身 |
| 禪定十波羅蜜 | 充滿一切十方無礙色 | 遍滿十方一切世界無礙色身 |
| | 念念色、海色 | 念念出現不可說不可說剎海顯示種種色相海色身 |
| | 令一切眾生大歡喜色 | 增長一切眾生種種歡喜心色身 |
| | 攝取一切眾生堅固色 | 攝取一切眾生海色身 |
| | 一切毛孔中如來功德師子吼色 | 能於一一毛孔之中出師子吼說一切佛功德海色身 |
| | 淨一切眾生深心色 | 能淨一切眾生心性甚深信解海色身 |
| | 顯現一切法義色 | 決定解了一切法義無疑網色身 |
| | 圓滿光明無礙色 | 心無障礙種種光網普照耀色身 |
| | 離垢虛空等色 | 等虛空量淨光明色身 |
| 般若十波羅蜜 | 不依垢無著色 | 能放廣大摩尼寶王淨光明色身 |
| | 普照離垢法界色 | 照現無垢法界影像色身 |
| | 不可稱色 | 世無能比色身 |
| | 隨眼見色 | 種種妙相差別莊嚴色身 |
| | 照諸方色 | 普照十方色身 |
| | 隨時顯現應眾生色 | 隨時示現應諸眾生常不斷絕色身 |
| | 寂靜色 | 出生寂靜調伏一切眾生色身 |
| | 滅一切煩惱色 | 善能除滅一切煩惱色身 |
| | 一切眾生功德福田光明色 | 一切眾生功德福田色身 |
| 方便十波羅蜜 | | 能清淨一切教色身 |
| | 見不虛色 | 一切眾生所見不虛色身 |
| | 大智光色 | 現大智慧勇猛威力色身 |
| | 無礙法身滿一切色 | 無障礙普周遍色身 |
| | 顯現威儀不虛色 | 顯示最勝利益世間色身 |
| | 積集大慈海色 | 現能普集大慈海色身 |
| | 具足功德須彌山色 | 普集大福山王色身 |
| | 普照一切趣色 | 普光照現一切世趣影像色身 |
| | 淨大智色 | 現能清淨大智慧力色身 |
| | 正念一切世間色 | 隨順一切世間正念色身 |
| | 一切寶光色 | 一切寶相光明色身 |
| | 淨寶藏色 | 顯示毘盧遮那藏色身 |

附C38-2：入法界品善財童子第三十八參願勇光明夜天現無量色身之三

| | 六十華嚴(九十八種) | 四十華嚴(百另二種) |
|-------|-----------------|----------------------|
| 願十波羅蜜 | 不壞淨眾生色 | 隨順一切眾生寂靜色身 |
| | 趣薩婆若色 | 一切智體相現前色身 |
| | 悅眾生眼色 | 現微笑眼能令眾生普生淨信色身 |
| | 一切寶莊嚴勝光明色 | 一切眾寶最勝莊嚴普光明色身 |
| | 不取不捨一切眾生色 | 不取不捨一切眾生色身 |
| | 無決定無究竟色 | 無決定無執著色身 |
| | 顯現自在諸持力色 | 顯示自在威力加持色身 |
| | 一切自在神足色 | 顯示諸法神通變化色身 |
| | 佛種姓色 | 種種如來善根光照色身 |
| | 遠離眾惡滿法界色 | 遍法界海遠離諸惡色身 |
| 力十波羅蜜 | 悉詣一切諸佛大眾照一切色 | 普現親近一切如來道場眾會色身 |
| | 成諸海色 | 現能成就種種妙色海色身 |
| | 善行依果色 | 普遍出現善行所流相似妙果色身 |
| | 隨化授色 | 隨所應化調伏眾生色身 |
| | 一切世間見無厭色 | 一切世間見無厭足色身 |
| | 種種光明普照色 | 放種種色淨光明色身 |
| | 顯現三世一切色 | 顯示一切三世相海色身 |
| | 顯現一切海色 | 能放一切焰海光明色身 |
| | 放一切光明海色 | 顯示無量圓滿光明海色身 |
| | 種種光色、過一切世間一切香光色 | 一切妙香光明普遍超諸世間色身 |
| 智十波羅蜜 | 顯現圓滿諸日雲色 | 一一毛孔現不可說極微塵數日輪雲色身 |
| | 持圓滿淨月雲色 | 廣大無垢月輪雲威德色身 |
| | 放須彌山妙華雲色 | 放無量色須彌山王妙華雲光明色身 |
| | 出種種鬘雲色 | 出生種種妙鬘雲光明色身 |
| | 顯現一切鉢曇摩華雲色 | 顯示一切寶蓮華雲色身 |
| | 一切香像雲充滿法界色 | 出興一切燒香形像雲普遍法界色身 |
| | 散一切末香雲色 | 念念普散一切末香藏雲現前變化遍滿十方色身 |
| | 現一切佛淨願身色 | 現一切如來廣大願雲色身 |
| | 一切音聲出師子吼法界海色 | 現一切語言普演法海色身 |
| | 普賢菩薩清淨身色 | 現普賢菩薩形像身雲色身 |

(返回第676頁)

入法界品善財童子五十三參之第三十九會妙德圓滿林天(九地)之一

| | | |
|-----------------|-------------------------|---|
| 會 處 | | 閻浮提流彌尼園中。 |
| 善財童子 | 聞法信行 | 時，善財童子，頭面敬禮彼夜天足，遶畢辭退。爾時，善財童子正念思惟彼夜天教，修習增長隨所應化覺悟眾生長養善根法門； |
| | 當法契入 | 漸漸遊行，至彼林中，周遍推求妙德圓滿林天，見坐眾寶樓閣之上，二萬那由他諸天圍遶，為說菩薩受生海經，生如來家，長養菩薩功德。 |
| | 發心徵詢 | 爾時，善財頭面禮足，白言：天神！我已先發阿耨多羅三藐三菩提心，云何菩薩行菩薩行？生如來家？為世間燈？ |
| 妙德圓滿林天成就第九地力波羅蜜 | 依十波羅蜜成就十受生藏，依十受生藏成就生如來家 | 得十種藏 答言：佛子！菩薩有十種受生法。若有菩薩行是法者，生如來家，於念念中，長養善根，不退、不怖、不惱、不亂、不懈、不悔，至一切智順知法界，修解脫道；於一念中，長養一切諸波羅蜜，捨離世間，具足佛地智慧猛盛，佛法現前，順真實義，滿薩婆若。何等為十？所謂： |
| | | 佛 供養一切佛，方便虛空願藏菩薩受生法； |
| | | 法 滿菩提心枝藏菩薩受生法； |
| | | 僧 現前方便觀察寂滅虛空藏菩薩受生法； |
| | | 精進 以淨直心，普照三世藏菩薩受生法； |
| | | 禪定 普照一切藏菩薩受生法； |
| | | 般若 生如來家藏菩薩受生法； |
| | | 方便 佛光明力藏菩薩受生法； |
| | | 願 具足分別薩婆若門藏菩薩受生法； |
| | | 力 一切法界化莊嚴藏菩薩受生法； |
| | | 智 勇猛精進至佛地藏菩薩受生法。 |
| | 一者(佛) | 佛子！何等為供養一切佛，方便虛空願藏受生法？此菩薩摩訶薩發如是願：我當恭敬供養一切諸佛，無量喜心見佛無厭，具不壞信，積集功德，供養諸佛，心無厭足。佛子！是為初受生法，薩婆若初門長養善根故。 |
| | 二者(法) | 佛子！何等為滿足菩提心枝藏受生法？此菩薩摩訶薩發阿耨多羅三藐三菩提心，起大悲心救護一切眾生故；值遇佛心常見佛故；求正法心無所惜故；大莊嚴心向薩婆若故；發大慈心，普覆攝取一切眾生故；不捨一切眾生心，薩婆若莊嚴不可壞故；離諂曲心，得實智故；如說行心，得菩薩道故；不欺一切佛心，滿足諸佛大誓願故；為薩婆若，發大願心教化未來一切眾生故；如是等佛剎微塵等菩提心枝滿足，生如來家。佛子！是為第二受生法。 |
| | 三者(僧) | 佛子！何等為現前方便觀察寂滅虛空藏受生法？此菩薩摩訶薩，觀察寂滅一切法海心；究竟滿足一切智道不疲倦心；正念善法業海心；一切菩薩諸三昧海清淨心；具一切菩薩諸功德心；出生一切菩薩莊嚴道心；於無量劫勇猛精進不休息心；出生普賢行化一切眾生心；善學威儀，住菩薩德，一切諸有悉非有心。佛子！是為第三受生法。 |
| | 四者(精進) | 佛子！何等為以淨直心普照三世藏受生法？此菩薩摩訶薩，淨直心界照佛菩提，深入菩薩方便法海，深心不壞猶若金剛，背一切有諸生死趣，向一切佛，具自在力趣諸勝道，增益菩薩根，離垢淨心，不可動轉，長養大願，常為諸佛之所護念，壞散一切諸障礙山，悉為眾生而作歸依。佛子！是為第四受生法。 |

入法界品善財童子五十三參之第三十九會妙德圓滿林天(九地)之二

| | | | |
|-----------------|-------------------------|------------|--|
| 妙德圓滿林天成就第九地力波羅蜜 | 依十波羅蜜成就十受生藏，依十受生藏成就生如來家 | 五者 (禪定) | 佛子！何等為普照一切藏受生法？此菩薩摩訶薩具足方便，教化眾生，不貪財利，以清淨心悉捨一切，持無量淨戒，住佛境界，具足忍法，得一切佛忍，光明法勇猛精進，究竟一切智境界，修習諸禪，具足清淨圓滿普門三昧智慧，以明淨慧日普照法界，得無礙眼，見一切佛海，深入一切諸法原底，智者所讚，令眾生歡喜，修習正法，見真實相。佛子！是為第五受生法。 |
| | | 六者 (般若) | 佛子！何等為生如來家藏受生法？此菩薩摩訶薩生如來家，隨諸佛教，具足一切甚深法門，同三世一切諸佛大願，同三世一切諸佛善根，同三世一切諸佛法身，遠離世間向離世間趣，長養白淨法，住大功德法門，得佛持定，見諸如來隨所應化，淨諸眾生，不捨大願，聞法受持。佛子！是為第六受生法。 |
| | | 七者 (方便) | 佛子！何等為佛光明力藏受生法？此菩薩摩訶薩深入佛力，遍遊十方，供養諸佛，心無疲倦，知一切法如幻如夢，色如電光，成就如化，自在通明；知一切有生趣如影；知一切佛所轉法輪皆悉如響，悉究竟說一切法界。佛子！是為第七受生法。 |
| | | 八者 (願) | 佛子！何等為具足分別薩婆若門藏受生法？此菩薩摩訶薩，以童子身，住菩薩住，觀薩婆若，於無量劫，觀察一一諸智慧門；劫猶可盡，諸智慧門不可窮盡，究竟菩薩自在境界諸三昧門，念念悉詣十方佛所，入不可壞三昧境界，不可壞法、不可壞智無邊境界，得非境界，於少境界悉具足，得不可說地，於無量中，得有量法，知諸世間名假施設，分別一切語言之法。佛子！是為第八受生法。 |
| | | 九者 (力) | 佛子！何等為一切法界化莊嚴藏受生法？此菩薩摩訶薩種種莊嚴無量佛刹，究竟眾生諸變化身佛，應化身無所依止，清淨法化，悉行一切無礙法界，應受化者為彼現身，教示種種諸菩薩行，善能出生離諸障礙，一切智門淨智慧藏，教化眾生，未曾失時。佛子！是為第九受生法。 |
| | | 十者 (智) | 佛子！何等為勇猛精進至佛地藏受生法？此菩薩摩訶薩悉於三世諸如來所，受灌頂法，一切世界境界無障礙，菩薩悉知三世眾生死此生彼，修菩薩行，知諸眾生成心次第起；知三世佛次成正覺，善巧方便知法次第；知一切劫次第成敗，隨應眾生顯現莊嚴，成等正覺顯現次第；轉正法輪，教化無量無邊眾生。佛子！是為第十受生法。 |
| | 成就此十種受生藏功德 | | 菩薩摩訶薩住是法已，種種莊嚴一切佛刹無量億劫，無量法海，無量境界，教化眾生，覺悟無量諸法界流，顯現諸佛不可思議如虛空等深法境界，無量諸行，攝取眾生，現轉法輪，於一切世界，護持佛法，悉於一切境界，以微妙音說不可說佛正法雲，住諸法門趣無礙道，以一切法莊嚴道場，隨所應度成佛興世，教化成熟無邊眾生。 |
| | 重宣其義 | 說偈 | 時，彼林天欲重明此義，以偈頌曰： |
| | | 佛 | 清淨正直心，先發如是願，普見一切佛，供養無厭足， |
| | | 法 | 皆悉淨莊嚴，三世諸佛刹，以願莊嚴心，度脫諸群生。 |
| | | 僧 | 修習寂滅法，其心無厭足，三世無障礙，身心如虛空。 |
| | | 精進 | 深入大悲海，直心如須彌，窮盡大智海，是為人中雄。 |
| | | 禪定 | 大慈覆一切，增廣諸度海，教化諸群生，此是無上人。 |
| | | 般若 | 知法真實相，三世佛家生，究竟諸法海，是為智慧者。 |
| | | 方便 | 清淨妙法身，其心無障礙，己身滿十方，具足如來力。 |

入法界品善財童子五十三參之第三十九會妙德圓滿林天(九地)之三

| | | | |
|-----------------|----------------|--|--|
| 妙德圓滿林天成就第九地力波羅蜜 | 重宣 | 願 | 甚深智慧中，逮得自在力，專求一切智，究竟三昧海。 |
| | | 力 | 嚴淨諸佛刹，教化一切眾，顯現自在力，是為稱莊嚴。 |
| | | 智 | 深入最勝力，長養薩婆若，法界無障礙，此是真佛子。 |
| | 生如來家 | | 佛子！菩薩摩訶薩具此十法，生如來家，為世間燈。佛子！我成就此無量境界自在法門。 |
| | 佛——圓滿降生前發大願十種相 | | 爾時，善財白言：天神！此法門者，境界云何？ |
| | | | 答言：佛子！我已具足一切菩薩受生大願，是故，我來生此林中本願力故，正念菩薩受生之法。於後百年，菩薩從彼兜率陀天降神下生，時，此林中有十種瑞相。何等為十？ |
| | | 佛 | 一者、此林忽然廣博，地平如掌。 |
| | | 法 | 二者、土石雜穢變為金剛，眾妙莊嚴。 |
| | | 僧 | 三者、寶娑羅樹周匝行列。 |
| | | 精進 | 四者、時，此林中沈水末香，出過諸天種種莊嚴。 |
| | | 禪定 | 五者、諸妙華鬘寶莊嚴具，皆悉充滿。 |
| | | 般若 | 六者、諸寶樹中，自然流出種種妙寶。 |
| | | 方便 | 七者、諸池水中，出芙蓉華。 |
| | | 願 | 八者、時此林中娑婆世界，欲、色、諸天、龍、夜叉、乾闥婆、阿修羅、迦樓羅、緊那羅、摩睺羅伽，恭敬作禮，合掌而住。 |
| | | 力 | 九者、天女乃至摩睺羅伽女齎供養具，合掌恭敬，於一面住。 |
| | | 智 | 十者、十方一切佛躋中放光明，名曰菩薩受生，自在燈普照此林，於彼一一諸光明中，現一切佛受生自在，出家自在，一切菩薩功德自在，又出如來微妙音聲。 |
| | | | 佛子！是為林中十種瑞相。此相現時，諸天王等知必當有菩薩下生，我見此瑞，歡喜無量。 |
| | 法——十種光明 | 現十種光明 入菩提場 | 佛子！摩耶夫人出迦毘羅城，入此園林，生太子時，自然而有十種光明；因此光故，一切眾生得法光明。何等為十？所謂： |
| | | | 寶芽藏光；一切香光；鉢曇摩光；出微妙聲讚善生光；十方菩薩初發心光；一切菩薩得入諸地自在法光；一切菩薩諸波羅蜜大智慧光；出生菩薩無量大智願光；方便化度眾生智光；普照一切法界諸佛，受胎出生，棄家學道，成正覺光。佛子！是為十種光明，此光普照無量無邊諸眾生心。 |
| | 僧——十波羅蜜世間相 | 菩提樹下諸天圍遶 | |
| | | 佛子！摩耶夫人於此林中，在畢利叉樹下坐時，現菩薩十種受生自在。何等為十？ | |
| | | 爾時，欲界一切天王、天子、天女、色界諸天及龍、夜叉、乾闥婆、阿修羅、迦樓羅、緊那羅、摩睺羅伽，并其眷屬，皆悉雲集，為欲供養彼菩薩故。 | |
| | | 佛 | 除滅煩惱 |
| | 法 | 顯現正法神變 | 爾時，摩耶夫人放大功德妙色光明，普照一切，其餘光明悉蔽不現，猶如聚墨，除滅眾生一切煩惱，一切惡道苦，又於一切諸毛孔中，放大光明，普照十方，無所障礙，是為菩薩第一受生自在。 |
| | | | 復次，佛子！摩耶夫人腹內，悉能容受三千大千世界，又能顯現百億四天下，於彼百億閻浮提中，王都、京邑、所住園林、名字各異；摩耶夫人遍坐彼處，諸天圍遶，悉為顯現不可思議智慧自在，是為菩薩第二受生自在。 |

入法界品善財童子五十三參之第三十九會妙德圓滿林天(九地)之四

| | | | | |
|-----------------|-------------------------------|-------|--------|--|
| 妙德圓滿林天成就第九地力波羅蜜 | 僧——菩薩成就自在受生解脫門——菩薩降生十波羅蜜世間成就相 | 僧 | 往昔淨行成就 | 復次，佛子！摩耶夫人一一毛孔中，顯現如來於過去世為菩薩時，恭敬尊重供養諸佛，彼諸如來所說正法，於毛孔中，皆悉得聞，譬如明鏡淨池水中，見日月像；摩耶夫人諸毛孔中，顯現如來於過去世為菩薩時，恭敬尊重供養諸佛，彼諸如來所說正法，皆悉得聞，亦復如是，是為菩薩第三受生自在。 |
| | | 精進 | 微細成就 | 復次，佛子！摩耶夫人一一毛孔中，顯現如來於過去世諸世界中，城邑、聚落、山林、河池、一切諸處，行菩薩行，隨彼諸劫所值諸佛，清淨善根壽命名號，及善知識如是等事，皆悉顯現，菩薩於彼諸受生時，摩耶夫人常為其母，是為菩薩第四受生自在。 |
| | | 禪定 | 普現分明 | 復次，佛子！摩耶夫人一一毛孔中，顯現如來於過去世為菩薩時，其身色相行業威儀所受苦樂，是為菩薩第五受生自在。 |
| | | 般若 | 難捨能捨 | 復次，佛子！摩耶夫人一一毛孔中，顯現如來於過去世為菩薩時，所行布施，身體、手足、眼耳、鼻舌、骨齒、髓腦、心血、皮肉、妻子、眷屬、城邑、聚落、宮殿、寶物、一切內外并諸受者，皆悉顯現，又聞求者所言音聲，是為菩薩第六受生自在。 |
| | | 方便 | 普得見聞 | 復次，佛子！摩耶夫人身中普出過去諸佛，本為菩薩最後生時，莊嚴佛刹眾生，樹林華鬘諸香、塗香、末香、摩尼寶王娛樂讚歎如是等事，充滿此林，皆悉聞見，是為菩薩第七受生自在。 |
| | | 願 | 入世間大願相 | 復次，佛子！摩耶夫人身中，又出諸天宮殿、龍、夜叉、乾闥婆、阿修羅、迦樓羅、緊那羅、摩睺羅伽、及人宮殿，眾寶莊嚴，妙香普熏，無能壞者，出過諸天，為欲供養彼菩薩故，充滿此林，是為菩薩第八受生自在。 |
| | | 力 | 威神力相 | 復次，佛子！摩耶夫人身中，又出十不可說億那由他世界微塵等，菩薩其身色像相好莊嚴，光明自在，及其眷屬皆悉同彼盧舍那佛是諸大士，從彼出已，讚歎菩薩，是為菩薩第九受生自在。 |
| | | 智波羅蜜 | 根本智成就相 | 復次，佛子！菩薩生時，於摩耶夫人前地金剛輪中，生大蓮華，金剛為莖，有十世界微塵等寶葉摩尼寶王以為其臺，眾寶香鬘，以阿僧祇寶網羅覆其上，一切天王所共執持；一切乾闥婆王普雨香雲，讚歎過去諸佛功德；一切夜叉王圍遶守護，自然出生眾妙寶華、娛樂音聲；一切阿脩羅王，皆悉降伏，頭面敬禮，一切迦樓羅王，以寶繒幡莊嚴虛空；一切緊那羅王歡喜諦觀心無厭足，讚歎歌頌菩薩功德；一切摩睺羅伽王，歡喜踊躍，普雨種種寶莊嚴雲，是為菩薩第十受生自在。(金剛際即自性根本智，大蓮華即法界成就智，十佛刹微塵數葉者即十波羅蜜成就微細智) |
| | | 涅槃地成就 | 正覺成就之相 | 佛子！摩耶夫人生菩薩時，如虛空中現明淨日、如雷電光、如山起雲、如闇中燈，菩薩爾時，雖現出生，而悉解達一切諸法如電、夢幻，不來、不去、不生、不滅。 |
| | | | 法界成就之相 | 佛子！我一念中，悉知菩薩此閻浮提受生自在、出生自在；亦知百億閻浮提，受生自在、出生自在；亦知三千大千世界微塵等佛刹，十佛世界微塵等佛刹，乃至悉知一切世界微塵等佛刹菩薩受生自在、出生自在，亦復如是。 |

入法界品善財童子五十三參之第三十九會妙德圓滿林天(九地)之五

| | | | | |
|-----------------|------------|-----------|----------------------------------|---|
| 妙德圓滿林天成就第九地力波羅蜜 | 菩薩往昔修行成就本事 | | 爾時，善財白圓滿妙德林天言：天神得此菩薩受生自在法門，其已久如？ | |
| | | 佛波羅蜜 | 普寶世界自在功德幢佛 | 答言：佛子！乃往古世，過億佛刹微塵等劫，有劫名可悅樂，彼有世界名一切寶。彼劫世界中，有八十那由他佛出興于世，其最初佛號不可壞自在幢王。彼世界中一閻浮提有一王都，名莊嚴幢，王名寶焰眼光第一，夫人名善喜光。如此世界摩耶夫人為盧舍那佛母，彼世界中善喜光夫人為最初如來母，亦復如是。 |
| | | 法波羅蜜 | 妙寶峯樓一切施樹 | 善喜光夫人生菩薩時，與二百萬那由他諸采女眾詣金色園林，攀寶樹枝，生彼如來。時，有乳母名離垢光。諸天王等以雜香湯洗浴太子，抱授乳母，乳母敬受，歡喜無量，即得菩薩普眼境界三昧。得三昧已，見十方佛無所障礙，復得菩薩受生自在法門。 |
| | | 僧波羅蜜 | 見一切佛受生自在 | 佛子！譬如初受胎識，速疾無礙，得此法門，知一切佛受生自在，亦復如是。佛子！於意云何？彼乳母者，豈異人乎？我身是也。 我從是來念念常見菩薩受生自在法海，盧舍那佛教化眾生自在神力。佛子！我念念中悉得三千大千世界微塵等淨智慧眼，常見一切世界微塵等刹及彼諸佛，知彼如來自在受生。又復了知盧舍那佛初發大願，乃至悉知十方諸佛初發大願，亦復如是。亦恭敬供養彼諸如來，彼佛說法我悉得聞，受持修行。 |
| | 妙德林天說偈重宣 | 往昔成就根本智十偈 | | 時，彼林天承佛神力，觀察十方，欲重明此一切境界菩薩受生自在法門義故，以偈頌曰：（二十三偈） |
| | | | 佛 | 佛子汝所問，最勝寂滅境，一心善諦聽，我今說因緣。 |
| | | | 法 | 過億刹塵劫，劫名可悅樂，八十那由他，如來出興世， 最初如來名，無壞自在幢。 |
| | | | 僧 | 我時見彼佛，金色林中生，乳母離垢光，今則我身是。 |
| | | | 精進 | 太子金色身，天王抱授我，敬受無上人，觀察不見頂。 |
| | | | 禪定 | 圓體難思議，視之無厭足，離垢清淨身，相好自莊嚴。 |
| | | | 般若 | 我見妙寶像，歡喜心無量，思惟難思議，長養功德海。 |
| | | | 方便 | 見彼自在力，我發菩提心，專求佛功德，具足諸願海。 |
| | | | 願力智 | 嚴淨諸世界，遠離三惡道，於諸世界中，供養一切佛。 專求大願海，除滅眾生苦，聞彼初佛法，成就此法門。 我於億刹塵，一切諸劫中，修習菩薩行，嚴淨此法門。 |
| | | 成就護持正法十偈 | 佛 | 彼劫中諸佛，我已悉供養，守護其正法，淨修法門海。 |
| | | | 法 | 億刹塵等劫，諸佛出興世，持彼正法輪，修難議法門。 |
| | | | 僧 | 一念悉了知，一切刹微塵，一一微塵中，見無量刹海。 |
| | | | 精進 | 彼佛初生時，顯現自在力，我於一念中，皆悉分別見。 |
| | | | 禪定 | 不可思議刹，見彼諸菩薩，或處兜率天，專求佛菩提。 |
| | | | 般若 | 無量刹海中，見彼生自在，無量眾圍遶，而為其說法。 |
| | | | 方便 | 一念中悉見，無量諸刹海，一切諸菩薩，出家詣道場。 |
| | | | 願力 | 不可思議刹，得成最正覺，顯現諸方便，除滅眾生苦。 一一微塵中，轉無盡法輪，無盡妙音海，普雨甘露法。 |
| | | | 智 | 念念中悉見，一一微塵中，億刹塵等佛，示現般涅槃。 |

入法界品善財童子五十三參之第三十九會妙德圓滿林天(九地)之六

| | | | |
|----------|------|------------------------------------|---|
| 妙德圓滿林天成就 | 重宣 | 三寶成就 | 見無量刹海，如來初受生，一一諸佛所，無量身供養。 |
| | | | 不思議刹海，無量諸群生，我以諸方便，為說甘露法。 |
| | | | 佛子我知此，不思議法門，無量諸劫數，稱讚不可盡。 |
| | | 自法門 | 佛子！我唯知此菩薩受生自在法門， |
| | | 自宗門精進 | 諸大菩薩能以諸劫為一念藏，顯現一切諸妙方便，供養諸佛，滿足大願，覺了一切諸佛正法，示現一切諸趣受生，生諸佛所，教化眾生未曾失時，為眾生現受生自在，於諸佛刹現自在雲，常生一切諸如來家。我當云何能知、能說彼諸功德？ |
| | 推薦精進 | 佛子！迦毘羅城有釋迦女，名曰瞿夷。汝詣彼問云何菩薩遊生死中教化眾生？ | |

入法界品善財童子五十三參之第四十會釋女瞿夷(十地)之一

| | | |
|----------------|------------------------|---|
| 會 處 | | 迦毘羅城。 |
| 善財童子參訪第十法雲地善知識 | 聞法信行 | 時，善財童子頭面敬禮彼林天足，遶畢辭退，向於彼城。正念思惟增廣明淨菩薩受生自在法門，漸漸遊行，至菩薩會莊嚴講堂，離憂妙德天所。 |
| | 無憂德神迎接善財入光明殿觀察善財童子所能成就 | 爾時，彼天一萬諸天以為眷屬，來迎善財，白言：善來大智慧人！修不思議菩薩法門，以淨直心滿足大願，廣菩薩行，向正法城，究竟菩薩無量方便。 |
| | | 我觀仁者勇猛精進，修菩薩道，心無懈倦，威儀庠序，諸根調伏，不久必當逮得無上清淨，莊嚴佛身、口、意，相好嚴身，十力智慧莊嚴其心，遊行十方教化眾生。我觀仁者修行勇猛精進力故，必當得見三世諸佛，受諸如來一切法雲，修習菩薩禪定法門、寂滅之法，入於甚深如來法門。 |
| | 十地圓滿依根本智起大悲(佛) | 何以故？詣善知識，親近供養，正念思惟，善知識教，無有退轉、疲倦之心。除滅障礙，降伏諸魔，無能壞者，令一切眾生得歡喜故。 |
| | | 善財答言：如天所說，我願如是！欲令一切眾生歡喜，除滅煩惱諸不善法，具足善法得安隱樂。一切眾生以眾惡業煩惱結故，入三惡道，受無量苦，菩薩見已，起憂悲心。 |
| | 十地滿位起大智慧(法) | 譬如有人唯有一子，愛念情重，忽有人來割截其身、肢節手足，慈父見已，悼惻悲念。菩薩若見眾生造惡業緣煩惱結故，入三惡道，受無量苦，見如是已，痛心悲念，亦復如是。菩薩若見眾生具身、口、意諸善業故，生天人中，受身心樂，見如是已，歡樂無量， |
| | | 何以故？菩薩摩訶薩不自為故求薩婆若，不貪生死、五欲快樂，不隨心想、諸見顛倒、結使纏縛、貪愛邪見，不著眾生種種樂想，不著禪味，不為結礙流轉生死。菩薩但見諸有海中，一切眾生受無量苦，發大悲願而攝取之。常以大悲大願力故，行菩薩行，供養諸佛，求薩婆若；欲令眾生遠離煩惱，淨佛世界，調伏一切惡心眾生，悉令具足清淨身心，行菩薩行而無疲倦。 |
| | 於諸眾生起十六種大利益(僧) | 若有菩薩如是行者，悉能莊嚴一切眾生，出生長養天人樂故； |
| | | 為父母皆令安立菩提心故； |
| | | 為養育，皆令究竟菩薩道故； |
| | | 為衛護，皆令遠離三惡道故； |
| | | 為大船師，皆令得度生死海故； |
| | | 為歸依，令捨諸魔煩惱怖故； |
| | | 為導師，皆令逮得清涼處故； |
| | | 為知濟，皆令得度佛刹海故； |
| | | 為主藏臣，皆令得入法寶洲故； |
| | | 為淨妙華，令開一切佛功德華故； |
| | | 為大光明，普放功德智慧光故； |
| | | 為歡喜，皆令端嚴勝殊妙故； |
| | | 為所尊，遠離一切諸惡業故； |
| | | 為普賢，具足一切諸功德故； |
| | | 為燈明，常放智慧淨妙光故； |
| | | 為慶雲，常雨一切甘露法故。 |
| | | 天神！菩薩摩訶薩如是行者，一切眾生悉皆愛念，樂正法故。 |

入法界品善財童子五十三參之第四十會釋女瞿夷(十地)之二

| | | | |
|----------------|----------------------|----|--|
| 善財童子參訪第十法雲地善知識 | 說偈讚歎隨逐善財恒不捨離 | | 爾時，善財將昇法堂，彼離憂妙德天與百萬眷屬，各各齋持妙香、華鬘及諸雜寶，散善財上，以偈頌曰： |
| | | 佛 | 無量無數劫，世燈或出現，普為眾生故，正求佛菩提。 |
| | | 法 | 無量億諸劫，難見難值遇，功德日今出，照除世間闇。 |
| | | 僧 | 見諸眾生類，愚惑癡所覆，廣發大悲心，專求無師道。 |
| | | 精進 | 清淨正直心，不惜身壽命，親近善知識，專求佛菩提。 |
| | | 禪定 | 一切無所依，不著於世間，離垢清淨心，無礙如虛空。 |
| | | 般若 | 行諸菩薩行，具滿妙功德，放大智慧光，普照一切世。 |
| | | 方便 | 不離於世間，亦不著世間，行世無障礙，如風遊虛空。 |
| | | 願 | 譬如大災起，一切無能滅，勇猛精進火，求道亦如是。 |
| | | 力 | 勇猛大精進，一切莫能壞，金剛慧師子，遊行無所畏。 |
| | | 智 | 一切法海中，一切諸佛海，親近善知識，速見彼諸佛。 |
| | | | 爾時，離憂妙德天偈讚歎已，恭敬法故，俱昇法堂。 |
| | 光明講堂見善知識及其圍遶眾之因緣智慧功德 | | 昇法堂已，周遍推求彼釋迦女。即見坐於寶蓮華藏師子之座，八萬四千眾女圍遶，皆是貴族王者之女， |
| | | | 悉於過去彼菩薩所修行諸行，同彼菩薩一切善根，常以布施、愛語攝取眾生，求薩婆若，利益一切，令諸眾生同佛菩提。大悲為首，普念眾生如一子想，修習大慈，普覆一切。過去已曾於菩薩所修不思議勝妙智慧，於阿耨多羅三藐三菩提得不退轉，具足成滿諸波羅蜜， |
| | | | 心無所著，直心智慧，皆悉清淨。求薩婆若，離障蓋網，超出諸難，得淨法身。行普賢行，長養菩薩一切諸力，成就圓滿淨智慧日。 |
| | 問十地法於生死中而能不染 | | 爾時，善財五體投地，敬禮瞿夷，禮已，合掌於一面住，白言：大聖！我已先發阿耨多羅三藐三菩提心，…（十一云何） |
| | | 總說 | 而未知菩薩云何行生死中而無所染， |
| | | 佛 | 覺了一切諸法實相，超出聲聞、緣覺之地， |
| | | 法 | 住如來地而不捨離菩薩所行， |
| | | 僧 | 修菩薩行不離佛地， |
| | | 精進 | 超出世間，法身圓滿， |
| | | 禪定 | 應世受生，普現種種諸方便身， |
| | | 般若 | 知法無性，示現一切眾生之身， |
| | | 方便 | 解甚深法，以妙音聲而為說法， |
| | | 願 | 知眾生空而能不捨化諸世間， |
| | | 力 | 知一切佛不生不滅而能供養，心無退轉， |
| | | 智 | 知無業報而行善業，無有休息？ |
| | 讚歎善財徵詢善法 | | 爾時，瞿夷作如是言：善哉！善哉！善男子！能問諸菩薩摩訶薩所行之法，修習普賢諸行願者，能如是問。諦聽！諦聽！善思念之！我當承佛神力，為汝解說。（修習普賢諸行願） |

入法界品善財童子五十三參之第四十會釋女瞿夷(十地)之三

| | | | |
|-------------|--------------------|---------|---|
| 釋女瞿夷成就第十法雲地 | 讚歎善財徵詢善法說親近善知識功德行法 | | 善男子！若有菩薩成就十法，則能滿足因陀羅網普智光明菩薩之行。何等為十？所謂：依善知識、廣發無量諸弘誓願、修淨勝妙正直、希望集一切智功德、聞佛出世歡喜無量、心常樂住三世佛所、隨順一切諸大菩薩、悉為一切佛所護持、清淨大悲、遠離生死，是為十法。若有菩薩成就此法，則能滿足因陀羅網普智光明菩薩之行。(十地之涅槃十波羅蜜) |
| | | | 佛子！若諸菩薩勇猛精進，心無退轉，出生修習佛無盡法，值善知識故。佛子！菩薩有十法值善知識。何等為十？所謂：不惜身命、不求世樂、知諸法相而不捨離、一切智願、觀察法界、離三有海、無所依住、深入一切菩薩諸願、普照一切諸佛世界、淨修菩薩圓滿智慧，是為十法值善知識。(菩薩十波羅蜜) |
| | 依根本智起十種世間行 | | 爾時，瞿夷承佛神力，觀察十方，欲重明此義，以偈頌曰： |
| | | 佛 | 無諂於知識，智慧廣無量，專求佛菩提，利益諸眾生。 |
| | | 法 | 恭敬善知識，其心如佛想，勇猛精進力，具因陀網行。 |
| | | | 解脫心增廣，其量均虛空，攝取於三世，佛刹及眾生。 |
| | | 僧 | 直心如虛空，遠離煩惱垢，出生佛功德，是為身雲行。 |
| | | 精進 | 不思議智慧，積集功德海，清淨福業藏，不染於世間。 |
| | | 禪定 | 一切諸佛所，聞法無厭足，智慧燈普照，是為照世行。 |
| | | 般若 | 一念皆能詣，十方刹海佛，聞法分別知，是為隨順行。 |
| | | 方便 | 見佛眷屬海，究竟三昧海，滿足諸大願，是因陀網行。 |
| | | 願 | 未來劫修行，諸佛所護念，普照諸世界，是為法光行。 |
| | | 力 | 大悲見眾生，智日出世間，法光除癡闇，是為智日行。 |
| | | 智 | 見諸趣眾生，迴流生死中，為轉淨法輪，是為普賢行。 |
| | 普能現身 | | 智慧身無量，隨應而示現，普於一切趣，度脫諸群生， |
| | | | 發起大慈悲，普覆於一切，遍照諸群生，令得佛菩提， |
| | 法門徵詢 | | 善男子！我已成就分別觀察一切菩薩三昧海法門。善財白言：大聖！此法門者，境界云何？ |
| | | | 答言：善男子！我入是法門， |
| | 觀察一切菩薩三昧海解脫門 | 根本智 | 知此娑婆世界眾生，佛刹微塵等劫中，死此生彼，作善惡業，受諸果報，在生死道出生死者，正定、邪定及不定，聚有使善根、無使善根，具足善根、不具足善根，不善善根，善根攝不善根、不善根攝善根，善根所起、不善根所起，一切善惡，皆悉了知。 |
| | | 知諸佛覺悟世間 | 彼諸劫中佛興于世，我悉了知。知彼諸佛初發道心，行菩薩行，出生一切諸大願海。知彼供養一切諸佛，具菩薩行，成等正覺，轉正法輪，現自在力，化度眾生。 |
| | | 知眾生成就世間 | 知彼眷屬聲聞、緣覺之所修行，過去修習一切善根，得明淨智，成就寂滅自在法門，顯現種種自在神力，教化眾生而般涅槃。知彼眷屬諸菩薩眾，初發道心，修習善根，出生種種諸大願行，成就滿足諸波羅蜜，種種莊嚴菩薩之道、菩薩諸地自在之力、菩薩諸地住、分別修習諸菩薩地、淨菩薩地、修菩薩地、菩薩諸地相、菩薩諸地智、菩薩諸攝智、菩薩善巧方便教化眾生、菩薩諸住、菩薩圓滿淨行、菩薩自在行、菩薩三昧海、菩薩方便， |

入法界品善財童子五十三參之第四十會釋女瞿夷(十地)之四

| | | | |
|---------------|---------------|------------|--|
| 成就第十法雲地 | 菩薩三昧海解脫門 | 知眾生成就世間 | 於念念中悉知菩薩諸三昧海，一切種智，電光法雲，得諸法忍，盡一切智底。知彼菩薩諸佛刹海，究竟法海；知眾生海，修習一切菩薩法門，滿足大願，顯現種種自在神力，如是等事，我悉了知。 |
| | 成就因緣 | | 如此娑婆世界知十方世界世界性、世界海、世界輪、世界圓滿、世界分別、世界旋、世界轉、世界蓮華、世界須彌、世界相中事，亦復如是。 |
| 釋女瞿夷法雲地往昔成就因緣 | 十地菩薩大智與慈悲同生本事 | 徵詢 | 善財白言：大聖！發阿耨多羅三藐三菩提心來，其已久如？ |
| | | 根本智世間 | 答言：佛子！乃往古世，過世界微塵等劫，有劫名勝光明。時，有世界名離恐怖。彼世界中有四天下，彼閻浮提中有一王都，名妙德樹須彌山，於八十王都最為殊勝。彼有王，名一切寶主。有六萬采女、五百大臣、五百王子，端正勇健，摧伏怨敵。 |
| | | 王太子者即出世間智慧 | 其王太子，名增上功德主。顏貌殊勝，相好嚴身，與萬采女俱，持妙幢蓋，散眾寶華，作諸妓樂，乘妙寶車，詣香茅山，遊戲園林。(六波羅蜜圍遶) |
| | | | 時，彼道路坦然平正，種種莊嚴，散眾妙華，寶樹行列，眾妙寶帳以覆其上。於彼路側，積眾寶，聚雜種寶，衣諸莊嚴，具肴膳飲食，如是等事，隨其所須，皆給施之。(表智慧太子與十波羅蜜行法共乘妙車入於法界，正法樓閣顯現) |
| | | 入世間慈悲法前行 | 時，有母人，名曰善現。將一童女，名離垢妙德，端嚴姝妙，修短得所，顏容無倫，目髮紺色，脣齒丹素，口出梵音，才能巧妙，言語聰辯，修習慈心，見者無厭，少貪恚癡，常懷慚愧，心無諂曲，乘妙寶車，采女圍遶，從母遊觀。先太子前至香茅園。(母即慈悲，出生行法即具足妙德。) |
| | | 太子童女合會發心 | 太子見已，生染愛心，語其母言：欲娉賢女以為我妻。 |
| | | | 母語女言：太子今欲求汝為妃，於意云何？ |
| | | | 女白母言：若欲使我為彼妃者，當自殞滅。 |
| | 具足妙德童女遇佛因緣 | | 母報女曰：勿作此言！所以者何？今此太子悉已具足轉輪王相，必為聖主，有玉女寶，汝當爾時不堪給使，此處尊勝，莫生難心。 |
| | | | 時，彼園外有一道場，名法雲光。有勝日光如來、應供、等正覺出興于世，於彼道場成無上道。 |
| 童女自申美德 | | | 時，女夢見彼如來身，於夢覺已，空中有天而告之曰：汝夢所見是勝日光佛，成道已來始經七日，今在道場無量菩薩大眾圍遶彼佛眾會，一切天龍八部、鬼神乃至無量淨居諸天地神、風神、海神、火神、山神、樹神、叢林藥草城郭等神皆悉雲集，奉觀世尊，聽受正法。 |
| | | | 時，彼女人聞是語已，詣太子所，合掌而立，以偈白言：(十偈) |
| | | 佛 | 我色世間最，智慧無倫匹，才妙善言論，觀者無厭足。 |
| | | 法 | 太子應當知，我心善貞潔，志尚心端直，清淨無所染。 |
| | | 僧 | 遠離於瞋恚，貪欲及愚癡，以真淨直心，饒益諸群生。 |
| | | 精進 | 我見太子身，相好自莊嚴，見已喜無量，諸根悉調伏。 |
| | | 禪定 | 妙體猶淨金，髮美紺青色，額廣目明徹，必為自在王。 |
| | | 般若 | 其身逾金山，相好自嚴飾，我今太子所，合掌恭敬住。 |

入法界品善財童子五十三參之第四十會釋女瞿夷(十地)之五

| | | | |
|---------------|---|-----------------------|---|
| 釋女瞿夷法雲地往昔成就因緣 | 自 申 美 德 | 方便 | 其目淨修廣，方臆如師子，觀者無厭足，妙音應納我。 |
| | | 願 | 舌相廣長妙，猶如赤銅色，演出梵音聲，聞者踊躍喜。 |
| | | 力 | 口方牙深固，齒白而齊密，若有觀見者，一切皆歡喜。 |
| | | 智 | 離垢清淨身，具相三十二，成就此妙相，必為轉輪王。 |
| | 詢 問 童 女 誰 為 守 護 | | 爾時，太子語彼女言：汝是誰女？為誰守護？若先屬他，我則不宜起染愛心。 爾時，太子說偈問言：(十二偈) |
| | | 詢所依 | 清淨功德身，見者無厭足，誰為汝父母，為誰所守護。 |
| | | 佛 | 若先有所屬，我不起欲想，非分生婬心，命終墮惡道。 |
| | | 法 | 不應為豪貴，種種富樂故，發起如是等，放逸貪亂心。 |
| | | 僧 | 種種生邪見，幻誑諸諂偽，如是造諸惡，流轉於世間。 |
| | | 精進 | 父母知識所，應起恭敬心，慈悲廣覆護，一切諸群萌。 |
| | | 禪定 | 若於一切處，所從聞法者，能生諸善故，應起恭敬心。 |
| | | 般若 | 一切諸導師，正法菩薩眾，聖僧功德海，皆悉應恭敬。 |
| | | 方便 | 修習諸功德，遠離一切惡，安住於正法，廣行菩薩道。 |
| | | 願 | 若無歸依者，應起大慈心，諸在三惡道，應發大悲念。 |
| | | 力 | 一切諸法界，有成必有敗，捨心平等觀，莫隨煩惱魔。 |
| | | 智 | 應發菩提心，覺悟諸群生，無量劫修行，不起疲倦想。 |
| | 善 現 說 頌 以 申 女 德 ， 蓮 花 中 化 生 與 太 子 同 日 | | 時，彼女母說偈白言：(二十四偈) |
| | | 勸聞 | 唯願太子聽，此女從生來，乃至今長成，一切諸因緣。 |
| | | 十 波 羅 蜜 佛 | 太子所生日，女從蓮華生，其目淨修廣，肢節悉具足。 |
| | | | 我曾於春月，遊觀娑羅園，觀見諸卉木，種種華榮茂。 |
| | | | 同遊八百女，容儀悉端嚴，皆已具足知，諸巧技能法。 |
| | | | 彼園有浴池，名曰眾莊嚴，我於池岸坐，采女眾圍遶。 |
| | | | 時彼浴池中，千葉蓮華生，寶葉瑠璃莖，閻浮檀金臺。 |
| | | | 眾妙寶香鬚，普放淨光明，遍照閻浮提，猶若日初出。 |
| | | 十 波 羅 蜜 法 | 時見此玉女，從彼蓮華生，觀者皆念言，此則善業報。 |
| | | | 目髮紺青色，其身如紫金，眾寶以莊嚴，觀者心無厭。 |
| | | | 離垢淨無穢，肢節悉具足，猶如真金像，安處寶蓮華。 |
| | | | 毛孔梅檀香，普熏於一切，口出蓮華香，演妙梵音聲。 |
| | | | 此是玉女寶，世間所希有，身相悉具足，種種妙莊嚴。 |
| | | | 一切諸技術，世間言論法，究竟悉縷練，願為哀納受。 |
| | | 十 波 羅 蜜 僧 | 此是玉女寶，身分悉圓滿，功德具莊嚴，宿行之所得。 |
| | | | 善知眾生病，起患之所由，又知對治法，除滅眾疑惑。 |
| | | | 一切閻浮提，眾生語言法，種種妓樂音，無不善通達。 |
| | | | 此女修功德，遠離女人法，能轉眾生心，唯願哀納受。 |
| | | | 捨離嫉妬心，不醉於五欲，不起瞋恚心，修習忍智慧。 |
| | | | 精進持淨戒，能辦一切事，專求諸功德，太子願納受。 |
| | | | 若見諸貧窮，老病眾苦逼，無所歸依者，大悲普慈念。 |

入法界品善財童子五十三參之第四十會釋女瞿夷(十地)之六

| | | | | | |
|---------------|--------------------------|--------------------------|---|--------------------------|--|
| 釋女瞿夷法雲地往昔成就因緣 | 以申女德 | 十波羅蜜 | 常欲利眾生，不求自安樂，功德莊嚴身，饒益於一切。 | | |
| | | | 於諸威儀中，常修不放逸，修習諸善法，見者無不悅。 | | |
| | | | 功德普莊嚴，遠離染污心，常求善知識，恭敬樂供養。 | | |
| | | | 修習大慈法，棄捨怨結心，智慧無與等，唯願哀納受。 | | |
| | 威德主太子問妙德童女：行菩薩行時汝障礙不 | | 爾時，太子答言：善女！我已先發阿耨多羅三藐三菩提心，欲無量劫行菩薩行，積集一切功德智慧，淨修一切諸波羅蜜，恭敬、供養一切諸佛，護持正法，嚴淨一切諸佛世界，令如來種相續不斷，教化眾生，滅生死苦，住究竟樂。欲令眾生淨智慧眼，住菩薩道，修菩薩行，具足一切菩薩諸地。令一切眾生心大歡喜，我當盡未來劫行檀波羅蜜，悉捨一切國城、妻子、肢節、手足、頭目、髓腦，或在家布施、出家修道，汝於爾時，莫作障礙，壞我道心。 | | |
| | 太子說偈徵詢童女和合大願 | | 爾時，太子重為彼女而說偈言： | | |
| | | | 哀愍眾生故，我發菩提心，無量無數劫，積集智功德。 | | |
| | | | 無量劫海中，修習諸大願，廣修菩薩行，具足一切地。 | | |
| | | | 三世諸佛所，學六波羅蜜，聞法能修行，專求菩薩道。 | | |
| | | | 十方垢濁刹，我悉令嚴淨，除滅諸群生，三惡道苦患。 | | |
| | | | 以諸方便力，廣度一切眾，除滅愚癡闇，住一切智道。 | | |
| | | | 供養諸佛海，淨修一切地，發起大慈悲，內外一切捨。 | | |
| | | | 若我施來求，妻子諸眷屬，在家及出家，汝莫作障礙。 | | |
| | | | 若能如是者，我則納受汝。 | | |
| | 妙德童女發願敬奉來教 | 心願圓滿願成大智 | 時，女答言：敬從來教，乃至出家不敢有礙。即說偈言：(十四偈) | | |
| | | | 一切劫海中，地獄火燒身，若能眷納我，甘心受此苦。 | | |
| | | | 一切生死身，碎末如微塵，若能眷納我，甘心受此苦。 | | |
| | | | 無量劫頂戴，一切金剛山，若能眷納我，甘心受此苦。 | | |
| | | | 一切生死海，以我施無悔，若得法王處，願令我亦然。 | | |
| | | | 佛 | 無量無數劫，修行菩薩道，有來求我者，歡喜願施與。 | |
| | | | | 太子見眾苦，發起菩提心，無量大慈悲，攝眾生及我。 | |
| | | | 法 | 我不求豪富，不貪五欲樂，但願共行法，而為太子妻。 | |
| | | | | 修廣明淨眼，慈愍觀眾生，不起染污心，必成菩提道。 | |
| | | | 精進 | 太子遊行時，地出眾寶華，此相無有疑，必為轉輪王。 | |
| | | | | 我昔於夢見，正覺勝日光，菩提樹下坐，大眾悉圍遶。 | |
| | | | 般若 | 夢中見彼佛，以手摩我頂，覺已大歡喜，踊躍無有量。 | |
| | 空中時有天，名曰清淨身，彼天為我說，道場佛興世。 | | | | |
| | 方便 | 我發如是念，若見太子者，當為分別說，勝日光佛興。 | | | |
| | | 我昔所志願，於今悉成滿，唯願俱往詣，供養彼如來。 | | | |
| | | | 爾時，太子聞彼如來出興于世，心大歡喜，踊躍無量，欲見彼佛，以五百寶散彼女人，又與妙德光藏淨周羅寶并妙衣服。時，彼女母即為太子而說偈言： | | |

入法界品善財童子五十三參之第四十會釋女瞿夷(十地)之七

| | | | |
|---------------|---------------------|----|--|
| 釋女瞿夷法雲地往昔成就因緣 | 智悲和合成就五百摩尼寶 | 佛 | 今此玉女寶，功德莊嚴身，我昔所志樂，此願今成滿。 |
| | | 法 | 持戒不放逸，智慧諸功德，普於一切世，最勝無倫匹。 |
| | | 僧 | 此女蓮華生，種姓無譏嫌，遠離諸不善，太子同志願。 |
| | | 精進 | 此女身柔軟，猶如天繒纈，蒙彼手摩者，眾患悉除滅。 |
| | | 禪定 | 毛孔所出香，芬馨無倫比，眾生若聞者，悉住於淨戒。 |
| | | 般若 | 其身淨無垢，譬如真金像，若有觀見者，離害具慈心。 |
| | | 方便 | 口出微妙音，無不樂聞者，若有聽斯音，遠離諸惡業。 |
| | | 願 | 心淨無瑕穢，質直無諂曲，隨其所聞法，如說能修行。 |
| | | 力 | 恭敬善知識，及所尊重者，遠離貪欲心，專求於正法。 |
| | | 智 | 此女心不恃，妙色蓮花生，世間諸榮樂，唯求無上道。 |
| | 和合成就詣法雲光明道場 | | 時，彼太子與此女俱，并一萬采女出香茅園，各乘寶車，往詣道場，下車步進，遙見如來相好嚴身，其心澄淨，如鏡淵淨，諸根調伏猶如象王，心大歡喜，踊躍無量。 |
| | 太子童女聞佛說法各得成就 | | 與采女眾往詣佛所，頭面禮足，恭敬供養，遶無數匝，各持五百眾妙寶華，供散彼佛，為彼如來興立五百眾香樓閣，雜寶嚴飾。時，彼如來為說普門燈明修多羅，聞說經已，於一切法中得三昧海，所謂： |
| | | 佛 | 諸佛願海三昧、 |
| | | 法 | 普照三世光藏三昧、 |
| | | 僧 | 對見一切諸佛三昧、 |
| | | 精進 | 普照一切眾生三昧、 |
| | | 禪定 | 普照世界海淨智燈光明三昧、 |
| | | 般若 | 普照眾生根海智光明三昧、 |
| | | 方便 | 救護眾生光雲三昧、 |
| | | 願 | 教化眾生現前智燈明三昧、 |
| | | 力 | 聞持諸佛法輪三昧、 |
| | | 智 | 具普賢行淨雲三昧、 |
| | | | 於一切法中得如是等諸三昧海。時，彼玉女於諸法中得不可壞寂靜法門，於阿耨多羅三藐三菩提得不退轉。 |
| | 太子與妙德童女還宮大王等捨王位授與太子 | | 時，彼太子與諸眷屬禮彼如來，遶無數匝，辭退還宮，詣父王所，頭面敬禮，白言：大王！彼道場上勝日光佛始成正覺。 |
| | | | 王問太子：從誰聞乎？答言：從彼離垢妙德女聞。時，王聞已，歡喜無量，猶如貧人得大寶藏，作如是念：佛無上寶難值、難遇，能滅眾生惡道、貧苦，為無上醫；善對治法，除滅眾生諸煩惱患，為善導師；於生死海，濟度眾生，置涅槃處。 |
| | | | 作是念已，召諸小王及諸群臣并婆羅門、刹利、居士，皆悉集會而告之曰：我聞太子無上吉語云：勝日光佛出興于世。我聞是已，歡喜無量，無以酬報，今捨王位授與太子。王捨位已，與諸眷屬往詣道場勝日光佛所，頭面禮足，退坐一面。 |

入法界品善財童子五十三參之第四十會釋女瞿夷(十地)之八

| | | |
|---------------|---------------------|---|
| 釋女瞿夷法雲地往昔成就因緣 | 離王暗陀羅尼得 | 爾時，如來觀察彼王及諸眷屬白毫相中放大光明，名曰一切眾生心燈，普照十方無量世界，一切諸王顯現如來不可思議自在神力，應受化者令彼心淨， |
| | | 具足不可思議功德，超出世間，其身清淨，以微妙音為大眾說離癡瞋法真實燈陀羅尼門，佛刹微塵等陀羅尼以為眷屬。 |
| | | 彼王聞已，即得廣大智慧光明，閻浮提微塵等菩薩得此陀羅尼，六十那由他人得諸漏盡，一萬眾生皆得離垢清淨法眼，無量眾生悉發阿耨多羅三藐三菩提心。 |
| | | 又以不可思議自在神力，於十方刹以三乘法化度眾生。 |
| | 得無上三昧王與眷屬 | 爾時，彼王作如是念：此諸功德若不出家則不能辦，我今應當於如來所出家修道。前白佛言：今從世尊出家學道。佛答王言：宜知是時。 |
| | | 時，王即與一萬眷屬出家修道，皆得離癡瞋法真實燈陀羅尼門及世界微塵等陀羅尼。又得菩薩十明及無量辯淨無礙身，詣諸佛所，悉聞受持佛正法輪，為大法師，以神通力遍諸世界，隨所應化，為彼現身。讚歎佛法并諸過去菩薩所行菩薩本生，又讚歎佛無量無邊自在神力，守護正法。 |
| | 威德太子於園遶七寶自在至 | 爾時，太子月十五日，王得道時，於其正殿，采女圍遶，七寶自至。一金輪寶，名勝自在；二象寶，名曰青山；三紺馬寶，名勇疾風；四神珠寶，名光藏雲；五主藏臣寶，名曰大財；六玉女寶，名淨妙德；七主兵臣寶，名離垢眼。得是七寶，於閻浮提作轉輪王。 |
| | | 時，有千子，端正勇猛，能伏怨敵。時，彼人民熾盛，豐樂自在，八萬王城，城各建立五百樓閣，大僧伽藍，眾寶莊嚴，一一僧伽藍起廣大塔，一切眾寶以為莊嚴，香華繒蓋而供養之；一一王城次第請佛，以不思議眾妙供具供養如來。 |
| | | 時，佛入城，無量眾生皆大歡喜，長養善根，發菩提心，以廣大悲饒益眾生，正求佛法，知真實義，平等觀察三世諸法，明淨智慧，普照三世，知三世佛次第出世，攝取眾生，向菩薩道，行菩薩行，安住菩薩平等正法，逮得如來法輪，智光深入法海，能於己身見一切刹，善知諸根，弘誓願海得一切智。爾時，如來次第受彼諸王請時，如是饒益無量眾生。 |
| | | 太子及妙德童女往昔因緣結會，（依李通玄長者《華嚴經論》，見附C40-1） |
| | 威德主太子成就根本智慧（成就根本智慧） | 佛子！爾時，太子增上功德主，豈異人乎？今釋迦牟尼佛是也。爾時，王寶主，寶華佛是也，寶華如來今在東方。過世界海微塵等世界海，有一世界海，名法界虛空光雲；中有世界，名佛圓滿光妙德燈；彼有道場，名曰一切天王光幢；彼佛始成正覺，與不可說佛刹微塵等菩薩大眾圍遶說法，彼寶華佛為菩薩時，淨彼刹海，彼刹海中三世諸佛出興世者，皆寶華佛為菩薩時，教化令發阿耨多羅三藐三菩提心。 |
| | | 爾時，女母善現者，今我母善目是也。王眷屬者，彼如來所大眾是也。皆悉具足普賢諸行，成就大願，清淨法身，普照世間，其心無壞，逮得菩薩諸三昧門，以清淨眼皆悉對見一切諸佛、一切如來，以虛空等妙音聲雲轉正法輪，悉聞受持，於諸法中得自在力，出入息頃遍遊一切諸佛世界；以微妙音為眾生說法，而未曾離一切佛所，盡未來劫，修菩薩行，隨所應化，悉為現身。 |

入法界品善財童子五十三參之第四十會釋女瞿夷(十地)之九

| | | | |
|---------------|-------------------|----------|---|
| 釋女瞿夷法雲地往昔成就因緣 | 妙德女與威德主太子往昔供養五十佛 | | 爾時，離垢妙德寶女共增上功德主轉輪王四事供養勝日光佛者，我身是也。彼佛滅度後，其世界中有六十百千億那由他佛出興于世，(五位行法諸佛缺文，此處劃分依四十華嚴) |
| | | 十住 | (勝日身如來滅後，)其最初佛號明淨身；次名淨明月普照智；次名智觀幢；次名廣智光明王；次名精進金剛那羅延；次名不壞智； |
| | | 十行 | 次名智普緣；次名淨德智雲；次名師子智光；次名周羅光明；次名功德光幢；次名智日幢；次名開寶蓮華身；次名功德光；次名智光雲；次名普明淨月； |
| | | 十迴向 | 次名莊嚴蓋妙音；次名師子勇猛智照；次名法界慧月；次名覺眾生心虛空電光；次名善鼻妙香；次名寂滅響；次名甘露山；次名法海雷音；次名無壞智音；次名覺空電光周羅； |
| | | 十地 | 次名月光白毫相雲；次名圓面淨慧；次名善覺智華光；次名寶焰山妙德王；次名廣德夜光；次名妙寶月幢；次名具三昧身；次名勝寶光王；次名現普智光；次名焰海門燈； |
| | | 等覺 | 次名離垢妙音王；次名無等功德；次名勝幢；次名修臂；次名本願淨月；次名真實智燈；次名法上妙音；次名明淨妙德藏王；次名乘幢；次名法海蓮華。(其最後佛，名廣解脫光) |
| | | | 佛子！彼一劫中，如是次第六十百千億那由他佛出興于世，我悉親近、恭敬、供養。 |
| | 而未能知普賢解脫門 | 成就菩薩廣解脫光 | 其最後佛名廣解脫光，於彼佛所得淨智眼。佛子！爾時，彼佛初成正覺，入城教化，我時為王夫人，與彼大王恭敬、供養，聞彼佛說如來性起燈修多羅，聞已，得淨智眼，又得觀察菩薩三昧海法門。佛子！我得此法門已，於世界微塵等劫受持修習，是諸劫中，值無量佛出興于世，我悉恭敬供養。佛子！我或一劫值一如來出興于世，恭敬供養，或二、或三、或不可說；或於一劫，值世界微塵等佛出興于世，我悉恭敬供養，而未能知諸大菩薩身量像貌及其身業、心行、智慧三昧境界。 |
| | | | 佛子！我若見修菩薩行者，歡喜無量，恭敬供養，以諸方便而攝取之，令於阿耨多羅三藐三菩提，得不退轉。佛子！我於世界微塵等劫，值遇諸佛，恭敬供養，彼佛說法悉聞受持。時，彼諸佛各以種種修多羅為我說此法門，我聞是已，悉於三世佛刹海中、諸如來所、佛眷屬所修此法門，又行菩薩行、菩薩大願海，種種法門中修此法門，猶未能知普賢菩薩所行法門， |
| | | 普賢門 | 何以故？佛子！普賢法門猶如虛空無量無邊，又如眾生及三世海、十方刹海及諸法界無量無邊。佛子！普賢菩薩法門與諸佛身境界齊等。我於世界微塵等劫，觀菩薩身，心無厭足， |
| | 十地菩薩業用自在於念念中見無邊刹海 | | 何以故？我於菩薩一一毛孔中，念念悉見無量無邊莊嚴世界，佛坐道場，成等正覺，於大眾中以微妙音轉正法輪，說種種修多羅，種種諸乘，種種清淨。 |
| | | | 復次，佛子！我於菩薩一一毛孔中，念念悉見諸眾生海各有所住及其境界、諸根不同；於三世中發菩提心，行菩薩行，具大願海，淨諸菩薩無量無邊波羅蜜海，及諸菩薩本生之海，無量無邊大慈悲海；攝取眾生悉令歡喜，乃至悉見一切菩薩現處中宮，采女圍遶。佛子！我於菩薩一一毛孔中，皆悉親見如是等事。 |

入法界品善財童子五十三參之第四十會釋女瞿夷(十地)之十

| | | | | |
|-------------|-----------------|-------|---|-----------------------------|
| 釋女瞿夷成就第十法雲地 | 自法門 | | 佛子！我唯知此法門， | |
| | 自宗門 精進 | | 諸大菩薩皆悉究竟諸方便海，顯現一切眾生等身，隨順世間，於一切毛孔普放一切相海光明，了法無性，諸眾生類等如虛空，一切至處皆悉如如，顯現神變，於諸法界得自在力，遊戲普門一切諸地法門海中；我當云何能知、能說彼功德行？ | |
| | 推薦精進 | | 爾時，瞿夷語善財言：善男子！此迦毘羅城摩耶夫人，汝詣彼問云何菩薩修習諸行，不染世法？供養諸佛，於菩薩行得不退轉？除滅障礙，不由他悟，入諸法門，常能應現一切佛所？攝取眾生，盡未來劫，修菩薩行而不退轉，究竟滿足大乘諸願，長養一切眾生善根？ | |
| | 釋迦女瞿夷重宣成就本事說偈結會 | | | 爾時，瞿夷承佛神力，欲重明此義，以偈頌曰：（三十三偈） |
| | | 佛十波羅蜜 | 佛 | 我見樂修行，菩薩諸行者，歡喜心無量，皆悉攝取之。 |
| | | | 法 | 乃昔久遠世，過百剎塵劫，有劫名清淨，世界名光明。 |
| | | | 僧 | 爾時彼劫中，六十百千億，那由他諸佛，出興於世間。 |
| | | | 精進 | 最後等正覺，號為法幢燈，彼佛滅度後，有王名智山。 |
| | | | 禪定 | 以大自在力，王領閻浮提，悉能廣降伏，一切諸怨敵。 |
| | | | 般若 | 王子有五百，端正身姝妙，其體淨圓滿，見者無厭足。 |
| | | | | 深信諸佛法，恭敬而供養，守護正法藏，受持樂修習。 |
| | | | 方便 | 彼王有太子，名曰善光明，三十相嚴身，饒益諸群生。 |
| | | | 願 | 五百億人俱，出家行學道，勇猛精進力，護持彼佛法。 |
| | | | 力 | 王都名智樹，一億城圍遶，有林名靜德，眾寶樹莊嚴。 |
| | | | 智 | 善光住此林，廣說佛正法，辯才無窮盡，令眾悉清淨。 |
| | | 法十波羅蜜 | 佛 | 或為乞食故，入彼王都城，庠序有威儀，見者莫不欣。 |
| | | | 法 | 遊步如師子，志意常安諦，諸根悉調伏，念慧現在前。 |
| | | | | 爾時有長者，名曰歡喜幢，我為長者女，名曰隨順光。 |
| | | | 僧 | 時我於城中，遇見善光明，相好莊嚴身，歡喜心無量。 |
| | | | 精進 | 次乞至我門，我以染心施，摩尼莊嚴具，投彼善光鉢。 |
| | | | 禪定 | 雖以染愛心，供養彼佛子，二百五十劫，不經三惡道。 |
| | | | 般若 | 常於天人中，尊貴王家生，恒見善光明，妙相莊嚴身。 |
| | | | 方便 | 於後所過劫，二百有五十，善現女家生，名離垢妙德。 |
| | | | 願 | 我見勝自在，發起供養心，不惜身壽命，隨其所施與。 |
| | | | 力 | 時與太子俱，覲佛勝日光，歡喜心無量，發起菩提心。 |
| | | | 智 | 彼劫最後佛，名廣解脫光，出興於世間，我值悉供養。 |
| | | 僧十波羅蜜 | 佛 | 從彼最後佛，得淨智慧眼，了知諸法相，除滅虛妄倒。 |
| | | | 法 | 得觀察菩薩，三昧海法門，一念悉觀見，不可思議剎。 |
| | | | 僧 | 見彼諸佛剎，或淨或垢穢，於淨不貪樂，於穢不憎惡。 |
| | | | 精進 | 普見諸世界，如來坐道場，一念見諸佛，不思議光海。 |
| | | | 禪定 | 亦見佛眷屬，一切三摩提，一切諸法門，皆悉無障礙。 |

入法界品善財童子五十三參之第四十會釋女瞿夷(十地)之十一

| | | | | |
|-------|--------|-------|----|--------------------------|
| 成就法雲地 | 重宣成就本事 | 僧十波羅蜜 | 般若 | 又知彼業行，隨其所住地，及諸大願海，一念悉了知。 |
| | | | 方便 | 我於菩薩身，見諸菩薩等，無量劫修行，一切莫能測。 |
| | | | 願 | 一一毛孔見，阿僧祇劫刹，風輪水火輪，一切大地輪。 |
| | | | 力 | 種種所依住，世界形類相，諸妙莊嚴具，眾生身差別。 |
| | | | 智 | 又見世界海，一切諸世界，諸佛出興世，說法度眾生。 |
| | | 甚深總說 | | 我於無量劫，修習菩薩行，猶不知菩薩，身業心智慧。 |
| | | 聞法信行 | | 時，善財童子頭面敬禮彼瞿夷足，遶畢辭退。 |

附C40-1：入法界品善財童子所問釋女瞿波發心久如因緣之一

| | |
|------------------------------------|---------------------------------|
| 太子出遊，瞿波婚禮及見佛所有因緣，於此段中，約分立十門，明太子納妻。 | 一太子出行遊觀。 |
| | 二善現母女見太子心生愛染。 |
| | 三女母自念卑賤非其匹偶。 |
| | 四童女寐夢見勝日身佛，覺已，有天告其童女云：勝日身佛出興於世。 |
| | 五童女自申美德，自進請約為夫人，願垂納受。 |
| | 六太子問女：誰為守護，先屬何人？ |
| | 七母說頌以申女德及所生因，蓮華中化生與太子同日生。 |
| | 八太子入香牙園問女及母：我行菩薩行，汝不障礙不？ |
| | 九女白太子言：敬奉來教。 |
| | 十太子納女為夫人，以五百摩尼寶散其身上。 |
| 童女受位已下，女母善現歎女智德，於此已下復分十門，明財主王得道。 | 一女母歎女之德。 |
| | 二太子與妙德及十千姝女往香牙園法光道場見佛。 |
| | 三太子及女見佛歎供養。 |
| | 四佛為說普眼燈門經。 |
| | 五太子及女聞法，於一切法中得三昧海。 |
| | 六妙德女得三昧，名難勝海藏，永不退，轉大菩提心。 |
| | 七太子辭佛還宮啟白父王如來出世。 |
| | 八王聞歡喜，集諸小王群臣眷屬授太子灌頂職，與諸眷屬俱詣佛所。 |
| | 九王見佛禮敬遶畢退坐一面，如來放光以神通力，示化其王三乘法化。 |
| | 十其王及眷屬皆獲利益，出家學道不久得離暗燈陀羅尼門。 |
| 已下明太子為王，十五日七寶來至，於此段中復立十門，明都結本緣因果。 | 一太子登紹王位七寶自至。 |
| | 二八十王城安置僧坊。 |
| | 三請佛入城。 |
| | 四佛入城已，以大神力眾生歡喜，眾生獲益。 |
| | 五太子輪王者，今毘盧遮那如來是。 |
| | 六財主王者，寶華佛是，現在東方世界。 |
| | 七其女母者，我母善目是。 |
| | 八為輪王夫人妙德者，我身是者，即瞿波是。 |
| | 九自此已去明供養佛，數都舉六十億百千那由他。 |
| | 十通本勝日身如來至末佛，號廣大解，有五十。 |
| 從最後佛號廣大解已下，復立十門。 | 一於此佛所得法門。 |
| | 二明得法門，名觀察一切菩薩三昧，已經佛刹微塵數劫勤加修習。 |
| | 三明率化勸修此門。 |
| | 四雖多劫勤修自念，猶未能盡知菩薩行。 |
| | 五推德勝進。 |

附C40-1：入法界品善財童子所問釋女瞿波發心久如因緣之二

從最後佛號廣大解
已下，復立十門。

六正歎後善友之德。

七示其善友所居世界之處。

八舉善友之名，名曰佛母摩耶。

九瞿波說頌重頌前法。

十更舉往古初時遠因為居士女時所緣之行。

(返回第700頁)